






Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2887/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2887/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2887/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2887/A

2157


A X

GONZALEZ DE MENDOZA (quon)


EX BIBLIOTHECA



CAR. I. TABORIS.







NOVA  
ET SVCCIN-  
CTA, VERA TAMEN  
HISTORIA

DE AMPLISSIMO, POTENTISSIMO-  
que, nostro quidem orbi hactenus incognito, sed perpaucis  
abhinc annis explorato Regno CHINA; quindecim flo-  
rentissimis eius Prouincijs, plurimis admiranda magnitudi-  
ne insignibus vrbibus; summa fertilitate; incredibili vnio-  
num, gemmarum, auri, argenti, cæterorumq; varij generis  
metallorum opulētia & copia; populorum ijs in regionibus  
inaudito in bellis terrestri naualiq; adparatu; præclara item,  
prudentique optimè constitutæ Reipublicæ moderatōne;  
& in vniuersum, de gentium illarum eamorum dexteritate,  
ea ingeniorum acrimonia, cuiusmodi vix in vllis (clarissi-  
marum etiam nationum; Medorum, Persarum, Assyriorum,  
Indorum, Græcorum, Romanorum, aut quorumcunq;  
que denique aliorum) historiarum monu-  
mentis, toto terrarum orbe  
reperiatur.

*Ex Hispanica primùm in Italicam, inde in Germanicam  
ex hac demùm in Latinam linguam conuersa;*

Operâ Marci Henningi Au-  
gustani.

Reliquorum, quæ in hisce libris describuntur,  
summam, præfatio Autoris, & singulo-  
rum capitum elenchi docebunt.

Cum gratia & priuilegio Cæsareæ Maiestatis,

FRANCOFVRDI ad Moenum.

*Io: Bapt: Dominio Lo: Philippo Augustino  
optimo viro in Jure.*



60452

1575

ET SVCCO

1575

1575

1575

1575

1575

1575

1575

1575

1575

1575

1575

1575

1575

1575

1575

1575

1575

1575


1575

1575

1575

1575





3

ILLVSTRI ET GE-  
NEROSO DOMINO ANTONIO  
FVGGERO, Baroni Kirchbergio & VVeissenhor-  
nio, &c. sereniss. Archiduci Austriae, &c. Fer-  
dinando, à consilijs: literarum & li-  
teratorum Mæcenati obser-  
uando. S. D.



VAE Chinarum nomine  
hodiè gentes nuncupan-  
tur, Illustris & generose  
Baro, eas a Cl. Ptolemæo,  
& crudita antiquitate Sinas (vnius  
literæ facili mutatione) adpellatas  
esse, opinio est. Neq; tamen, vel apud  
hunc, vel apud alios vetustiores cele-  
bres scriptores, fusior aliqua aut ple-  
nior, vllam in partem, populorum re-  
gionumue earum descriptio exstat;  
nisi quâ situs, limites, & paucae ali-  
quot incolentium easterras natio-  
num, ab eo, quem dixi, nobili autore,  
nominè tenus duntaxat, memoran-  
tur;

tur: Sinas etiam metropolin (quæ Straboni & Ptolemæo Thina sunt) Stephanus, siue quicunq; is Græcus fuit, cuius de vrbibus epitomen habemus, nominat. Cæterum, quæ, florente Græca Romanaque potentia, obscuris famæ tecta inuolucris, homines tenuisse videtur Sinarum nationis ignoratio; eandem iis etiam, quæ à nostra memoria propius absunt, sæculis, mansisse, nemo annalium, monumentorumque veterum peritus rectè, credo, negauerit: Vnus M. Paulus Venetus, qui antè annos circiter CCC. omneis Asiæ maioris, tum præpotenti Tartarorum Imperio subiectas regiones descripsit, inter eas Mangi (quò nomine Chinæ ab eo vocari existimantur) amplissimæ ditissimæque prouinciæ, secundo historiæ suæ libro mentionem facit. Verum, a uorum demùm ætate, institutæ ab Hispanis atque Lusitanis, uerso penè ambito terrarum orbe, nauigationes, certiora nobis, & confirmatio-



matoria his de rebus aperuerunt, de quibus tamen, neq; in tabulis diuersorum Geographicis, neq; aliàs narrationem haëtenus exactiorem aut copiosioremlam videre licuit, præter eam, quam, post Dominicum Nigrum, Italū (qui tamē vix alia, quā Ptolemaica exsequutus est) doctissimus vir, Hieronymus Osorius, Episcopus Algarbiensis, Lusitanus, libro, de rebus gestis Emanuelis Lusitaniæ Regis, vndecimo, de Sinis, eorumq; variis moribus atque ritibus, ex ciuium, opinor, suorum, eorumq; qui laboriosa peregrinatione oras eas obiëre, relationib⁹, vberius, & quā alter, explicatius edidit; cuius historiæ exemplis præfixa Ioannis Metelli Sequani epistola, & de Sinis aliqua, & de aliis ab Hispanica gente adinuentis nouis regionibus complura differt: epistolæ porrò, ex Iapone (quæ Græcis olim Chrise, M. Paulo Veneto Zipangri dicta creditur) Indiisque, in Europam, ab aliquot iam annis

A 3 millæ,



missæ, & publicatæ, complures, multa  
de eorum populorum moribus, reli-  
gione, cæterisque ritibus & viuendi  
institutis exponunt. Sed circiter ter-  
tium ab hinc annum, edita est ex Hi-  
spanico in Italicum sermonem (vt ti-  
tulus præ se fert) conuersa de Regno  
Chinarum (vt vocabulo hoc, ad lati-  
nam Sinarum inflexionem, tanquam  
recentiori, magisq; noto vtar) histo-  
ria, autore Ioanne Consaluo, Augu-  
stiniani religiosi instituti sacris dica-  
to, perillustri inter Hispanicas Men-  
dozarum familia nato, cuius scripti,  
in treis diuisi parteis, primis tribus li-  
bris, amplissimi Chinarum Imperii  
situs, prouinciæ, mores, religio, ritus,  
opes, Reipublicæ moderatio, & Re-  
gius dominatus, aliaque id genus, ad  
historicam expositionem pertinen-  
tia, nominatim & distinctè enarran-  
tur; quod nemo eorum, quorum pri-  
us memini, aliorumue antehac præ-  
stitisse visus est. Eos tres libros ex Ita-  
lica in Germanicam linguam trans-  
lates,

latos, & huius anni verno mercatu  
Francofurtēsi typis excusos (reliquæ  
etenim duæ partes, Italicè adhuc le-  
guntur) ego Latinè suscepi conuer-  
tendos, cū vt petenti id Sigismun-  
do Feirabendio bibliopolæ Franco-  
furtensi (qui prius germanicè à ciue  
suo conuersos, exprimendos curârat)  
morem gererem, tūm, quòd per sese  
plurimorum cognitione non indi-  
gnos iudicarem, quippe qui multa  
cognitu periucunda, neque inutilia  
traderent; atque (præter ea, quæ, ab a-  
liis aut ignorata, aut imperuestigata,  
aut omīssa, Mendoza, peculiariter,  
ex eorum, quos ipsosmet in Chinis  
fuisse, omniaque, quæ ab se recen-  
seantur, vidisse & cognōsse ait, ad  
ipsum postea Regem missa exposi-  
tione, hausisse se testatur) cum iis,  
quos modò nominaui, Osorio, in-  
quam, Metello Nigro, literis laponi-  
cis, tabulisq; Geographicis p omnia  
ppemodū cōuenirent. In eo certè, cū  
M. Paulo Veneto (quē qdem, quāuis



PRAEFATIO.

prim<sup>o</sup> orbi gentē hāc mōstrasse videri  
voluerit, ea tamē scripsisse autor no-  
ster in sua præfatione testatur, quæ de  
Tartarisne, an de Chinis intelligen-  
da sint, in dubium vocari possint) cō-  
sentire videntur, quod primo tertii  
libri capite, ab Hombi Chinarum re-  
ge, ad eum vsque, qui hodiē Chinis  
imperat, Bonogium, ducentos annos  
numerari, ante Hombim, totis nona-  
ginta tribus annis Tartaros Chinæ  
(vt in vocis huius pronunciatione,  
ante alios, eundē, cuius antē memi-  
ni, Oforium, Sinam æquē ac Sinas a-  
liquoties efferentem, imiter) domi-  
natos, & ab eo, quem nominauimus,  
Rege, principatu excussos esse narra-  
tur. Iam, M. Paulus, historiæ suæ libro  
primo, capite 54. anno à nato Serua-  
tore M. CC. LXII. X. Mangi prouin-  
ciam à magno Tartarorum Chamo  
siue Imperatore Cublai expugnatam  
dicit, quod annis ab hinc CCCXXI.  
factū esse, calculus indicat; à quibus,  
si anni XCIII. Scythicæ dominatio-  
nis



nis subducatur, ducēti circiter, & duo detriginta anni, ad hunc usque annū effluxere, per quos Chinis è Tartarica servitute creptis, ab indigenis Regibus est imperitatum. Quod praeterea de arte aeneis typorum formis libros imprimendi, Chinis usitata, à Mendoza libro 3. cap. 16. refertur, id, praeter alios (ut hoc obiter addam) à Paulo etiam Iouio, libro historiarum sui temporis 14. confirmari sentio, qui eius generis volumen, cum elephante, Leoni X. Pont. Max. à Lusitaniae rege dono missum, sese vidisse adserit, praeterquam, quod ipse quoque scriptor noster, huiusmodi librū quendam se habere, aliquot in Vaticana & Regia, coenobij San Laurentiani bibliotheca, alibiq; in Hispania, India, & Italia, cōspexisse indicat. Sed, plura in hanc sententiam, de cæteris, à Mendoza in narratione hac descriptis, in medium afferre, animus non est; è qua, praeter pleniorē, & diffusiorē, eius plagæ, omnisque incola-

A s rum

rum conditionis notitiam, à nemine, hucusque, pluribus, quemadmodum ego existimo, explicatam ( siquidem historia à nullo vnquam vituperata, & nunquam ferè vlla fuit, quæ non & iucundum aliquid, & vitæ idoneum diceret) ad lectores & vtilitatis plurimū, & oblectationis (in qua ipsa quoque vtilitas est) redituram spero.

Ad versionem verò meam quod attinet, me Germanici exemplaris fidem, & verba ( vt debebam ) sequutum atq; interpretatum esse aio, neq; tamen dissimulo, cum collatis vtriusque linguæ exēplis, paucula aliquot notoria, operarum, censeo, typographicarum, errata, ab Italici sermonis gnaris, in Germanica editione, animaduersa essēt, autoritate eorū & hortatu, me ex Italici libelli sensu & præscripto ea emendasse, ita, vt ipsius auctoris menti atque sententiæ nihil omninò decederet; quod sanè candidum lectorem, idiomatis nostri doctum, è trium versionum, Germani-

cæ



ca (cætera non inclegantis) Italicæ & Latinæ mutua compositione, satis superque intellecturum, optimamq; in partem accepturum esse, uti existimo, ita, id ut faciat, vehementer peto rogoque.

Ut autem iam ad te, Illustris & generose Baro, mea conuertatur oratio, cum, pro more, cunctis penè iis, qui in publicum quidpiam emittunt, à peruetusta omnium ferè sæculorum memoria, sollèni, huius meæ qualiscunque operæ, patronus aliquis mihi quærendus foret; Generosæ tuæ magnificentiæ, cum amicorum consilio, tum ipso quodam animi mei impulsu offerre eam, atque dedicare visum est: non quòd illustri tuo, & præclaris artibus, multiplicique rerum usu ex-culto atque instructo ingenio, dignā, aut, quæ vel obiter abs te inspiceretur, idoneam esse, iudicarem, cum præsertim Hispanica, Italicæue lingua edita descriptio maiorem legenti voluptatem allatura videri posset; verum



rum eò, vt, cuiuscunque in manus, quartum iam in aliam conuersa linguam, historia hæc perueniret, quartò etiam patrocínio præsidioq; viri virtute præstantis niteretur: Ac G. T. M. minimè grauitèr laturam esse, vt mihi persuadeo, ita omni contentione deprecor, quòd ego perfrieta adeò fronte sum, vt ignotus & obscurus, tam insigni atque amplo loco positum heroem còpellare, & quidquid meæ hoc opellæ est, ei obtrudere ausus fuerim. Cùm, n. è multorum sermonibus intellexissem, G. T. M. elegantibus literis atque disciplinis perornatam, ex historiarum etiam lectione (de quarum summis meritisq; laudibus, si ego, post tot grauissimos doctissimosque viros, vel mutire ausim, idem esse arbitror, ac si argutos inter strepat anser olores) magnā capere voluptatem, neq; Romano minus, quàm patrio, aliòve sermone, & ipsam scitè vti, & loquentes alios perlubenter audire: sumpsi hoc mihi, vt  
(quem-

(quemadmodum dixi) primam hanc  
descriptionis Regni Chinarum par-  
tem ei offerrem. Præter virtutis tuæ  
decus, spem meam animumque au-  
xit, nō per hominum solū ora iam-  
dudum volitans, sed & in plurimorū  
mentibus, altè radicibus actis, confir-  
matus, splendidissimæ familiæ tuæ,  
cū in alios, pro cuiusque conditio-  
ne, tū in eruditos, & optimarū arti-  
um studiosos, præclarus ille fauor &  
benevolentia, tibi, cum reliqua Fug-  
gerorum gente communis, qua utiq;  
(Musis nimirum volentibus) effectū  
est, indiesque efficitur, ut fama & glo-  
ria nominis vestri æquè in æternum  
permansura sit, atq; tot insignia, ma-  
gnificentiae & beneficentiae, quibus  
Augustam decorastis, aliaque, in qua-  
cunque terrarum parte, splendoris &  
ornatus à vobis edita monumenta.  
Hæc, illustris & generose Baro, ad G.  
T. M. præfari volui, quæ, vnà cum in-  
terpretatione mea, munere leuiden-  
sæ, crasso filo, boni ea ut consulat, me-  
que



que pro suo in omneis literarum studi-  
diosos benigno animo, in clientelam  
suam suscipere ne dedignetur, etiā at-  
que etiam oro. D. Augustæ Vin-  
delicorum; mense Sextili; Anno à na-  
to Christo Seruatore, M. D. XIC.

Generosæ T. M.

Addictissimus & de-  
ditissimus

Marcus Henningus.

IOAN.



15

IOANNIS CONSALVI  
MENDOZAE PRAEFA-  
tio ad Lectorem.

**N**Equaquam, optime Lector,  
usque adeò turpi ambitione  
labor, (qua plerique nostro-  
rum temporum historiogra-  
phi incitati, dum veteres cum novis histori-  
as comparāt, immortalem nominis sui glo-  
riam, felicibus ingenij monumentis, redde-  
re nituntur) ut, hoc, breui admodum, quo  
virium mearum quaecūque specimen e-  
didi, scripto, debitam alijs autoribus lau-  
dem eripere coner, à qua me longo adhuc in-  
teruallo abesse sentio.

Historia hac mea, haud ita proluxa, non  
de Atheniensium agit Republica, quam fusè  
descripsit Plutarchus: nèq; maiestatem tri-  
umphosq; veterum extollit Romanorum,  
quod peculiari nobiliq; argumento celeberrimus  
historicorum praestitit T. Liuius: nè-  
que res gestas Caesarum attingit Germano-  
rum, ab illustribus alijs scriptoribus literis  
commendatas: nèque debitam Paulo Aemi-



lio emulatur lauream, qui calamo suo Galliae reges immortalitati tradidit: neque ego denique praeclara inuictissimorum Hispaniae regum gesta ineleganti stylo conscribere proposui, quae, per sese, aurea velocis famae buccina, toto terrarum orbe ita innotescunt, ut ex hominum memoria effluere nullo modo possint.

Ad aliud, longè recentius, vulgoq; minus notum scribendi argumentum, studium atque operam meam confero: quod, cum multis summae & praestantissimae indolis hominibus defuerit, tractatione eius super sedere sunt coacti, constituiq; diligentibus, & huiusmodi rerum non planè ignaris, potentiam, magnitudinem, amplitudinem, maiestatem atque opulentiam Chinarum Regis quodammodo ostendere. Etsi autem Marcus Paulus Venetus, diuturno suo itinere Asiatico, primus orbi gentem hanc monstraſſe videri voluit: addubitant tamen quidam, ea, quae fidem hominum exsuperantia, Paulus scribit, de Tartarisne, an de Chinis intelligenda sint? Cum igitur hac aetate, eloquentium scriptorum adeò ſeraci, hactenus

nemo



*nemo repertus fuerit, qui illis in regionibus ab aliquot iam annis visa explorataq; in commentarios referret: ego verò, hac a fide dignissimis viris, qui suis sese oculis istarum rerum certos reddidere, summaq; industria, pleraque eorum, quæ mihi tradiderunt, ex ipsis Chinarum annalibus collegere, acceperim: eorum denique penes quos est autoritas, mandatis parere sim coactus: omnibus elegantis, & admirandarum stupendarumq; rerum auidi iudicij hominibus gratificandi causa, breuem hunc libellum in lucem edendum duxi: quò illi pleniora postea, & accuratiora eo in genere tractent, idq; omninò efficiant, quod ego, ut eos breui facturos spero, ita libenter ipsemet præstitissem: postq; ijs in locis magni adeò acuminis, multi è nostris reperiuntur: qui, si non nobilitate operis, extendendi tamen ad sempiternam eruditi animi laudem, nominis, occasione, ad huiusmodi scriptionem suscipiendam excitari deberent.*

*Primis itaque tribus historiae huius libris pro modulo tenuis sanè, sterilisq; ingenij mei, ea omnia, quæ de Chinarum Republica,*

*B**deq;*



deq<sup>ue</sup> vniuersae regionis qualitate & natura, verissimè certissimeq<sup>ue</sup>, inter huius Regni pulcherrima, commemorari posse videbantur, collegi.

Ceteris verò sequentibus, tria descripsi in Chinas facta itinera, quibus Martinus Herrada, Hieronymusq<sup>ue</sup> Marinus, Augustiniane sacrae familiae, Anno, à nato Seruatore, post mille quingentos, septuagesimo septimo: biennio post, Petrus Aluarus, cum quibusdam Franciscani instituti San Iosephianae prouinciae, sodalibus: & tandem, Anno M. D. XXCI. Martinus Egnatius, aliq<sup>ui</sup>, aliquot, eiusdem professionis sacris initiati, eò sese contulère: qui quidem, Hispali, conscensis nauibus, itinere, per Indiam Lusitanis subiectam, confecto, maxima terrarum orbis parte circumnavigata, in Hispaniam redierunt.

Quamobrem hac nostra lectori beneuolo offero & dedico: sperans ei lectu gratissima neque iniucunda fore, cum à nemine antehac unquam isthac materia sit pertractata: etsi tenue munus est, binisq<sup>ue</sup> haud exiguis vitijs laborat: vno, typographiae, cuius  
caussa



caussa non immeritò Italicis Chalcographis  
tribuitur, Hispanica lingua rudibus, qui,  
cùm verba non intelligant, coniungenda  
interdum diuidunt, separanda cōiungunt:  
cumq; Italici Characteres, punctis ad no-  
stram pronunciandi rationem necessarijs  
careant, multa illi sãpè perperàm atque im-  
peritè vocabula omittunt. Alterum vitium  
est, scriptionis inuenusta, quod tamen legen-  
tis candori permitto: ut is, quibus rationi-  
bus, quòue animo ad hæc exponenda sim ad-  
ductus, perpendens, excusatione me dignum  
censeat: eoq; magis, quod me, ubi Deo, ut  
spero, fortunante, in Hispaniam reuersus fu-  
ero, prælo denuò historiam hanc subiectu-  
rum, errores commissos sublaturum, singu-  
lariq; cura operam daturum esse polliceor,  
uti tam emendata illa in lucem prodeat,  
quàm ego omnibus id votis unice  
cupio atque exopto.

*ELENCHVS CAPITV-  
M, HISTORIAE RE-  
gni Chinarum.*

*LIBRI PRIMV.*

Descriptio Regni Chinarum, & finiti-  
morum populorum, Cap. I.

De aëris constitutione earum regio-  
num, Cap. II.

De fertilitate, & generibus frugum hu-  
ius Regni, Cap. III. & IV.

De vetusta origine Chinenfium, Ca. V.

De magnitudine Regni Chinæ, & qui-  
bus mensuris intervallorum, seu milliari-  
bus vtantur, Cap. VI.

De quindecim prouinciis Regni Chi-  
næ, Cap. VII.

De vrbibus primariis, aliisq; oppidis &  
pagis singularum prouinciarum, Ca. IIX.

De admirandis in ea terra ædificiis: in-  
gēti itidem muro, seu faucibus quingen-  
torum milliarium longitudine, ibi reper-  
tis, Cap. IX.

De forma corporis, facie, vestibus Chi-  
nensium, & viuendi institutis, Cap. X.

*LIBRI*



## LIBRI SECVNDI.

De multitudine idolorum, quibus di-  
vinos honores Chinenſes exhibent; & de  
quorundam ex illis effigie & forma, qui-  
bus Chriſtiana religio depingitur, Cap. I.  
& II.

Quàm parui Chinenſes idola ſua faci-  
ant, Cap. III.

De ſortilegiis apud ipſos, in ſerio quo-  
uis negotio ſuſcipiendo uſitatis, & de in-  
uocatione Cacodæmonis, Cap. IV.

Quid de initio mundi, & creatione ho-  
minis ſentiant, Cap. V.

Quòd immortales animos, & poſt ho-  
minis ex hac vita diſceſſum, aliud ſuper-  
eſſe æuum: tùm pro ſuo quemq; merito,  
aut pœna, aut præmio affectum iri, certò  
ſtatuant Chinæ, & quomodo precentur  
pro mortuis, Cap. VI.

De delubris, religioſis, tam virorum  
quàm ſcæminarũ ordinibus, & ſacris An-  
tiſtitibus apud Chinas, Cap. VII.

De ritibus eorum in ſepeliendis defun-  
ctis, lugubribuſq; veſtimentis, Cap. IIX.

De ritibus eorum in contrahendis ma-  
trimoniis, Cap. IX.

Quòd toto regno, neque in viis, neque  
ad templa, vlli ſerantur mendici; & quem



Rex modum, in alendis iis, qui suis operis victum sibi parare nequeunt, obseruet. Cap. X.

## LIBRI TERTII.

De regibus Chinenſium, & ſingulorum regum nominibus, Cap. I.

De palatio & ſede Regis: & neminem toto regno, præter vnum regem, à Chinenſibus Dominum agnoſci, Cap. II.

De numero beneficiariorum & clientium, aut regiæ ditioni ſubiectorum, & tributariorum, in ſingulis quindecim provinciis, Cap. III.

De tributis, quæ ad dignitatis Aulaeque autoritatem tuendam Regi penduntur, Cap. IV.

De copiis tam peditum, quam equitum, in ſingulis provinciis, Cap. V. & VI.

De lege & ſtatuto Chinenſium, quo extra ſui regni fines bellum gerere, ex eo aliò ſe cõferre, exterosque in id abſque cõſenſu Regis, admittere prohibentur, Cap. VII.

De ſenatu Regio, quemque is obſeruet morem, quò ſingulis menſibus, quicquid toto regno acciderit, cognoscat, Ca. IIX.

De officiis Palatinis, Reſtorib. prouinciarum, & moderatione Reipub. Cap. IX.

De cæteris Officiis publicis, & de ritibus



bus apud ipsos in foro, curia, & reliqua publicorum munerum administratione vsitatis, Cap. X.

De censoribus, quos quotannis Rex, vt in magistratum, per singulas prouincias, acta inquirant, ex aula cum potestate dimittit: & de modo animaduertendi in fontes, Cap. XI.

De carceribus & modo reos mortis capite puniendi, Cap. XII.

De literis & characteribus Chinenſium: ludis item literariis: aliisque admiratione dignis, Cap. XIII.

De modo explorandi eorum in literis progressum, quibus Loitiorum insignia conferuntur: ritu ea conferendi: ceremoniisq; post collationem ciuitati sollempnibus, Cap. XIV.

Quod machinæ tormentorum ænæ, multo antè apud Chinenſes, quàm apud Europæas gentes in vsu fuerint, Cap. XV.

Quantò Chalcographia apud Chinenſes antiquior sit, quàm apud Europæ populos, Cap. XVI.

De libris ab Herrada & collegis, è China allatis, & quid in iis describatur, Cap. XVII.

De Chinenſium conuiujs, & ritu celebrandi festa, Cap. XIX.

De salutationibus mutuis inter Chinas, & quas tùm adhibeant ceremoniis, Cap. XIX.

De honestate & disciplina mulierum, & quibus conditionibus tolerant impudicas, Cap. XX.

De forma nauium, quibus tàm in mari, quàm in fluuiis Chinæ vtuntur: & quomodo per integrum annum piscibus abundant, Cap. XXI.

De festiuo quodam modo, quo anates ingenti numero educant, minimoq; sumptu Chinæ pascunt: & artificiosa iucundaq; ipsorum piscâdi, ratione, Cap. XXII.

Qua solemnitate Chinarû Rex, aliorû Regum, Principum, & sui imperii vrbium & populorû legatos excipiat, Cap. XXIII.

De legatis, quos Hispaniarum Rex ad Chinarum Regem mittere constituerat: quæ causa legationis mittendæ, quæ postea differendæ, fuerit, Cap. XXIV.

DE



DE REGNO CHINA 25

NARRATIO-  
NIS HISTORICAE  
de amplissimo Regno CHI-  
NA; situ eius & magnitudine: vesti-  
bus, ritibus & moribus nationis;  
regionisq; natura & con-  
ditione.

LIBER PRIMUS.

Descriptionis Regni Chinarum,  
& finitimarum gentium,

CAPVT I.



ERTISSIMA verissimá-  
que de peramplo Chinarum  
regno (quod hac historia de-  
scribendum suscepimus) tra-  
ditio ea habetur, quæ ab Hispanis, Philippi-  
narum, quas vocant, Insularum incolis est  
profecta. Hæ Insulæ distant ab eo, de quo di-  
cimus, regno, & vt appellatur, continenti,

B S

ad



ad ducenta, eo loco, milliaria; Hispaniq; illi,  
iam decennio penè, in eas sese regiones quo-  
dammodò infuderunt: tametsi diu antea  
per Indiam quoque, Lusitanicæ ditionis,  
nō parua earum indicia extiterunt, ab ipsis,  
quos dixi, Lusitanis, orta, qui Cātonem us-  
que Chinarum Regni urbem negotiandi  
caussa excurrerunt, & ab ijs, qui Macaone  
habitant: sed quòd rumores tantū, neque  
satis illi constantes his de rebus adferrētur,  
neque Lusitanis, neque Philippinensibus,  
planè fides hætenus adhiberi potuit; præ-  
sertim cū diuersa, minimeq; inter se con-  
sentientia, narrarent: donec tandem R. P.  
Martinus Herrada, Ordinis Eremitarum,  
D. Augustini (ut vocant) prouincialis, (cu-  
ius sacratæ familie sodales, primi & Philip-  
pinas Insulas inuestigarunt, & incolas ea-  
rum salutaribus aquis abluerunt) eiusq;  
collega Hieronymus Marinus, unà cum Pe-  
tro Sarmento, Philippinarum urbis Mani-  
glie Prætor, & Michaële Loarcia, à Guido-  
ne Labassare Regio earum Insularum Præ-  
side, anno à nato Christo M. D. LXXV.  
ductu cuiusdam è Chinarum Regis classis  
præfe-



*praefectis; cui Omonconi nomen erat, in Chinam missi sunt, ut ex ipsorum apparebit expositione, quae secunda huius historiae parti, eodem omninò modo, quo potentissimo Hispaniarum Regi oblata est, fideliter inseretur; è qua intelligi poterit, quomodo is, quem dixi, è Chinarum Regis ducibus, in Insulas Philippinas venerit, fidemq, dederit, se eos, quos nominauimus, religioni dicatos viros, unà cum comitatu, contra tamen expressam, capitisq, pœna sancitam earum terrarum constitutionem, in Chinas esse deducturum: quomodo item nostri illic excepti, honesteq, & liberaliter sint habiti; ut etiam alijs de rebus memorabilibus & præclaris in ea agitur.*

*Amplissimum hoc Regnum in eo tractu Asiae situm est, qui maximè ad ortum vergit: Cochinchinae Regni ad occasum fines attingit, quo cum iisdem planè moribus ritibusq, utitur: maiorem eius partem Oceanus Eous circumfluit ab Ainama Insula, Cochinchinae finitima, capto initio, quâ polus XIX. gradib. exaltatur, tum Septētrionē, tum et Meridiem versus, ita, ut septentrionali*



trionali vento, *Aparctia* eo mari nauigetur. *Supra Cochinchinam paulò, ad Boream, Brachmannis confine est, præpotentibus, auri, argenti, gemmarum, Pyroporum inprimis, ditissimis populis; mascula hæc superba atque robusta gens, colore flauescit: quæ tamen pauca cum Chinis bella gessit, quod asperis montibus, rupibusq; ab illis dirimatur. Proximi horum finibus Patani & Mogori (gentes ita dictæ) ingens, & ipsi armorumq; gloria inclytum regnum possident, quorum Metropolis est Samarcanda. Hi Scythæ illi, seu Massagetae sunt, qui à nullis unquam nationibus in seruitutem redacti dicuntur. Populus earum regionum, ut in solo natus Boreali, corporis robore habitusq; salubri pollet, atque albi coloris est. Occasum inter & meridiem Taprobane (Sumatram hodiè vocant) sita, auro, gemmis & margaritis adfluit. Propius Austrum maiores minoresq; Insulae Iauæ, regnum Lochi, posteaq; tantò plus distans Iaponia, conspicitur. Omnium proximi Chinarum terminis Tartari sunt, continentis & ipsi cultores, muro tantum à Chinis discreti,*



ti, ut fusius postea hoc in libro indicabitur.

Tartari hi cum Chinis atrocias sæpè longo tempore bella gesserunt, quorum separatim primo capite libri tertij mentionem faciemus. Subegerant illi ante hac Chinarum Regnum, totosq; tres & nonaginta annos sub ditione sua retinuerant; sed China rebellantes, denuò eos eiecerunt: nunc pacem inter se & amicitiam colere dicuntur, quam ad conciliandam & conseruandam, non parùm facit, ingeniorum, rituum, atque morum inter utrosque similitudo: colore tantùm differunt, quia rufescunt Tartari magis quàm albicant: nudi supra umbilicum incedunt; crudis carnibus vescuntur, cruore eorum corpus oblinunt, quò robustiores inde euadant: ideoq; ita fœtent, ut aëre ab ipsis respirante, vel longo distantium intervallo, nares fœtor impleat, & ubinam sint, moneat. Immortalitatem animorum pro certa habent, in eo tamen errant, quòd animos ex uno in aliud corpus transire opinantur: quiq; in uno corpore benè vixerint, in alio deinde esse beatiores, ita, ut ex  
pau-



paupere in diuitem, è sene in iuuenem trās-  
ferantur. Liberi parentum obseruantissimi  
sunt, adeò, vt ne in minimis quidem illorū  
voluntatem negligant, quam si violent,  
publicè continuo, grauissimèq; mulctantur:  
Vnum credunt & fatentur esse Deum, sin-  
gulis in ædibus eius habent in sublimibus  
locis positas effigies, quotidie ex thure alijsq;  
odoribus litant, summum Deum appellan-  
tes; ab eo sanam mentem & sanum corpus  
precantur. Alium præter hunc Deum ad-  
orant, quem prioris filium, Natigai nomi-  
ne, adpellitāt; hunc res terrenas curare per-  
hibent, eiusq; imaginem singuli domi suæ  
habent; ac quoties cibum sumunt, pinguis-  
simo omnium, quod habent, ferculo faciem ei  
inungunt: hoc modo, vbi suam ille, epulan-  
tium opinione, partem, inunctione hac, ac-  
ceperit, quod superest, statim ipsi deuorant.  
Nunquam, vel capitis discrimine proposi-  
to, mentiuntur. Regi suo cum primis parēt,  
belli præsertim tempore, quo suum quisque  
munus ad tympanorum strepitum, tuba-  
rumq; clangorem strenuè obit: in cæteris à  
Chinis nihil discrepant; qui si religionem  
Christia-



*Christianam susciperent, haud dubiè eorum exemplum Tartari hi sequerentur.*

## De constitutione aeris regionis Chinarum.

### CAP. II.

**A**eris temperatio florentissimi huius Regni inter sese admodum diuersa est. Quantumuis enim id aequali penè spacio, meridiem inter & septentrionem, situm sit, ea longitudine, ut non procul ab Aina-ma Insula intra X. gradus eleuationis polaris incipiat: constat tamen quibusdam illius prouincijs ultra L. gradus polum exaltari: opinioq; est, quibusdam locis altius etiam extolli, praesertim versus Scytharum fines. Dissimilitudo hac è colorū varietate, huius regionis hominum facile animaduertitur. Cantone enim, insigni Chinarum urbe, quam Lusitani, aliquandiu iam negotiationum ergò, continenter adierunt, quod non procul Macaone, Portugallensium Colonia, distet, eoq; omnis generis mercimo-  
nia,



nia, ijs è terris delata, in Europā inde transuehantur; apertum colorum discrimen cernitur in illis, qui mercādi causā isthuc confluunt, quod ipsi quoque Lusitani testantur. Qui Cantone, totoq; eo tractu nascuntur, colore subflauescunt, Fessanorum instar in Africa, quorum quidem regio eidem parallelo seu Climati, cui Canton, subijcitur: ceterarum prouinciarum interius positæ gentes, aliæ alijs magis albicant, prout ab oris frigidioribus longius, aut propius absunt: quædā Hispanis adsimiles, aliæ etiam pallidiores, donec planè candidæ fiant, & rubicundæ, quales Germani quidam: neque frigida hæc an calida potius plaga sit, exactè definiri potest, cum ei Zona, quam Geographi temperatam vocant, eidemq; climati, cui Italia, Gallia, & aliæ temperatæ regiones, subijciatur: Vnde fertilitas, opulentia atque abundantia harum terrarum facile colligitur, quibus procul dubio omnes alias totius orbis superant, quāuis regna Peruana, Hispaniaq; noua, eo nomine summo perè commendentur. Sed de his plura sequenti capite, simulq; de frugum generibus &



*& copia in China nascentium. Is quem dixi Prouincialis Herrada, eiusq<sup>3</sup> comes (quorum fide tanquam oculatorum, & omni exceptione maiorum testium, ego horum pleraque recito) inter cetera, aiunt, tantam illic esse infantium multitudinem, ut mulieres singulis mensibus fatificare videantur; eosq<sup>3</sup> ferè omneis, valetudine uti, supràm quàm dici possit, prosperrima. Ter quotannis, aut quater indigenæ ibi fruges colligunt.*

## De fertilitate & generibus frugum huius regni.

### CAP. III.

**C**hinarum gens extra controuersiam primos terræ suæ cultores, regiq<sup>3</sup> imperij autores nepotes posterosq<sup>3</sup> esse Noachi statuit: Hos etenim, cùm certum locum inuestigarent, in quo commodè habitare degereq<sup>3</sup> possent, totamq<sup>3</sup> propterea Armeniam sedulo perlustrassent; Chinarum verò regionem, salubri præcipuè aëre, alijsq<sup>3</sup> quibus humana indiget vita, commoditati-  
C
bus



bus, fertilitate potissimum, & temperamento optabili præstare perspexissent; incolere eam cœpisse, quòd optimam, opportunissimamq; omnium totius orbis iudicarent: profectò ad me quod attinet, in hoc illos ego minimè falsos esse crediderim, hodieq; id clarum esse; de quo postea pluribus agemus. Et si autem inter cetera de fructibus, & illis terra nascentibus, ea sum traditurus, quibus, quæ suprà dixi, satis confirmabuntur: nequaquam tamen omnia commemorabo, quæ de multiplici ijs in oris rerum omnium adfluentia dicenda essent, ut præ reliquis de herbis quibusdam, & earum natura, seu usu, tanto sanè, ut is vel peculiari descriptione dignus esse videatur, neque defuturos, qui eam quandoque suscepturi sint, existimo. Ceterum assiduus incolarum in colenda terra labor, industria atque solertia, bonitatem illi à natura datam, & fœcunditatem eximiam non parùm adauget. Tanta enim est ipsorum hac in re diligentia, tantum studium, ut neque montibus vallibusq;, neque aquis fluminibúsue, impediri se patiantur:



cur: colunt omnia, plantant, seminant, quidquid natura soli fert; arbores pomiferas, triticum, hordeum, oryzam, linum, cannabinum, aliaque id genus, ingenti numero, nullo operis obrepente tadio, aut impatientia, cum sciant, suarum sibi rerum liberam esse potestatem, omniumque sese onerum, præter exiguum, quod pendunt Regi, tributum, esse immunes, ut in sequentibus fusius explicabitur. Ad ubertatem præterea istam innumerabilis populi multitudo, plurimum confert, partim opificijs, partim agris colendis occupata, cum præsertim ociosi, erroneaque minimè tolerantur, sed seuerissimè coherceantur, & infames planè censeantur. Nemini etiam ciuium è Regno ad externos, aut militatum aliò abire licet, quod hac ratione viris prouincia exhauriantur. Suo enim regno Rex contentus est, tanquam omnium totius orbis præstantissimo. Non minores, genti, ad labores tolerandos, artesque, quæstus causâ, exercendas, natura stimulos addit, consuetudine lautè vescendi, vestium splendorem, voluptatum illecebras consecrandi, adificia,



cia, pro occasione, magnifica, & peramœna  
 inhabitandi, comparata: quam ob rem, &  
 ob naturalem soli fœlicitatem, Regnum hoc,  
 omnium, quæ usquam sunt, non iniuria co-  
 piosissimum, ditissimumq; vocari potest.  
 Omnia præterea, hic videre est, herbarum,  
 fructuumq; genera, cuiusmodi in Hispaniis  
 visuntur; alia item permulta incognita, no-  
 strisq; planè dissimilia. Odore aut saporeq;  
 omnium præstâtissima. Nerantia ibi sapore  
 triplici reperiuntur: quædam saccharo dul-  
 ciora; quædam minus dulcia; quædam gra-  
 to quodam acore palato acceptissima: pruna  
 item ( Lechias Chineses vocant ) non esu  
 tantum iucundissima, sed &, quantum li-  
 bet comedas, neque noxam neque nauseam  
 parientia: mala porrò, insignis magnitudi-  
 nis, coloris ex puniceo & albo mixti, gusta-  
 tu perquàm suavia, atque excellentia: cate-  
 ros diuersarum specierum, nominumq;, fru-  
 ctus, nunc prætereo, ne, tempus terendo, mo-  
 lestinus sim legentibus, cum ad graua sit per-  
 gendum. Toto regno, ingens sacchari copia  
 colligitur; cuius tanta est vilitas, vt cum  
 carissimè, Quintale ( quod vocant ) candi-  
 dissimi.



disſimi, ſex tantum noſtratibus (ut appel-  
lantur) aureis Regalibus vendatur: neque  
(cum Chineſes huiusmodi rerum perquam  
ſint ſtudioſi) mellis minor abundantia, in-  
deq, cum eius, tum cere precia tam exigua,  
ita ut integra naues, aut potius claſſes illis  
queant onerari. Serico abundat regio tener-  
rimo, id tincturis inſicere ſolent, quæ ab exi-  
mia pulchritudine Bethicis longè præferan-  
tur: hæc merx, etſi toto regno maiori ac quæ-  
uis alia, numero diſtrahitur, eſtq, admodum  
vendibilis, parui tamen apud ipſos emitur.  
Holoſericum, Damascenum, holoſericum  
item raſum, ſubſericum undulatum, aliæq,  
huius materie quàm vili conſtent, ſine ma-  
xima, eorum, qui ingenti ſumma in Hiſpa-  
nia, Italiaq, hæc æſtimari ſciunt, admiratio-  
ne, dici nequit. Hæ autem telæ, aliorumq,  
generum panni, huius regni domeſtici, vl-  
nis, aliæve menſuratione, minimè, ne linteï  
quidem, ſed pondere omnes veneunt, quò  
minus fraudum committatur: linteis (nam  
lini ingens copia) pleriq, incolarum veſti-  
untur, è cannaberudentes, vela, aliæq, quæ  
nauigantibus uſui ſunt, conficiunt. In agris  
C 3 porro



porrò laboriosis, asperioribus, & alicubi raderatis, multum tritici, hordei, Zee, auenae, aliaq; huiusmodi fruges faelicissimè nascuntur. Palustribus & aquosis in locis ( ob magnitudinem, multitudinemq; fluminum, quae toto regno effunduntur, frequentibus) oryzam ferunt: ea cum ipsi Chineses, tum vicini populi plerique omnes victitant, & copia tanta colligunt, ut quando plurimi,

**Hanega** Hanega (quam vocant) Reali, ut appellant, libris cōstat, circiter CL. numo constet, atque has, ut dixi, fruges demetere ter quaterue annuatim solent. Sylvas quoque editioribus locis ( ubi nullus sementis usus ) integras pinibus conserunt, ne quicquam infrugiferum cernatur, quae ingentes nuces producunt, sapore perquam suaves: castaneis etiam quae fructuum magnitudine & bonitate Europaeis rectè anteponantur. Has inter arbores miliū serunt Indicum, familiarem Mexicanis Peruvianisq; cibum; multum etiam panici, ut ne tantillum quidem soli incultum relinquatur, & vero etiam verius sit, ne pollicem quidem latum agri in his regionibus sterilem aut infælicem reperiri.

De



De eadem soli fælicitate, &  
speciebus annonarijs.

## CAP. IV.

**A** Gros non solum feraces, sed amœnissi-  
mos etiam Chinae habent. Odoriferos  
enim diuersi generis flores producant, præ-  
ter varios frutices, quos ad riuulos & flu-  
mina grato undique murmure labentia,  
consitos, campis ipsis gratiam adspirare vi-  
deas. Ingens ibi numerus hortorum, præ-  
diorumq; perelegantium, quæ voluptatis  
remittendiq; animi causâ à popularibus  
coluntur. Syluæ aliquot visuntur, montesq;  
arboribus conuestiti, in quæ simia, caprea,  
dama, lepores, cuniculi, quadrupedumq;  
aliæ, quarum nobilissima pelles, & plurimæ  
(Zabellorû præsertim, quibus scatet regio)  
magna copia oberrant. Multum quoque Mo-  
schi, è quibusdam animalculis, vulpeculario  
forma, aliud nihil, quàm radicem odoratam,  
digiti crassitudine (Camarus ab ipsis voci-  
tatur) comedentibus, hoc modo cõficiunt: ca-  
ptum animal ad necem usq; cadunt, sedulo, de-  
inde undiquaq; ne sanguis effluat, obligant,



tum ossa intra cutē minutissimè conterunt:  
 eaq; pòst unà cum pelle quàm diligentissimè  
 exsiccata in partes discindunt, & velut  
 marsupium (Lusitani papos vocant) effor-  
 mant: neq; meliorem tota India Moschum  
 mittit, nisi noster hīc corrumpatur. Frustu-  
 la enim plumbi aliaq; grauiora interdum  
 commisceri solent, quò mercis pòdus & pre-  
 cium augeatur. Tanta etiam illic est carni-  
 um abundātia, vt maximè opimus bos octo  
 duntaxat numis Realibus, bubalus dimi-  
 dio minus, capra duobus veneat. Porci ibi-  
 dem & verueces habentur, cum permulti,  
 tum carniū suauitate & salubritate com-  
 mendabiles. Hircina ceterisq; id genus edu-  
 lijs exiguum precium copia facit. Volucrum  
 in aquis, lacubus, & fluminibus degētium,  
 quotidie vel in obscuriorib. oppidulis mul-  
 ta millia capiuntur: harum maxima pars  
 anates, singulari solertia educæ & pastæ,  
 vt peculiari capite indicabitur, ne id, quod  
 dixi, incredibile videri queat. Alites huius-  
 modi libra venduntur, vt capi quoque &  
 pullastri, tàm leui pecunia, vt duo carnis  
 deplumate pondò duobus Fois seu totidem  
 quar-



quartis Hispanicis, vel sestertio nostrati, duo, porcina uno & semisse cruciferum nostrorum aut sex marauedinis (nominibus monetarum nostra etate apud diuersos vsitatis) emantur.

Aliorum porro eduliorum, pro loci temporisque ratione eadem utilitas est, ut ex eorum, quos modo nominaui, religiosorum hominum relatione satis adparet. Idem de herbis quibusdam medicina seruientibus, recte sentias, ut de Rhabarbaro, cuius apud Chinas summa & copia & praestantia est, uti & ligni seu radicis, quam Chinam vocant. Myristicis verò nucibus, vel integras naues onerare, quadringentasque reali, quem vocant, numo, seu bacys (ut dicuntur) nostratibus duobus, emere licet. Nec minori admiratione digni sunt, tam ipsa piscatio, quam pisces varij atque multiplices, qui non solum in oceano, & propinquis, sed in remotissimis etiam fluminibus capiuntur, quae pleraque omnia nauigabilia sunt. Auri, argenti, aliorumque metallorum mineris turget regio, quae vili omnia prostant: margaritis item, sed rotunditate minus conspicuis,



& diuersi generis gemmis; cupro præterea  
 & chalybe, quorum cuiusque Quintale  
 (quod vocant) numis Realibus octo vendi-  
 tur. Vnde verissimè his regionibus nihil eo-  
 rum quæcunque ad humanos vsus requi-  
 runtur, deesse asserimus, quantumuis popu-  
 lus lautissimè viuatur, multasq; ita viuendi  
 habeat commoditates, quòd omnibus rebus  
 non ad necessitatem tantum, sed & ad opu-  
 lentiam instructissimus sit. Hoc itaque Re-  
 gnum omnium totius orbis fertilissimum,  
 ditissimum, feracissimumq;, optimo iure  
 nuncupatur.

## De vetusta origine Chi- narum.

### CAP. V.

**T**ertio capite diximus, regnū hoc tam  
 priscae esse vetustatis, ut Noachi nepo-  
 tes primi eius incolae fuisse credantur. Ex  
 ipsis verò apud Chinas, rerum veterum  
 monumentis, indubitato colligitur: post  
 Vitein primum eorum Principem, Regijq;  
 imperij (quod ad hodiernum vsque regem,  
 ut



ut postea, ubi Reges ordine enumerabo, explicabitur, perduravit) autorem, tam tyrannorum, quam iusto successionis tenore legitimorum Monarcharum, ad eum usque, qui nostro tempore Chinis imperat, certo calculo reperiri CCXLIII. Patribus defunctis filij, his deficientibus consanguineorum proximi, Sceptro potiuntur; licet, hi Reges, cum Turcarum more, quotquot liberit, fœminas matrimonio sibi iungant, rarissimè non relictis liberis decedat: inter eos natu maximus filiorum, quacunque tandè regiarum coniugum genitus mortuo parenti legitimè succedit, ceteris ubi uxores duxerint, à Rege patre certæ urbes adsignantur, in quibus potentatus omnis expertes habitent: omnia tamen, quæ assolent, tanta stirpe prognatis liberalissimè suppeditatur; urbibus illis excedere, aut in Aulam, nisi iubente ipso rege, venire, edicto prohibentur, si faxint, capite luunt, quæ seuera & inuiolabili cōstitutione ceteri quoq; oëis regis cōsanguinei tenentur. Horū pleriq; in finib. Canſi (quā vocant) populosissimæ urbis degunt. q̄ si fors quispiā ex illis acutior, prudentior, atque



atque cordatior esse animaduertitur; ei vero à Rege, aut consiliarijs, ne unquam domo pedem efferat, edicatur, ut scilicet omnis vel suspicio, vel suspicandi causâ, quæ de seditionibus, tumultibus, aut, clandestinis adipiscendi diadematis initis consilijs, suboriri posset, è medio tollatur. Aedes horum Procerum amplissimæ sunt, omnibusq; rebus, tam ad necessitatem, quam ad voluptatem instructissimæ: Visuntur in illis horti, pomaria, piscine, innumeris, varij generis, plenæ piscibus, nemora multiplicibus feris auibusq; refertissima, eaq; omnia muris circumdata, ita ut una harum domuum oppidi formam referat. Musica potissimum oblectantur hi Magnates, quod nullis unquam sese negotijs implicet, cumq; unicum hilariter suauiterq; viuendi propositum habeant, pulchritudine, viribusq; corporis excellunt: amoribus indulgent, & in aduenas multam hospitalitatem exercent: magistratus sollennibus festisq; diebus illos interuifere coguntur, & quotiescunque ad eorum aedes deuenerint, si equis vehantur, descendunt, si sedili gestentur, adsurgunt, & absque



*absque vlla pompa, aut potestatis indicio  
prætereunt; atque, ne ignorantia prætextu,  
id negligat, omneis huiusmodi ædificiorum  
ianuæ rubeo colore tinctæ sunt.*

De magnitudine Regni Chi-  
narum; & quibus mensuris in-  
teruallorum, seu millia-  
ribus vtantur,

CAP. VI.

**R**egio quæ à nobis China dicitur, caussa  
tamen, aut constans aliqua huius ap-  
pellationis ratio ignoratur, à finitimis po-  
pulis, Singlei, ipsorum verò Chinesium  
lingua Taibinco vocatur, quòd nihil aliud  
est, quàm Regnum. Id omnium totius orbis,  
quæ quidem cognita sint, amplissimum esse,  
& populosissimum, ex hac historia luce cla-  
rius apparet, ob mirificas nimirum res, quæ  
in ea describentur, sequenti potissimum ca-  
pite, quod penè totum ex ipsis Chinarum  
annalibus descriptum est: eo, exactè, & ma-  
gnitudo, & quindecim prouinciæ Regni ex-  
ponuntur. Hi verò libri apud Chinas typis  
editi,



editi, Monigliam urbem allati, atque ab interpretibus è China oriundis in Hispanicum sermonem conuersi sunt. Isti enim, cum Christiana sacra suscepissent, in Philippinas Insulas sese contulerunt, ut & quam amplexi erant, religionē, quæq; nostro more sacris aquis lustrati promiserant, sanctius obseruarent; & ab ea tuti essent, liberiq; pœna, quæ in patria manentibus impendebat, ubi eos absque Regis, & summi Senatus permisso, cōtra Regni instituta, nouā legem quampiam; aut peregrinas colendi numinis carimonias introduxisse, fuisset diuulgatum: quod quidē decretum pacerbè ultimo supplicio contumacibus indicto obseruari solet.

Regnum hoc in circuitu sexaginta nouē millia quingenta sedecim Li cōtinet; mensura hæc interualli est, gentibus illis usitata; quæ si ad Hispanici moris calculū reuocetur, milliaria ter mille cōficiet: in longitudinem verò extēditur milliaribus mille octingentis, quo spatio quindecim, ut dixi, prouinciæ terminantur, quarum quæq; multas urbes, multa oppida, pagos habet innumerabiles.

ut



ut in sequenti capite distinctè monstrabitur. Libri, quorum suprà meminimus, docent, triplicem haberi apud Chinas interuallorum dimensionem; unam Lij, alteram Pu, tertiā Ichiam vocari, quod idē est, ac si nos diceremus, stadiū, milliare, iter unius diei. Ea quæ Lij dicitur, tāto spatio definitur, quo ab uno ad alterū locum, silente aura & aëre sereno, viri vox altam exclamantis, exaudiri queat. Horum decem Pu, id est, Hispanicum milliare magnum; decem verò Pu, Ichia, h. e. iter unius diei, seu Hispanica miliaria decē satis grandia constituunt. Quamensuratione Chinarum domestica, ut suprà dixi, ambitus, & longitudo totius Regni designatur. Sed R. P. Herrada Augustiniane familie conuentuum per Philippinas Insulas (ut dixi) Coryphaeus Geometrie & Cosmographiae peritia excellens, diligenti huiusmodi dimensionum calculo, ipsorumquē Chinarum exacta supputatione, tot, quot diximus, miliaribus, tā longitudinē quā circuitū China contineri deprehēdit, si ab Olamia provincia initium capias, quæ  
proxi-



*proximè meridiem, Malacæ propinqua est, indeq; regio plus quàm sexcentis milliari-  
bus septentrionem versus tortuoso anfractu  
incuruatur.*

## De quindecim prouincijs Regni Chinarum.

### CAPVT VII.

**I**N quindecim prouincias, seu minores re-  
giones China distribuitur, quarum una-  
queque maximo, quòd cognitum sit, in Eu-  
ropa, Regno, maior est. Earum quedam à  
Metropoli sua, Gubernatorum, Præsidentum  
& Proregum, qui Chinarum lingua in v-  
niuersum Cochin dicuntur, sede, nomē ha-  
bent. Binæ ex his, una Tolanchia, altera  
Paghia, dictæ, præter ipsum Regem, Sena-  
tumq; supremum, alium, qui cum imperio  
præsit, habent neminem. In alterutra enim  
harum Prouinciarum Aula perpetuò Regia  
est; non eò solùm quòd maiores cæteris ac po-  
pulosiores; sed etiam quòd Tartaris proxi-  
ma sint, cum quibus superiori tempore con-  
tinentia bella Chinis intercesserunt. Ideò  
Reges



Reges ut imminētia pericula facilius auertere, hostesq; cladibus afficere possent: Regiam ibi confirmarunt, cumq; longo tempore illic degere consueissent, alter alterum secutus, locum minimē mutauit: qui ob id Principis habitationi perpetuò dicatus existimatur; cum ipsa quoque huius tractus opportunitas eò facile illos pelliceat, salubritate aëris, & omnium ad victum cultumq; necessariorum bonitate, & copia singulari præstabilis. Nomina quindecim Prouinciarum sunt: Paghia, Canton, Fochiene, Olamia, Sinsaia, Sisuame, Tolanchia, Cansaia, Ochiamē, Auchieon, Honan, Scianton, Chichiene, Chiecheama, Susuania. Pleraque harum terrarum, inprimis Oceanum versus sitæ, nauigabilibus, profunditatis immensæ, fluuijs irrigantur, quorum ad ripas multe urbes, multi pagi consiti, quorum nomina recitari facile possent (cū China multa curiositate atque sollicitudine, omnia vel parui momenti ad vsque nomina prædiorum, quæ à nobilibus (hos ipsi Loitios appellant) possidentur, literis consignent) nisi id tūm lectoribus molestum, tūm prolixita-

D

ti



ti potius, quàm utilitati huiusce historiae  
seruiturum videretur. Numerum itaque  
hîc tâtum Prouinciarum indicabo, sequen-  
ti verò capite urbium etiam atque oppido-  
rum (omissis tamen singularum nomini-  
bus) mentionem faciam, quod ad institutū  
utique nostrum, quo magnitudinem huius  
Regni describere conamur, nō parum facit.

De primarijs alijsque urbibus  
& oppidis singularum  
prouinciarum.

CAP. IIX.

**Q**uindecim hæc prouinciæ quarum que-  
libet ob amplitudinem non immeritò  
Regnum appellari posset, ut ex multitudine  
primariarum aliarumque urbium facîle col-  
ligitur, ne addam innumerabiles pagos. Has  
igitur vrbes singula habent.

Paghia, prima prouinciarum, atque præ-  
cipua, Regis supremique Senatus Regij, sedes  
legitima, vrbes habet primarias XLVII.  
Oppida CL. Can.



*Canton: Vrbes XXXVI. Oppida CC.*  
*Fochiene: Vrbes XXXIII. Oppida XCIX.*  
*Olamia: Vrbes XCIIX. Oppida CXXX.*  
*Sinsaia: Vrbes XXXIIX. Oppida CXXIV.*  
*Sisuania: Vrbes XLIV. Oppida CL.*  
*Tolachia: Vrbes CLI. Oppida CXXIII.*  
*Cansaia: Vrbes XXIV. Oppida CXII.*  
*Ochiame: Vrbes XIX. Oppida LXXIV.*  
*Auchieon: Vrbes XXV. Oppida XXIX.*  
*Honan: Vrbes XX. Oppida CII.*  
*Scianton: Vrbes XXVII. Oppida XXIIIX.*  
*Chichiene: Vrbes XLV. Oppida CXIII.*  
*Chicheama: Vrbes XXXIX. Oppida XCV.*  
*Susuania: Vrbes XLII. Oppida CV.*

Inita ratione, inuenietur, primariarum  
 urbium D. XC. caterorum Oppidorum M.  
 D. CLXXIV. Quibus si adijcias innumera-  
 biles pagos, & villas, hoc Regnum iure me-  
 ritoq, omnium, quorum notionem habe-  
 mus Imperioru, florentissimum atq, excel-  
 lentissimu habetur. Chinaru lingue propriu  
 est, ut Metropoleon nomina in syllaba, Fu  
 terminentur, q urbem significat, & dicunt;  
 Taibinsu, Cantonfu, quod idem est ac si di-  
 cas, Taibinu vrbs, Canton vrbs: Reliquis  
 D 2                      urbi-



urbibus oppidisq<sup>ue</sup>, syllabam Chieu, addunt. Pagi quidā tantæ sunt magnitudinis, ut oppidorū ad formam illis præter nomen, nihil desit. Primariarum urbium pleraque ad ripas magnorum, & nauigabilium fluuiorum sunt posita, per amplis circumdata fossis, ideoq<sup>ue</sup>, munitissima. Omnes præterea, ut & reliqua oppida, firmis, robustisq<sup>ue</sup>, cinguntur mœnibus, è cæso lapide; iusta viri statura, opere lateritio albicante, in altum eductis ob duritiem & firmitudinem, securibus vix peruiro. Mœnia quarundam tantæ sunt latitudinis, ut quatuor aut sex simul viri commodè eis inambulent; primis hinc inde, turribus, (quarum capitula sunt perelegantia) castellisq<sup>ue</sup>, frequentibus, exornata, ambulacris, item & podijs, quo purpurati & magistratus animi causâ sæpè se recipiunt, ut amœnissimo prospectu vernantiū camporum, decurrentiumq<sup>ue</sup>, amnium, iucundè perfruantur. Muros inter & fossas locus vacuus seu Pomærium visitur, ea latitudine, ut unà sex equites per illud faciliè transire queant. Eiusmodi etiam, intra ipsam urbem, versus ædificia area patet, ut scilicet

cet



set tota urbs circumiri cōmodè possit. Ceterum tantum est murorum robur, tanta, ob insignem, quæ illis adhibetur, curam & diligentiam, soliditas, ut recentes videantur, quantumvis certis coniecturis quarundam urbium mœnia ante plureis quàm bis mille annos structa esse constet. Hæc verò tam insignis diligentia inde proficiscitur, quòd singulis in urbibus, Regio nomine quidam huic uni curæ atque officio est destinatus, uti muros sartos tectos conseruet: cui hanc ob rem Principis quæstor Regijs è redditibus, quantum opus habet, atque postulat, dependere Regio mandatu cogitur. Viæ omnium regionum quaquaersum, planæ, solerter elaboratæ, omneis cinctorum muris locorum introitus, magnificè, ornatè, atque eleganter exstructi, treis habent aut quatuor portas ferreis laminis obductas: viæ urbana elegantissimè strata, adeoq; amplæ sunt, ut quindecim equites iunctim incedentes capiant, adeò rectæ & perpendiculares, ut ab uno ad alterum locum directò visus pateat. Ab utroque platearum latere pergulæ visuntur, tabernis plenæ atque



officinis, in quibus mercimonia diuersi generis pulchritudine, artificioq, suprà quàm dici possit, admiranda. Cetera platea arcus habent, triumphaliū instar, æqua inter singulos distantia, qua multum illis gratia & decoris additur. Sunt enim è lapidibus structi quadratis, emblemate vario iucundè exornati, antiqua certè Romanorum magnificentia, cum Optices, tum reliqua artis præstantia, neutiquā inferiores. Pleraq, omneis domus tribus ianuis clauduntur, quarum media, maior excelsiorq,; cetera utroq, latere humiliores sunt, iusta inter se proportionē. Regis sedes Suntia est, siue, Chinarum lingua, vrbs cælestis. De cuius magnitudine, etsi mira ab his gentibus narrantur; eò tamen p̄babilia videri possunt, quòd quāuis multi de ea singillatim multa, consentientia tamen omneis inter sese atque congruentia tradant. Ex quorundam itaq, relatione, orbis vniuersi urbium maxima est: qui minorē faciunt, itinere diei aestiui, ab expedito equite plenis passibus ab vna eius ad alteram portam perueniri posse adfirmāt, exceptis suburbijs. Hæc Quinsai à M. P. Veneto nominatur.

De



De admirandis ædificijs Regni Chinarum, ingenti itidē muro seu faucibus, quingentorum milliarium longitudine, ibi repertis.

## CAP. IX.

**C**hinesium regio fabris abundat peritissimis, materiaq, si vspiam alibi, ædificationibus aptissima. Inter alia terram habet albidam, cretosam, è qua facti parietes, tantæ soliditatis sunt, ut nisi securibus, aut ingenti vi perfringi nequeant, ut priorē capite dictum est: Vnde tot per uniuersam Chinesium ditionem structura, magnificentia & fabrica spectabiles: Palatium Regis excipio, quod Taibini est. De eo enim peculiari loco agam. In qualibet Metropoli Prorex siue Prouinciæ preses ædes inhabitat, Regis sumptu constructas, forma & opere eximio atque superbo:



Hæ amplitudine grandes æquāt pagos, hortis, piscinis, vinarijs, auium, ferarumq; plenis, eodem modo, uti, quarum suprà memini, regij sanguinis, procerum domus, instructæ. Aedificia priuatorum, egregiè, Romanum in morem, exstructa, pleraque omnia præforibus ordine plantatas arbores habēt, quæ vestibula inumbrant, & venustatis multum vicis addunt. Interior domus & parietes candidi sunt, lactis instar, pinde ac si papyro leuigata obducti essent, latis constructi lapidibus quadratis, affabreg, expolitis; laquearia omnia opere durabili, è preciosa materie facta, quod aureo colore tingi soleant, pellucida. Singulis in ædibus cænationes visuntur atque viridaria, florum & plantarum amabili varietate cunctis gratissima; neque cuiquam domui suæ, vel exiguae, piscinæ desunt; uno latere cænationis cistæ quadam, forma abaci, admodum elaborata & expolita, inanium numinum simulacra celati, tornoq; facti operis sustent, diuersa è materie fabricata; Ceteri treis anguli nobilibus picturis alijsq; selectioribus ornamentis illustrantur. Mundi-

cici



*ciei & in priuatorum adibus, & omnibus in vicis magna cura: horum singuli tres quatuorue, cloacas habent, humanorum si necessitas postulet, excrementorū, aliarumq; sordium, receptacula, ne vici nimirum sordibus cōspurcentur: neq; in urbanis solum, sed etiam in publicis vijs atque itineribus, huiusmodi forica passim occurrunt. Per urbium quasdam nauibus circumuehi licet; uti fit Bruxellis, apud Tungros, seu, ut nunc vocant, Brabanos, Mexici, apud Indos, Venetijs apud Italos. Vnde omnibus rebus illa eò sunt instructiores. Omnia enim nauigia ad ipsas vsq; domos penetrant. Toto Regno via elegantius politiusq; quàm vsquam penè locorum, strata cernuntur. Nam ad ipsa usque montium cacumina, siue supercilia, semita diligentissimè exasciata, atque undiquaque silicata reperiuntur, qui potissimus est vniuersa gentis, & praestantia admirabili planè visendus labor. Pontium in super magnitudo, artificio memorabilis, quorum quidam nauibus sunt inaedificati, ut apud nos Hispalensis, praesertim ubi immensi fuerint atque profundi fluij. In ur-*

D S

be



be Fuchieone turris cernitur ante Regij rationariorum Praefecti aedes, omnes, ut, qui viderunt, confirmant, Romanorum structuras superans; quadraginta columnis innititur, singulis solido ex lapide: eoq; crassitudinis, & longitudinis, cum dicentibus stupenda, tum audientibus incredibilis. Haec igitur silentio pratermittere, quam pluribus verbis circumstantijsq; explicare, satius fuerit, quod, in ceteris etiam, id genus, occurrentibus rebus, incerto potissimum autore, aut narratione parum constanti faciendum mihi censeo. Angustia quaedam, siue murus in Chinarum Regno inuenitur, longitudine quingentorum milliarium; qui ad Ochion urbem, duos inter altos asperosq; montes Silam, incipit, uniuersam inde regionem ab occasu ad ortum usque penetrans, à Zinzonio Rege constructus, munitio contra incurstantes Scythas, cum queis tum bellum Zinzonius gerebat. His enim finibus, atque unico hoc termino à Tartaris China discernitur. Horum tamen milliarium CCCCXX. natura ipsa efformauit, altissimis quibusdam montibus coarctatis: Vacuum deinde  
inter



*inter montes spatium milliarium octoginta  
murus manu factus occludit: Is quadratis  
constat lapidibus; orgyas in fundamenti la-  
titudine VII. bis totidem habet in altitudi-  
ne; sumpto à mari in Cantone prouincia  
initio, per Pagiam & Cansaiam exsurgens,  
in Susuana desinit. Zinzonius Rex tanti la-  
boris structura perficiunda, tertium quem-  
que, interdum etiam è quinis duos, totius  
Regni incolarum, ad opus adigebat. Ac et-  
si sanè popularium pro se quisque opportu-  
nissimum quemlibet, quàm proximè operi ad-  
esse posset, Tocum delegisset, plerique tamen  
è remotioribus terris adciti, partim longin-  
quitate itineris, partim aëris dissimilitu-  
dine passim moriebantur. Hæc igitur su-  
perba moles seditioni ansam præbuit, qua  
Rex unà cum Agurio filio, quadra-  
gesimo imperij sui anno inter-  
fectus est, ut postea  
fusus dice-  
mus.*

De

De forma corporis, facie, vestibus Chinarum, & viuendi institutis.

CAP. X.

**V**iri fœminæq; in his regionibus forma, specie, & salubritate corporis nemini concedunt: statura, grandioribus, quàm pusillis propiores. Faciem plerunque habent latam, oculos exiguos, nares resimos, barbas, præter pilos quosdam, mento dependentes, nullas, tametsi quidam oculis sunt grandioribus, & barba vultuq; elegantiori, sed pauci admodum, si cæterorum spectes multitudinem; & hos quidem è peregrinis nationibus oriundos existimant, quæ priscis temporibus (cùm & exteris ad Chinas, & his ad illos aditus pateret) in Chinam venientes, ibi manserint, & cùm suis maioribus confusæ fuerint. Cantonenses, qui calidam plagam incolunt, colore Indos referunt; mediæ regionis habitatores albicant, pallent, & subflauescunt, quemadmodum Germani, Itali & Hispani; Leua manu promissiores,



res, dextra curtos unguis producant: crines  
prolixos magna cura nutriunt, quod inepta  
superstitione ( cuiusmodi etiam de ungui-  
bus persuasio est ) capillis in cælum se attra-  
ctum iri opinantur, ideò eos cingulis qui-  
busdam affabrè factis, aciculas aureas ha-  
bentibus, supra caput constringunt. Prima-  
tes & nobiles serico vestiuntur, varij colo-  
ris, pulchritudine incomparabili; plebs &  
tenuiores sericis & ipsi vestibus, sed mino-  
ris pretij, utuntur, gausapinis nimirum aut  
xylinis, quibus maximè abundant, easq;  
haud difficulter ut in plaga calore non ni-  
miùm infesta, ferre possunt. Aliud panni ge-  
nus nullum texunt, quantumvis lanæ sit a-  
pud ipsos ingens & copia & vilitas. Tu-  
nicis induuntur, quæ maiorum nostrorum  
more frequentes & oblongas habent plicas,  
scissurasq; aliquot amplas, subtus, globulis  
aureis, versus sinistrum latus commissas,  
manicas gestant patulas & laxas. Tunicis  
superinduunt cuculliones aut togas talaris,  
pro cuiusque opibus, nostris penè similes, nisi  
quod manicas habent laxiores. Regia stirpe  
orti, aut ad altiore dignitatis gradū pro-  
necti,



uecti, habitu utuntur à ceteris nobilibus  
 diuerso, hætenus, ut, cum his oras tantum  
 vestium auro & argento ambire liceat, illi,  
 tunicas Zonasq; eiusmodi metallis inter-  
 textas, & calatas gestent. Calceos optimè  
 factos, ocreas, elegantes holosericas & scul-  
 poneas, habent. Hyeme, quamuis ijs in locis  
 admodum clementi, tunicas induunt, &  
 lenas, pellibus Zabellinis potissimum subful-  
 tas, quarum magnus apud ipsos, ut suprà  
 dixi, est numerus: ijs collum etiam inuolue-  
 re solent. Cælibes capillos suprà frontem, in  
 duas partes discriminatos, altioresq; pileos  
 deferunt, ut ab uxoratis internoscantur.  
 Muliebres vestes diligenter admodum con-  
 fectæ, Hispanicis similes sunt. Monilibus  
 utuntur fæmine, variæ formæ, aureis &  
 gemmeis, genere item quodam pallularum  
 laxè manicatarum. Segmentatis præterea  
 vestibus, sericis, & patagijs ornantur, quæ  
 cum bonitate excellunt, tum leui pecunia  
 (ut antea dixi) emuntur. Sericum non  
 rasum, & gausape pauperum vestimentis  
 seruiunt: comas pulchras alunt, quas in-  
 signi arte componunt, supraq; caput tania  
 latio-



latiore serica, margaritis & gemmis orna-  
ta, peruenustè colligunt: sandaliorum quoq;  
illis, & alicubi calonum usus est. Pedum  
breuitatem magnoperè probant, quo fit ut  
eos infantibus arctè colligent, ut scilicet  
breues maneant. Eos enim qui breuiusculos  
habent pedeis, alijs agiliores esse existimant.  
Mulierum honestatis, & pudicitie studium  
ingens; nunquam aut è fenestris prospectat,  
aut ante adium limen conspiciuntur: Si vir  
conuiuiam fortè adduxerit, rarissimè pro-  
deunt, neque mensæ adsident, nisi conuiua  
propinquus, aut aliàs familiae illi sit notissi-  
mus. Parentes, aut cognatos, nisi lecticis la-  
ta, non inuisunt. Eas quatuor gestant lecti-  
carij, à lateribus hinc inde, crassis quibusdā  
funiculis aureis, argenteis, aut sericis obli-  
gatas: hoc modo cum ipsa cunctos obuios in  
itinere spectent, à nemine spectantur; mul-  
tos prætereà circum famulos cursitantes ha-  
bent. Primariæ igitur in publico vix  
unquam cernuntur, usque adeò ab o-  
mnium conspectu amotæ, ac si planè  
nullæ essent. Ingenio sexus uterque  
valet; nendi & sculpendi artificijs,  
atque



atque iorentice & cœlatura magnopere delectantur: eximia pingendi arte, topiariaq; peritia supra modum insignes, frutices, arbusta, aues, varij generis, eleganter effingunt: exemplo sunt cistæ, & tabulæ à Chinis ad nos delatæ, quarum unam vidi, à tribuno militum Ribera, pretore Manigliano anno M. D. XXCII. Olyssipponem allatam, de cuius præstantia & pulchritudine, hoc dixisse satis sit, quòd non solum cunctis aspicientibus, sed & ipsi in primis (quod rarissimum) Hispaniarum Regi, ut & alijs eius artis peritissimis, admirandum opus videretur. Inuenta alia China habent stupenda, eaq; permulta, unde, etsi vehiculis, curribusq; tota passim regione abundant; adinuenerunt tamen rationem, quâ vento velisq; terra ferrentur, tanta nauigiorum (ut sic dicam) commoditate, ut motu perquam sint facilia. Quod licet verissimum sit, & ab ijs, qui ipsimet viderunt, confirmetur, eò tamen credibilius est, quia & apud Indos, & apud Lusitanos, in linteis vasisq; quæ Porcellana vocantur, & à Chinis ad illos deferuntur, huiusmodi vehes depi-  
etæ



*Et reperiuntur, quam picturam minimè  
vanam esse arbitror. Sunt etiam China in  
mercatura exercenda, eius sagacitatis atq;  
solertia, ut vel minima suas quaque in par-  
tes tribuere norint. Qui negotiatorum ta-  
bernas habent, (quorum magnus est singu-  
lis in urbibus numerus) ij valuis tabulam  
adpendunt, omnium quas venum exponūt,  
mercium indicem, quarum pleraque tela  
sunt aurea, argentea, serica, varij generis,  
versicolores, miræ venustatis. Egentiores  
pannos gausapinos, xylinos, linteos, varia  
tinctura, vili omnia vèdunt, tam ob mer-  
cium, quàm ob artificum eas parantium,  
multitudinem; ut propole ita etiam Phar-  
macopole & herbarij, eadem de caussa ta-  
bulas valuis adfigere solent suarum merci-  
um titulis inscriptas. Sunt & officinae quæ-  
dam, ubi fictilia vasa (Porcellana vocant)  
venundantur, variae formæ atque coloris,  
ut rubra, viridia, inaurata, flava, quæ tam  
parui æstimantur, ut, quinquaginta qua-  
tuor numis realibus aut octo bacijs nostra-  
tibus (utì vocantur) emi possint. Fiunt è  
dura terra cretosa; eam contusam & made-  
factam,*



*factam in arcam conijciunt lapideam, aut lateritiam, aqua plenam, & humorem imbibere patiuntur, donec diffuset, & in subtilem quandam materiam aquis supernatantem abeat, è qua tenerrima vasa effinguntur: minoris nota sunt, quæ ex eo, quod fundo inheret, conficiuntur, eoque magis degenerant, quò crassior in imo & deterior fex subsederit; eandem cum nostratibus formam habent, inaurari, & quocunque libet colore, infici possunt, indelebili. Statim ubi formata sunt, fornacibus immissa percoquuntur; hoc ita se habere experiëntia testatur, & propius à vero abest, quàm quod Odoardus Barbosa libro quodam Italica lingua scripto, porcellana ex ostreis, quæ centum annis sub terra latuerint, & alijs huiusmodi commixtis materijs, formari autumat. Horum præstantissima atque pulcherrima, è Chinarum Regno non auehantur, quòd Regis & Primatum vsui dicata sint, neque elegantia chrySTALLINIS cedant: Optima fiunt in Susuana provincia. Suis item per vniuersam regionem cuique opificio destinatus vicus est, quod qui non tractat, habitare*



re illic non ausit. Ad caput itaque vici aliquius habitantem artificem si noris, inde ad calcem usque, omnes illius incolas eisdem operis distineri noueris. Filij certa lege idem vitæ genus, quod parentes instituerant, persequi coguntur, neque nisi permissu magistratus, id mutare audent: diuitibus tamen, manuarias artes, si per se nolint, per vicarios in tabernis suos exercere concessum est. Excellentes igitur & præclaros in quouis huiusmodi viuendi instituto artifices illic reperiri necesse est, ut qui à teneris unguiculis ijs in laboribus quasi nascantur, imbuantur, atque occupentur: argumento sunt multa, affabrè eleganti manufacta, quæ à China Manigliam, & ad Indos Lusitanosq; deportantur. Quod ad monetam attinet, apud gentes hæc aurum & argentum in usu est, verum non signatum pondere examinantur. Suam itaque secum quisque libram monetariam circumfert, simulq; ad quotidianas scilicet expensas, auri & argenti partes aliquot: Maioribus verò pecuniarum summis adpendendis, publicæ in foro, statere, pōderaq; adhibetur, summa cū æquitate, & ingenti magistratuum in hoc negotio sollicitudine



*dine. In Chichieone prouincia, areū quoddā  
signatum numisma habetur, sed id in ea tā-  
tum ditioe locum habet.*

NARRATIO-  
NIS HISTORICAE  
DE REGNO CHINARVM;  
qua religio, cultus idolorum, a-  
liique memorabiles & stu-  
pendi ritus descri-  
buntur,

LIBER II.

De multitudine idolorum,  
quibus diuinos honores Chinenſes  
exhibent: formaque quorundam &  
effigie, quibus Christiana re-  
ligio adumbratur.

CAP. I.



*In duabus prouincijs Paghia,  
& Tolanchia (in quibus ut  
diximus, ordinaria Regum  
sedes*



sedes est, quod Scythis antiquis ipsorum hostibus proxima sint, & nobiliora illic quam in ceteris Regni ditionibus omnibus, incolarum ingenia, maiorq; morum comitas) inter Chinarum idola, unum, peregrinae admodum, stupendaeq; reperitur formae, quod neque ipsi diffitentur, & religiosè admodum id venerantur. Corpus unum est, tria humeris imposita habens capita, directò sese mutuò inspicientia; quo designari aiunt; tres hosce eiusdem perpetuò esse sententia, atque idem semper & velle & nolle. Hac designatio, si ad Christianae persuasionis regulam examinetur, non ineptè ad mysterium summae trinitatis referri potest, quam nos adoramus, fideq; certa colimus. Iam si alias quoque harum gentium caerimonias, sacrorumq; ritus, quae à sancto & Catholico religionis nostrae cultu parum differunt, his addiderimus, à vero non alienum esse videbitur, D. Thomam Apostolum, sacris eas concionibus erudisse. Nam è vita D. Thomae, quae descripta exstat, intelligitur, eum almo afflatum spiritu, cum Parthis, Medis, Persis, Brachmanis, alijsq; nationibus san-



Elissima nostri dogmatis instituta depræ-  
dicasset, in Indiam postea abiisse, & in urbe  
Calamina, quod in pio ea docendi proposito  
perseueraret, morte adfectum esse, cumq; du-  
bio procul præcipuam tum adoranda Tria-  
dos, mentionem fecisset; inde perpetuò quasi  
tantæ admonitionis monumento, effigiẽ a-  
pud Chinas eiusmodi, atq; imaginẽ cõspici,  
licet populus diuturno & multiplici errore,  
inaniumq; numinum stolido cultu fascina-  
tus, eam quam dixi, significationem planè  
ignoret: quod tamen eò credibilius esse, aut  
certè fieri posse videtur, quoniam in Arme-  
niorum libris, quorum magna apud Chinas  
fides est, traditur D. Thomam per China-  
rum terras iter fecisse, cum in Indiam profi-  
cisceretur, ubi interfectus est, eoq; in itinere,  
Christiana illis placita denunciaſſe, quã-  
uis exiguo cum fructu, seu successu, quod  
gens bellis tum implicaretur: illinc itaque  
discedentem, per paucos popularium, cælesti  
doctrina imbutos, salutaribusq; aquis ab-  
lutos, reliquiſſe, qui, si res ferret, eadem alios  
docerent, & per uniuersam porrò regionem  
propagarent. Imò, ad ea, quæ attulimus, ad-  
stru-



*struenda; aiunt; quasdam apud ipsos pictu-  
ras reperiri, quæ iconas seu simulachra duo-  
decim Apostolorum referant; licet incola,  
quos nam illæ designet, interrogati, de Phi-  
losophis quibusdam, autoritate, sapientiâq;  
excellentibus nescio quid inferant, qui bene  
& cum virtute inter homines vitam ege-  
rint, cælestesq; postea genij sint effecti. Mu-  
lierem præterea pingere solent, quæ infantē  
gestat; hanc inuiolata virginitate peperisse  
dicunt, & præpotentis cuiusdam Regis  
fuisse filiam, tanto integritatis studio, ut vi-  
tam nullius unquam criminis labe adspersam,  
inter mortales degeret: Imaginem igitur  
eius summo in honore habent, & reli-  
giosa prece colunt, quamvis arcanam rei vim  
omnino nesciant. Eum in modum, F. Gaspar  
Cruceius Lusitanus, familiae Dominica-  
nae (quem quibusdam nostræ historiae lo-  
cis, sequimur, tanquam cum qui Canto-  
ne fuerit, & multa horum breuiter, ve-  
reque descripserit) narrat; se, cum ali-  
quando, in immensi cuiusdam atque præ-  
alti fluij parua quadam Insula esset;  
ædificium ibi vidisse, cænobiij forma,*



*ab eius regionis sacerdotibus constructum, quod cum noua & insueta visendi cupiditate, intrasset, prater alia, sacrarium eleganter exornatum reperisse, ad quod gradibus aliquot adscendendum erat, ferreis inauratis clathris obseptum, aram in eo precioso tapete stratam in medio insigniter elaboratum fœmina simulachrum sustinuisse, cuius collum brachijs infans amplecteretur, accensamq; ante eos lampadem pependisse.*

*Quo inopinato aspectu exterritum, quæsisse, cuius imago esset; neminem verò, certiquidquam, prater id quod suprà retuli, respondere potuisse. Tantò magis ergo coniectari libet, Diuum Thomam regiones hasce peragrasse, & diuinas ad populum conciones habuisse, cum tot ijs locis indicia, umbram quasi quandam, illic vero olim cultu adorati Dei referentia, remanserint, hodieq; supersint. Alijs praterea innumeris erroribus Chinæ inuoluuntur, qui quidem, quòd nihil rationis habeant, defendi nullo prætextu possunt, de quibus, suo loco, postea pluribus agemus.*

Plura



Plura de Chinarum religi-  
one & idolomania.

## CAP. II.

**P**Rater eos, quos huc usq, recensui, multis quoque alijs detestandis erroribus atque opinionibus, peruicax hæc, inanum Deorū venerationi dedita gens, (aliàs cū prudentissima ciuitatis suæ moderatione, tū mirifica, quibuscunque in artibus, ingenij sagacitate laudabilis) laborat, ijsq, tam absurdis, vt eorum cogitatione, nullius non animus meritò cohorrescat, quamuis, si consideremus eam præclaro Christianæ fiducia lumine haud illustratam esse, minus in admirationem rapiamur, absque quo vel acutissimorum hominum subtilissima ingenia pessum eunt. Omnium rerum, tam aspectabilium, quàm earum, quæ fugiūt aciem, creationem, cælo adscribunt, quod primo suarum literarum charactere depingunt, & potestatem superiorum omnium habere autumant, suaq, lingua, Laocon Zautei, hoc est, magni Dei Vicarium, adpellant, precipuum id, post solem, Chinarum numen, in-

E s

crea-



creatum, & absque principio, corporis expers, spiritum esse opinantur. Alius quidam Cansais dictus, eiusdem, cum priori, natura, spiritus, in hac inferiora, ut ipsi censent, imperium exercet, quæ penes ortus obitusque humani est arbitrium. Tres huic alii subiiciuntur, quibus curarum partem delegare solet; quorum Tansquamus pluuiis, & telluri aquis irrigandæ; Teiquamus matronarum partibus tuendis, rebus bellicis, seminibus, frugibus, & terra nascentibus; Zuiquamus Oceano, nauigantibusque, sunt præpositi. His sacra China faciunt, à singulis ea petentes, quæ largiendi ex officio ipsis ius est, edulia, thus, incensos odores, donaria, sericas, altaribus ornandis, umbellas offerunt, magna grauitate comœdias aliquot ad simulachrum Dei se acturos pollicentur, ut sunt huiusmodi actionum longè peritissimi. Multi prætereà qui animi fortitudine, multiplici artium cognitione, fœlici indolis acrimonia, aut singulari vitæ austeritate, atque erga omnes innocentia, ceteros, dum inhumanis degerent, antecessent, apud ipsos Diui habentur, Pausaos seu beatos vocant, Caco-



Cacodemonem etiam sacrificiis placant, nō  
eò quòd malum eum damnatumq̃, esse nesci-  
ant; sed, ne quid detrimēti vite fortunisue  
adferat. Diuorum quos venerantur, ingens  
multitudo, vel peculiari libro percensenda  
esset, sed quia breuitati studeo, omis-  
sis ceteris, trium tantum primariorum men-  
tionem faciam, quos, eximio, quò suprā dixi  
modo, honore prosequuntur. Primum Si-  
chian nomine, è regno Trauteico, occasum  
versus sito, ad se venisse, aiunt, cælibis au-  
torem vite, quæ ipsorum ritu initiatis, v-  
triusque sexus, admodum frequens est; eius  
exemplo crines nullos alunt, & leges ab ipso  
prescriptas arctè obseruant, ut postea dice-  
mus. Altera, Diua, Quanina dicitur; hæc  
Zontonis Regis filia, patri eam, uti antea  
binas Quaninae sorores, elocare volēti, mo-  
rē gerere noluit, q̃ perpetuā se cælo vouisse  
castitatem obtenderet. Iratus ille, in certum  
quendam locum, instar solitarii secessus,  
miseram relegat, ubi aquas haurire, ligna  
comportare, hortum expurgare colereq̃, co-  
gebatur. Multa hinc subiiciunt fabulosa  
Chinæ atque ridicula; Simias montibus  
descendentes, laborum partem capeßere,  
dinos



diuos aquis hauriendis loco virginis occupari, aues rostris hortum expurgare, feras è syluis ligna cõgerere: Regem verò parentem, cum arbitraretur veneficijs ab ea, damnatissq; artibus hæc patrari (quod sanè, ni falsa sint, quæ isti dicunt, credere lubet) locum, ubi filia degebat, exuri iussisse; ipsam verò, cum videret incendijs sese causam esse, arrepto, quo crines discriminare solebat, crasso argenteo discerniculo, mortem sibi consciscere voluisse, sed inexpectatò ingenti imbre ignem extinctum, ipsam illinc aufugisse, & in monte quodam sese occuluisse, ibiq; persanctè vixisse; patrem ob admissum in eam facinus, toto corpore lepra infectum, atque à vermibus corrosum, usque adeò, ut de salute eius medici desperarent, à filia (quæ morbum diuinatione præsenferat) domum redeunte, integræ valetudini restitutum, veniam, ab ea, sceleris, multis, penitentia, & mutati in melius animi, signis editis, suppliciter petiisse, atque iamiam eam adorare voluisse; Quatinam, cum tantū honorem diu frustra recusasset, tādē ante imaginem quandam consēdisse, uti scilicet huic,  
non



non sibi, prece supplicatum esse videretur. Eam igitur in sanctissimis numerant, utq; in cælo (ubi ipsis censentibus, animum agit) intercessione sua impunitatem flagitiorum ipsis impetret, obsecrant.

Tertia cælitum, & ipsa fœminini generis, à Chinis inter diuos culta, Cuchi, quodam prouinciæ Ochiamie tractu, oriunda, Neoma dicitur. Hanc primarij cuiusdam viri filiam fuisse dictitant, cumq; nubere cuiquam nollet, in insulam quandam è regione Ingoæ sitam, diffugisse, ibiq; vitam longo tempore duriter atque asperè actam, summa cum abstinentiæ laude finisse, multis, dum viueret, editis miraculis: Ideò autem ab illis in cælestium album est relata. Nam, cum quidam regie classis imperator, cui Campo nomen erat, belli gerendi ergò, aliquando vicinum in regnum contendens, cum uniuerso adparatu ad Buim adpulisset, anchoras nautæ, cum abire inde vellēt, insperatò soluere nequiverunt: cuius rei causam, cum ignorarent; Neomam illis insidentem conspexere. Dux eam accedens, eius belli curam sibi à Rege suo commissam esse



esse ostendebat, petebatq<sup>3</sup>, si vera esset, san-  
ctimonie ipsius fama, consilium sibi ut im-  
partiretur, quidnam faciendum iudicaret?  
Ipsa si victoria potiri vellet, sese unà abdu-  
ceret, monuit. Paruit ille; At, hostes, eius,  
quam prefectus Principi suo subiicere cona-  
batur, regionis incolæ, Magiæ & veneficio-  
rum perquàm periti, oleo in mare effuso, eā  
oculis speciem obfundeabant, ut omneis na-  
ues, medio in igni stare viderētur: tūm Ne-  
oma paribus Magicarum artium præsidys,  
conatus hostiū & coniurationes elusit, atq<sup>3</sup>  
dissoluit, laboresq<sup>3</sup> omneis & adparationes  
irritas reddidit, nec quidquā inde Chinæ  
detrimēti cæperunt. Miraculosum hoc du-  
ci visum: cogitabat igitur, ut prudentē de-  
cuit, fœminam hanc, alijs etiam in rebus,  
ubi foret occasio, magno Chinis vsui futu-  
ram, quoque magis, quam de ipsius insigni  
artium peritia opinionem conceperat, con-  
firmaret: iussit lignum aridum, quod ipse  
manu gestabat, viride ut redderet, hoc si  
integritatis Neomæ exemplū Regi attulisset,  
ab illi eum pro Diua adoratum iri. Cōtinuò  
mulier non viride solūm, sed & suaucolen-  
tissi-



tiſſimum lignum reddidit. In nauim itaque  
receptam præfectus in puppi collocauit, &  
cùm felici nauigatione in patriam rediſſet,  
beneficium id Neomæ acceptum tulit. Vnde  
imaginem eius nautæ in puppi collocatam,  
ſemper vincerantur, eiꝯ, tanquam Diuæ ſa-  
crificant. Atque hi tres Chinarum primarii  
diui ſunt, præter innumera penè alia, quæ in  
eorum fanis atque altaribus conſpiciuntur,  
inaurata ſigna. Hieronymum præfectò Ma-  
rinum, Herrada comitem, virum fide di-  
gnum, qui de compluribus, quæ hac deſcribo  
hiſtoria, certum me effecit, dicere audiui; in  
unica ſeſe Inſula Prouinciæ Auchteonis, vl-  
trà centū duodecim ſimulachra numerāſſe,  
præter ea, quæ paſſim per vicos atque vias,  
tàm intra, quàm extra vrbes, occurrant:  
quamuis interdum parū honorificè à ciui-  
bus tractentur, vt in ſequentibus capitibus  
demonſtrabitur. Atque adeò clarum hinc  
eſt, eos, qui certitudinem ſanctæ, & Ca-  
tholicæ religionis noſtræ, quam Romana  
proſitetur & docet Eccleſia, non agnoſcant,  
erroribus atque Idololatriæ eſſe obnoxios.

Quàm



# Quàm parui Chinæ idola sua faciant.

## C A P. III.

**M**iseri hi idololatra tàm parui suos faciunt inaneis Deos, ut sperandum sit, eos, ubi Christianæ institutionis legibus imbuti fuerint, cunctis superstitionibus facile renūciaturos, sortilegijs præsertim, genti quàm familiaribus, cum alioqui ingeniosa docilisq. sit. Is enim, quem dixi, Dominicanæ familiæ Theologus, narrabat; sese quādoque Cantone in delubrum quoddam venisse, cum idolis litarent, atq. diuina emulatione percitum, imagines quasdam humo prostrauisse, id cum sacrificaturis vindicandum facinus, & antehac inauditum videretur, insano eos furore in sese irruisse, necemq. sibi intentasse, rogasse verò se, audirent prius, quàm interficerent: primarijs, qui tùm aderant, iustas preces visas, populoq. pacato, cum pmissum esset, ita sese verba fecisse: Cum Deus cæli terræq. conditor, tanta in eos ingenij & prudentiæ dona contulerit, quibus, nulli, vel clarissimarum atque inge-



ingeniosi, Simarum nationum, secūdi essent, rectè utique facturos, si operam dederint, ne tantis summa maiestatis beneficiis abutantur, aut ea tam flocciendant, ut propterea saxa & ligna diuino cultu digna, existiment, rationis sensusq; expertia, quæq; meliora esse nequirent, quàm ab opificibus essent efficta; quam ob rem æquum videri, homines à simulachris potius adorari atque coli, qui eorum sint autores, quàm simulachra ab hominibus. His & similibus argumentis, mitigatos populares, tantum ostendisse: hanc admonitionem nō solum in optimam partem se accipere, sed & longè habere gratissimam, addita excusatione, de nullo unquam errore quem litationibus hisce committerent, à quoquam fuisse admonitos, aut edoctos: In huiusce rei testimoniū, imaginibus, uti humi, quædam etiam cōfractæ, iacebant, relictis, sacerdotem, quem diximus, nostrum in hospitium usque suum honorificè deduxere. Hinc non abs re colligimus, regnum hoc ope immortalis Dei, facile ad obseruantiam sanctæ Catholicæ sedis adductum iri, si splendido diuinorum oracu-

F

lorum



lorū lumine ostium veritatis genti aperia-  
tur, vanissimis detestabilium geniorum  
præstigijs occlusum, à quibus & ipse Rex, &  
quicumque ei sunt ab officijs, Optimatesq;  
omneis persuasi sunt, ne nouum vllum aut  
peregrinum sacrorum genus admittant,  
quòd qui sine expressa Regis permissione au-  
sit, capite fortunisq; omnibus, atrocissimo  
supplicio, euertitur: aliàs haud dubiè natio  
hæc ad vanos inaniū numinum, (quæ qui-  
dem per sese, quemadmodum demonstraui-  
mus, haud magni facit) cultus deferendos,  
perfacilè impelli posset, æquo planè animo  
pias de imbecillitate sua admonitiones latu-  
ra, præsertim, ubi, quantò Christiana sacra,  
vanissimis superstitionibus suis atque ne-  
fandis ritibus præstantiora sint, intellexe-  
rit; præter hæc etiam ad suscipienda ea atq;  
obseruanda admodum procliuis; exemplo  
sunt multi Chinarum, ij cum primis, qui  
in vrbe Philippinarum Insularum Mani-  
glia salutaribus undis abluuntur, relictaq;  
patria, penates eò suos transferunt, ne id  
scilicet negligant, quod ad veram animi  
beatitudinem consequendam, potissimum  
facere



*facere ipsis videtur; quæ res facit, ut qui ex illis dogma nostrum susceperint, religioni omnino deditissimi sint.*

De sortilegijs, apud Chinas in  
ferio quovis negotio suscipi-  
endo vsitatis, & quomodo  
Cacodæmonem in-  
uocent.

## CAP. IV.

**I**Nter alia, quibus China miserè laborant,  
superstitionum vitia; magnam sortilegijs  
cum primis atque augurijs tanquam rei  
certissime, minimeq; fallaci, fidem adhi-  
bent, certo, potissimum, sortium generi,  
quo, quando negotij causâ suscipiendum  
iter est, plerunque uti solent: Item, quan-  
do filios filiâsue elocant, quando mutuum  
dant, emunt; cambiunt; aut negotiantur;  
quidquid denique incæptent, cuius even-  
tus dubius atque incertus videatur; in his  
inquam omnibus ad sortilegia confugiunt:

F 2

Sor.



Sortes verò alias nullas habent, quàm duo fragmenta ligni, duabus dimidiatis nuci-  
bus similia, uno latere, rotunda atque tor-  
nata, altero, lata & plana; tenuiq; filo colli-  
gata; ex his ante simulachrum in medium  
coniectis, fœliciter ne an secus cœsurum sit  
ipsorum propositum, negotium, itêrue, diui-  
nare solent, & insignibus cœremonijs, blan-  
dissimisq; verbis, Deo suo supplicant, ut fœ-  
lix esse quod cœptant, & fortunatum velit,  
inuicem illi fercula, altarium ornamenta,  
aliûdue quidpiam preciosum promittunt:  
Si iactæ sortes ita ceciderint, ut latior pla-  
niorq; pars superior fiat, aut alterum è fra-  
gmētis in planam, alterum in rotundio rem  
partem concidat, id verò pro infœlici omi-  
ne habēt, versiq; ad imaginem, multis eam  
verborum contumelijs, conuitijsq; acribus  
consectantur, furciferum, nebulonem, aliâq;  
huiusmodi infamia nomina ingeminantes;  
ubi iam satirarum, blanditias priores repe-  
tunt, petunt veniam, plura quàm prius, do-  
naria promittunt, quòd iam secundio rem  
scilicet sortium iactum sperent; quas mox  
denuò mittunt, atque si addixerint, laudes  
gra-



gratesq; in idolum congerunt, & promissis  
accumulant. Si abdixerint, prioribus mise-  
rum simulachrum probris exagitant: si res  
cuius euentum sciscitantur, maioris fortè  
momenti sit, sortesq; improspere edantur,  
arreptas humi affligunt, pedibus conculcāt,  
in aquas aut ignes proyiciunt, atq; aliquan-  
diu ustulant; interdum tam diu cadunt,  
donec rotunda sortium pars supernè proci-  
dat, qui casus fœlicem propositi exitum de-  
nunciat: tūc verò sortibus prosperè iactis,  
ingentem in letitiam, hilari cantu, laudi-  
busq; innumeris effunduntur, & in hono-  
rem Deorum, pullis, anatibus, oryza cocta,  
syncipite elixo, & frondibus coronato (quod  
edulij genus pluris quàm alia omnia esti-  
mant) ingenti item vini cantharo, faciunt,  
hoc modo, ut volucris rostrorum aciem,  
& ungues, syncipiti etiam rostrum abscin-  
dant, omniaq; unà cum aliquot oryza gra-  
nis in patinam coniecta, & vino adpersa  
super aram collocent, reliquum tandem ipsi-  
met ante simulachrum, magna cum letitia  
atque hilaritate comedant. Aliud præterea  
sortilegij genus huiusmodi apud illos in usu  
F 3 est;



est; paruula ligna multa in ollam coniiciunt, chartulis aliquot impuris, circum ligata: tum ubi ea diu multumq; versando commiscuerint, puerum aliquem unum educere iubent, si chartulam inuenerint, ea à litera incipientem, quæ bacillo inscripta est, totum, quod in manibus habent negotium, ex eius literæ sensu successurum sibi arbitrantur. Ad hæc omnes hi populi, quotiescunque calamitas aliqua aut erumna in ipsos ingruit, quemadmodum nos tunc Dei Opt. Max. opem implorare & solemus, & debemus, ita ipsi ad Cacodemonem confugiunt, de rebus suis sæpè cum eo colloquuntur, aduocant illum, consilium, auxilium, miseriarum remedium aut finem supplices exposcunt, ut fecerunt spectante R. P. Petro Aluaro, Franciscanæ familiæ cœnobiorum Coryphæo, cum is anno Virginei partus M. D. XXC. è China reuerteretur, ut in descriptione itineris illius porrò demonstrabimus. Tali autem ritu atque modo Cacodemonem inuocant. Quidam ex ipsis facie pronus in terram procumbit, alius adstans, quedam cantans, è libro legit; circumstantium,



*clum pars ei respondent, tintinnabulis sonum edunt, tympanis crepitant; interea, qui humi iacet, vultu totoq; corporis habitu horrendo atque atroci, eos edit gestus, è quibus eum à Damone obsideri, manifestum fit. Tum demum de rebus suis sciscitantes, oraculum ab Damone petunt: respondet fanaticus, pleraque mentiens, mæandris tamen interpretationum mendacium, ut aliud responsum fuisse videatur, inuoluit; semper ferè, aut voce consultoribus respondet, aut scripto, quod tum, cum à fanatico, sermonem extorquere nequeunt, hoc modo exigunt: peristromati rubro in solum expanso, aliquid oryzae iniiciunt, quam deinde complanant, postea cuidam scribendi ignaro, lignum quodpiam in manus tradunt; circumstantes cantillant, nolisq;, ut in prius descripta adoratione seu execratione fecerunt, tinniunt: mox paulò Cacodemon, eum, qui lignum manu gestat, sensim occupat; is, eo ligno in oryzam efformat characteres, quos ceteri depingunt, colligunt inde in verba literas, è quibus coniunctis respon-*



sionem ad interrogata eliciunt, quamvis, plerumque, ut dixi, mendacem & falsam, cum ab ipso mendaciorum omnium parente profiscatur, qui licet interdum vera etiam dicat, non id tamen veritatis studio facit, sed ut specie veri homines sexcentis mendacijs decipiat: atque huiusmodi sortilegijs & detestanda Cacodemonis inuocatione, nihil aliud hosce populos frequentius, nihil est usitatus.

Quid de initio mundi, & creatione hominis, Chinæ sentiant.

## CAP. V.

**Q**uantumvis Chinæ ea naturæ atq; indolis sagacitate præstent, ut alias ad sese collatas gentes, cecas esse arbitrentur, exceptis Hispanis, quos nuper admodum noscitare cæperunt, licet etiam tam physices, quàm morales Philosophiæ, Astrologiæ etiã, seu syderum scientiæ, gnari sint (eiusmodi enim artes publicè apud ipsos docentur) in  
va-



*varias tamen propendent absurdas de ortu mundi, hominisq; creatione, opiniones; quarum quasdam ex ipsorummet libris, eo potissimum, qui de origine mundi inscribitur, hoc capite describemus. Primus Chinarum error est, quod aiunt, cælum, terram, aquas ab aeterno chaos & rudē fuisse indigestamq; materiem, sed quendam, qui in cælo degat, Tain nomine, insigni arte à cælo terram segregasse, illud in altum discessisse, hanc, pro natura sua, in eum, ubi nunc sit, locum, gravitate latam & pondere. Addunt Tain hunc, ex nihilo, virum, qui Panzon, feminamq; quæ Panzona dicebatur, condidisse; à Panzone, cui eam Tais potestatem dederat, Tanomum quendam, tredecimq; illius fratres, etiam è nihilo creatos; Tanomum tanti fuisse acuminis, ut singulis rebus creatis sua imponeret nomina, quæ earum vis, quæ natura, quis omneis ad morbos usus esset, quas utilitates mortales inde percipere possent, per docente cuncta Taine, calleret. Hunc, fratresq;, porro multos habuisse filios; è queis maximus natu Teiëcomus, duodecim; duodenum vetustissimus Tuuncomus novem,*

F 5

cate-



cetera denique fratrum turba ingentem liberorum numerum genuerint, atque hoc hominum genus posterosq; innumerabiles durasse China arbitrantur annorum plus nonaginta millibus; Tain inde primum maris & fœmina conditorem uniuersam hominum stirpem deleuisse, iniuria cuiusdam, sibi ab ipsis illata, vlciscenda causâ, simul odio atque inuidia percitum, quod tot ab sese iam artes didicissent, ut insigni earum scientia ipso Tai neutiquam inferiores esse viderentur, neque tamen, quod cum ab eo docerentur, facturos se promiserant, pro domino eum suo agnoscere vellent. Postea, cælum corruisse China aiunt, & à Taine subleuatum, qui secundo tum hominem creauerit, quem LoZiZam vocarit: LoZiZam duo habuisse cornua, persuauem odorem exhalantia, è quo prognati sint sexus utriusque non pauci; illum dehinc disparuisse ingenti marium & fœminarum multitudine post se relicta, è quæis, quæ hodie terras colit humana gens, originem traxerit. Primum LoZiZami filium AZalanum annis vixisse nongentis. Deinde à cælo creatum esse quendam



dam nomine *AZionem*, matre *Lutina*, solo aspectu capitis leonini, in cælo stantis concipiente, filiumq<sup>3</sup>, *Truchinæ*, *Sciantonis* Pro- uincie loco, enixa; eum vixisse annis octin- gentis. Secutum alium, *Vsaonem* dictum, in orbem iam hominibus undique plenum ad- uentasse, victu usum ferino atque aspero, docuisse mortales, tecta ex arboribus struc- re, in quibus ab ferarum scuitia sese tueren- tur, quæ magnis eos detrimētis afficiebant, compluresq<sup>3</sup> interimebant; vestiariam quo- que artem adinuenisse. *Vsaoni* superucnisse *HunZuin*; ignem, ab hoc, usumque eius, cibos coquendi, emendi, vendendi, permu- tandi, commonstratam rationem: in nego- tiationibus, eum fuisse tunc morem obser- uatum, ut certis nodis, funiculo cuidam in- nexis, inuicem, quid vellent, exprimerent, quòd ea tempestate literarum formæ nemi- ni dum essent cognita. Mulierem postea quandam ( *HauZibonem* eam vocant ) aiunt filium peperisse *Ochienteum*; hunc & alia multa, & matrimonium quoq<sup>3</sup> excogi- tasse, cumq<sup>3</sup> scitè admodum varij generis sym- phoniarum organa tractare sciret, famam  
per-



percrebuisse, mirabiliter eū cælo delapsū,  
 & cū tellurem magnum ad id momen-  
 tum attulisse, tū matrem Ochieutei ali-  
 quando iter facientem vestigiūq; huma-  
 num fortè aspectantem, suū in id pedem  
 impressisse, continuoq; clarissima de cælo lu-  
 ce circumfusam, filium Ochienteum con-  
 cepisse: Ochieutei filium fuisse Eχontomum,  
 medicina, astrorum sciētia, præsertim eius,  
 quæ è sideribus, de futuro rerum euentu di-  
 uinat, agricultura, aratri, & ligonis, inuen-  
 torem. De Eχontomo mira Chinæ prædicāt,  
 inter alia, hoc; cum septenas diuersi generis  
 venenatas herbas, nullo vnquam salutis  
 suæ damno deglutire ausum, & annis vi-  
 xisse quadringentis. Ab hoc Vitein, primum  
 Chinarum Regem ortum; huius posterita-  
 tem, Regium imperium, continua Princi-  
 pum mutuò sese consequentium successione,  
 confirmasse, uti postea, ubi de Rege Vitei,  
 cæterisq; dicendum erit, pluribus agemus.  
 Has de initio mundi fabulas Chinæ effuti-  
 unt, è quibus præclare apparet, quanta sit  
 virium humanarum, nisi diuina benigni-  
 tate subleuentur, puraq; sacrosanctæ Reli-  
 gionis



*gionis nostræ luce illustrentur, imbecillitas, quocumque tandem vel summa ingenij industriæq; sagacitas atque præstantia in ordine collocentur.*

Quòd immortales animos,  
& post hominum ex hac vita excessum, aliam superesse, in ea, pro suo quemq; merito aut præmio aut pœaffectum iri, certò statuunt Chīnæ: & quomodo precen-  
tur pro mortuis.

## CAP. VI.

**E**X hucusque deducta narratione nostra, haud, opinor, absurdè argumentabimur, D. Thomam Apostolum, diuinis ad harum regionum populos habitis concionibus, ea in hominum animis reliquissè insita, quæ veritati consentanea, sanctissimisq; religionis nostræ decretis, conformia videri queant, ut & hætenus audiuiamus, & postea audiemus. Inter ea verò animorum immortalitas à Chīnis firmissimè credita, quemadmodum hoc capite ostendam,  
eadem



*eadem certitudine adferentibus, præmijs animos aut pænis affectum iri, prout in corporibus dum essent, benè vel secus vixerint; quæ fortè caussa est, non malè instituta harum gentium vita, ea fortè in deterius rueret, nisi verissima hac notione in officio contineretur. Sperare itaque lubet, supremam maiestatem, quandoque eas clementer illustraturam esse. Aiunt, omnemq; extra controuersiam statuunt, animos cælo ortos, quòd ab eo æternitatem acceperint, nunquam interituros, & qui ex illis (secundum leges Chinarum) præclarè in corporibus, quib. à Deo infusæ sunt, æuum agant, à sceleribus abstineant, neminiq; noceant, eos in cælum abituros, & beatos genios redditum iri, ibique ingentibus in delicijs æternum victuros; eos verò, qui, dum in terris degerent, flagitijs sese sceleribusq; innumeris polluisent, tenebricoso in carcere infælicibus unà cum genijs, diris horrendum in modum suppliciiis mactatum iri. Esse etiam fatentur locum in quo animi in beatorum spirituum numerum recipiendi, prius ab omni criminum labe, dum corpora incolerent,*



contracta, expientur; atque si amici defun-  
cti & propinqui, eo nomine aliquid praecla-  
ri perpetrarint, expiationem illam eò citius  
absolui dicunt; inde toto Regno inferiae  
precesq; pro mortuis frequētes, peculiari, huic  
rei, die, sextili mense, destinato; neque in  
fanis, sed domi, hisce sacris, hoc modo ope-  
rari solent: quidam, monachis nostratibus  
haud absimiles, ubi tempora, dies, ædes, pre-  
cibus huiusmodi & funeralibus perficien-  
dis, inter sese distribuerint, destinatas sibi  
quisque domos ingreditur, sui ordinis duos  
secū adducit, domesticos hortatur, si defun-  
cto amico aut familiari suo aliquid opis ad-  
ferre velint, quò à labe ea expurgentur,  
qua quò minus cælestium unus ille fiat, im-  
pedimento sit, sollennes uti preces sacrificia-  
que perpetrent. E tribus illis viris religiosis  
is, qui sacerdotis instar est, tympanū quod-  
dam parvū; duorum comitum unus, asser-  
culos aliquot, alter tintinnabulū, adferūt;  
mox aram erigunt, in eaq; diuos, defuncti  
patronos, atque tutelareis collocant, eos thū-  
re, alijsq; suffimentis lustrant. Quo facto,  
quinque aut sex mensas ferculis querant,  
mani-



manium, scilicet, & diuorum sedāde fami,  
postea, tympana pulsitant, tinniunt tintin-  
nabulis, certas quasdam cantiones mortua-  
libus destinatas, alternantibus choris de-  
cantāt, tanta suauitate, ut ( si Hispanis, qui  
audisse se dicunt, credimus ) ad modulos il-  
los commodè saltari posse videatur. Interim  
dum hac ratione, ad tympanorum & nola-  
rum sonitum cantillant, alter alterum or-  
dine secutus, ad aram accedit, offert chartu-  
las literis notatas, consident inde rursus,  
atque ad priorem cantum redeunt. Finitis  
precibus & cantilenis, mystagogus ille pri-  
marius cātando precationem inchoat, iēti-  
bus interim certis mensam asserculo, quem  
ob id manu gestat, feriens, respondent pari  
sono bini Symmystæ demissis capitibus, pi-  
etasq; interim quasdam & inauratas sche-  
das ante aram comburunt. Huiusmodi ca-  
remonijs totam noctem transigunt ( quod  
idoneum feralibus sacris tempus arbitran-  
tur ) omnibus, ut assolet, tam per sacricolas,  
quàm per domesticos confectis, mensis adsi-  
dent, dapes appositae diripiūt, ita reliquum  
noctis exigentes lucem operiuntur. Hanc  
for-



*formam esse volunt expiationis animorum  
qua ad fœlicium geniorum ordines promo-  
ueantur. Ignobile vulgus hoc amplius pro  
certo habet, flagitiosorum animos, ante-  
quam ad inferos detrudantur (quos quidē  
extremo demum mundi die pœnis scelerum  
exigendis, conditum iri sibi persuadent) à  
cœlo in bubalorum, aliorumq; huiusmodi  
animantium, proborum verò, in Regum &  
magnatum corpora transferri, in quibus  
honorificè tractentur, lauteq; victitent. In-  
numeras insuper alias opiniones vanas tu-  
entur, quarum & hæc una; animum ex v-  
no in aliud transire corpus, quod quibus-  
dam etiam veterum Philosophorum, æquē  
tamen deceptis, & à scopo veritatis aber-  
rantibus, visum est.*

De delubris: sacris, tàm viro-  
rum quàm fœminarum ordi-  
nibus apud Chinenfes, &  
eorum Antistitibus.

## CAPVT VII.

G

Tos



**T**ot apud Chinenſes ſacrorum cærimoniae ritusq; Chriſtianiſ moribus conformes reperiuntur, qui inſignem harum gentium naturæ atque indolis acrimoniam ſatis ſuperq; comprobent, & credibile omnino ſit eas à Diuo Thoma, duodecimuirum Chriſti Opt. Max. comitum, vno, diuinis de rebus inſtitutas, & ad vitam honeſtè, cumq; virtute degendam ſalubribus monitiſ fuiſſe incitatas, vti iam antea ſapius diximus. Fidem ingentem addit, magna ſacrorum conuentuum ( quos cœnobio voces ) multitudo, non in cunctis ſolum totius Regni urbibus, locisq; habitabilibus, ſed in vaſtis etiam, atque ab omnium hominum cultu, & conſortio remotis ſolitudinibus, paſſim obuiorum, in quibus viri atque mulieres in vniuerſum degunt, ſuis inter ſe limitibus & ſeptis discreti: vterque ſex ſuos habet ( quorum mandatis obedit, quemadmodum nos ſolemus ) præſules ſuasq; Anſtititas. Habent autem quatuor tantum huiſmodi ordinum, quæ quidẽ nos ſciamus, genera, quorum unicuique ſuus præeſt Pontifex; Is Suntia, plerunq; aut Taibini ( quæ etiam Principis Regijq; ſenatus ſedes ) ſeſe  
con-



continet, Tricon Chinenſium lingua dicitur: Singularum Regni prouinciarum ſacratibus, Coryphaum, ſiue (ut vocari ſolet) Prouincialem quempiam præſcit. penes hunc ſingula (per ſuam cuiusque prouinciam) cuiusvis ordinis collegia accedendi, inuiſendi, in delinquentes animaduertendi commiſſa aut omiſſa emendandi, ius eſt, ſecundum præſcriptas cuiſlibet familie leges atque inſtituta: illis etiam collegijs ſuum cuique præponit Antiftitem (cuiusmodi apud nos ſunt, qui Priores & Guardiani vocantur) cui ceteri eius adis myſtæ ſubiſciuntur. Pontifex quamdiu uiuit (niſi forte ob morum improbitatem officio amoueatur) ſacrorum principatu potitur, neq; Coryphaeorum, quos dixi, uotis, ſed à Rege, aut ſenatu Regio deligitur, qui uita ſit ſamaq; probatiſſimus: Serico veſtitur, eius coloris, qui ordini ſuo, ex ſacrarum legum præſcripto cõuenit, qui aut niger eſt, aut flauus, aut albus, aut violacens (his .n. colorib. quatuor, quas diximus, diuerſæ pfeſſionis religioſæ familie inter ſe diſtinguuntur.) In publico nunquam conſpicitur, niſi eburnea geſtatis inaurata ſella, à quatuor, aut ſex hominibus

G 2

eius-



eiusdem coloris veste cuiusmodi ipse utitur indutis. Populares eum nisi submissis genibus, haud alloquuntur. Peculiari utitur ac expediendas, quae ad sacram pertinent procurationem, sui ordinis literas, seu diplomata, sigillo; opulentis à Rege, tum ipse, tum domesticici eius, & familiares, prouentibus fundati. Amplissimi quoque sunt conuentuum atque collegiorum redditus, partim Regijs donationibus, partim à priuatorum liberalitate profecti. Stipem enim sacricolae singulis in urbibus, alijsq; locis, ubi constructas aedes habent, exigunt, quae liberissimè certatimq; in ipsos effunditur. Incedunt, vicatim mendicantes (quod ipsis solis licet) & cantu quodam, ad sonum asserculorum, aliorumq; Symphonicorum modulorum, composito, utuntur. Stipem petitori proferunt grandiusculas quasdam tabellas, preculis inscriptas, quas populi à sceleribus expiandi causâ recitant; qui stipendiant petentibus, tabulis eam illis inſciunt aut imponunt, riteq; ita animum à criminum contagione liberatum existimant; attonsa barba capiteq; sacricolae omnes incedunt.



lunt, quiq; eiusdem instituti sunt, cuncti  
vnius coloris vestem gestant; vnà eodem in  
loco omneis epulantur; suum tamen seorsim  
quisque conuiuie habet, instar nostrorum  
monachorum, gausapina vestiuntur, ijs,  
quos dixi, coloribus tincta, ad numerum  
sphaularum uti nos, preces suas, alia ta-  
men ratione, fundunt; exequijs omnibus sti-  
tis petenda causâ intersunt; singulis nocti-  
bus, duabus ante solis ortum horis, oraturi è  
stratis consurgunt (quod monachis nostris  
nocturnarum precationum ergò facere sol-  
enne est,) & ad exortam vsque lucem, v-  
nà, quàm religiosè precantur; Interim dum  
cantant, campanis omnibus pulsatis, quarum  
quidem in vniuerso regno, sonus atq; sym-  
phonia suauissima est; è chalybe etenim ple-  
raque fiunt. Precationes suas ad cælum di-  
rigunt, & ad Diuum quendam Sichian,  
quem huiusce viuendi ritus autorem, san-  
ctissimūq; virum fuisse autumāt; sacros or-  
dines abdicare, cum libet, Tricone tamen  
seu Pontifice adsentiente, possunt; quam diu  
verò religiosorum instituta sequuntur, con-  
tinentes & cælibes manere coguntur, tam  
G 3 viri,



viri, quàm fœminæ; qui quæuè secus fecisse conuicti fuerint, seuerissimè plectuntur. Cum quis religiosum aliquod institutum amplectitur, parens ipsius aut propinquus ceteris eadem professione initiatis sodalibus splendidum dat epulum: Primogenitus quisque seu natu filiorum maximus, publico China-  
rum Regni scito, religiosorum placitis initiari prohibetur, parentesq; senio defectos alere cogitur. Mortuos sacricolas lauant, & attondent, antequàm sepeliant, vestituq; atro induunt: Si quem, siue marem, siue fœminam, ob delictum aliquod sacratis semel indumentis exuerint, nunquam ea reddunt, sed exautoratus ille grandem tabulâ collo dependentem publicè cunctis spectantibus circumferre cogitur, cum elogio, quo facinus descriptum continetur. Quotidie, manè, vespèriq; numinibus suis, thura, lignum aloës, & alios varij generis odores suauissimos, adolere solèt. Quo die nauis recens fabricata in aquas primùm immittitur, sacerdotes togis talaribus sericis splendide vestiti, conscensâ puppi, sacrificant, & preculis aliquot recitatis, quasdā miris imagi-

gini-



ginibus depictas chartulas ante simulachra  
conscindunt, additis quibusdam caerimonijs  
& cantilenis, quas, ad tintinnabulorum a-  
liquot sonum modulantur. Cacodemonem  
venerantur qui pictura expressus in prora  
navium cernitur, ne quod ab eo nauigantes  
detrimentum capiant. Hilares deinde ad  
epulas se conuertunt, quod nauim consecra-  
tam, nauigationemq; ideò faelicissimè cessu-  
ram esse pro certo habeant; secus si fecissent,  
secus etiam cessura omnia, anxie formida-  
turi.

De ritibus Chinarum in sepe-  
liendis mortuis, & de lu-  
gubribus eorum ve-  
stimentis.

CAP. IIX.

**O**Peræ precium me facturū esse existi-  
mo, si hoc loco describam Chinarum  
ritus, quos in mortuis sepeliendis obseruant,  
sanè q̄ memorabiles. Defuncti, statim ubi a-  
nimam is exhalârit, cadauer totum lauant,

G 4

pre-



preciosissimos, quos habent, pannos, odore bono suffiunt, cadauerq; illis conuestitum, in sedem seu locum inter omnes honestissimum collocant: accedunt ad mortuum ita compositum, liberi, vxor, pater, mater, fratres, eiq;, alij post alios, in genua submissi, valedicunt, ingenti mærore & fletu; idem faciunt in ordinem dispositi propinqui, familiares, domestici, ad seruos vsque, si quidem seruitia defunctus habuerit; quem in feretrum postea deponunt odoratissimis contectum lignis ( quibus abundat regio, ) id undique diligenter obturant, ne vsquam fætoris quidquam exeat, tum in binis locant sedilibus, aut in mensa in cubiculo, omnibus, quam fieri potest, rebus, ornatissimo, linteoq;, ad terram vsque dependente, albo cōtegunt, in quo mortui ad vinum expressa imago visitur: in atrio, antecubiculum illud proximo, mensa adstat, panibus varijsq; generis fructibus onusta, ad quam accensi conspiciuntur cerei: Continuis quatuordecim diebus hunc adparatum retinent, interea flamines eorum, & religionibus initiati, singulis noctibus eò veniunt, cantant, sacri-



sacrificant, aliasq; seruant carimonias ipsis  
vsitatas; afferunt, præterea, schedas multas  
picturatas, eas ante defunctum, multiplici  
cum superstitione & vanitate, comburunt:  
multas et chartas, funiculo de colūna quadā  
adpendunt, has sæpè attingunt, & hinc in-  
de manibus versant, altum clamore subla-  
to, uti scilicet animus vita functi, (quem-  
admodum ipsis videtur) in cælum euolet.  
Per quindenos, quos dixi, ferales dies, men-  
sas semper paratas, dapibusq; instructas re-  
perias, ut sacerdotes, propinqui, & amici,  
eum, qui vixit, interuisentes, quo cuticulam  
curent, habeant. Elapso eo tempore, & abso-  
lutis omnibus carimonijs, sandapilam in  
campum deferunt, & sub colle quodam in  
familiari sepulchro in saxum inciso con-  
dunt; Pinum deinde ei adfigunt, qui mos ad  
omnia sepulchreta ab ipsis vsurpatur. Hanc  
nunquam detruncant, sed spontè uti rem  
sacram exarescere sinunt. Qui funus comi-  
tantur, eo ordine incedunt, quasi sacram  
pompa ducerent: Neque desunt Canto-  
res, & varij generis musica instrumenta,  
quorum modulos, tota via, vsque dum tu-  
G s mulo



mulo cadauer sit illatum, audire licet, atque illa demum exequia honestissima, & magnificentissima existimantur, quibus plurimi sacerdotes ac musici interfuerint. Magnos pro re nata, in huiusmodi mortualia China sumptus atque adparatus faciunt, ad instrumentorum musicorum modulos multas decantant ad Deos suos oratiunculas, denique supra monumentum multas comburunt chartas (in quibus seruitia seu mancipia, & equi picti) aurum item, & argentum, telasque sericas & alia, eaque omnia defuncto altero in auro usui fore arbitratur. Defuncto in sepulchrum illato, in omnem latitiam effunduntur. Viscerationesque ingentes dare solent, quod mortuorum animos a beatis genijs atque caelitibus similibus plane gaudijs in caelo excipi firmiter credant. Propinqui cum ministris & familiaribus, pullati per id tempus obambulant, vestibusque asperrimis induuntur, praesertim tunicis quibusdam, e lana admodum hirta contextis, nudam cutem operiunt, quibusdam etiam funiculis cinguntur. Epomides eodem e panno confectae sunt, iisdem quibus ceteri galeri, acubus, hos



*hos ita capiti adaptant, ut oculi penè obtegantur. Patre matrène è viuis sublata, anno aut biennio, liberi ferales circumferunt vestes; quiq; magistratum gerunt, tùm, permissu Regis solita aliquamdiu munia intermittunt, interdum potestatem planè abdicant, idq; sibi magno honori ducunt. Amicorum, ex humanis exempto, minus propinqui, aliquot mensibus, linteas induunt asperas vestes coloratas; reliqua familiarium turba, sepulto cadauere, funebria vestimenta statim abicit.*

## De ritibus Chinarum in cōtrahendis matrimonijs.

### CAP. IX.

**C***Hina cùm primis de liberis maturè collocandis solliciti sunt, antequàm vitiorum & libidinum illecebris capiantur, atque polluantur. Sollicitudo hæc efficit, ut in uniuerso hoc amplissimo Regno, multò minor sit flagitiorum, aut sceleratè viuentium frequentia, quàm in alijs ei magnitudine longè etiam pòst ferendis*



dis regionibus. Verùm persèpè accidit, ut nimia parentum hac in re cura sit, atque diligentia, adeò, ut, in cunis, adhuc vagientibus, aut nondum etiam utero editis infantibus conditio quærat, certis tamen rationibus & modis inter utramque partem ritè constitutis, arrhis etiam utrimque interpositis, toto denique contractu matrimonialibus tabulis cõfirmato. Sed, cum finitimis omnibus populis, tum uniuersæ Chinarum ciuitati, mos est, ut, qui uxorem ducturus est, ei, quam ambit, dotem offerat. Instante enim iam nuptiarum die, sponsæ parens, splendidum domi suæ conuiuium instruit, ad id, parentes, ceterosq, sponsi propinquos inuitat; idem, sequenti die, sponsi parens, aut consanguineorum quispiam facit. Finitis epulis, sponsus dotem sponsæ adnumerat, omnibus conuiuiis spectantibus: Ipsa inuicem patri, eam, aut matri, si quam habet, reddit, remunerandi scilicet laboris, & molestiarum ergò, quas in educanda filia exantlauerant. Apud Chinas, itaque, & finitimas gentes, ditissimus censetur, qui plureis filias habuerit. Sponsæ parentes, quamdiu viuunt,



viuunt, dote, ut lubuerit, utuntur. Ab eorum morte, quod superest, ad filiam redit, à qua acceperant; hæc suis porrò liberis relinquit, aut ad quoscunque voluerit, usus conuertit. Viris tot sibi fæminas matrimonio iungere licet, quotquot alere possunt. Sorores tamen & consanguineas ducere prohibentur, qui duxerit, seuerè plectitur. Caterùm inter omneis eas mulieres, quæ prima nupsit, pro uxore, ceteræ pro concubinis habentur. Cum prima aut secunda, sub eodem si lubet, tecto, habitant, aut in diuersas ades illas distribuunt: mercatores aut negotiatores illas per ea loca dispertiunt, in quibus negociantur. Sed ceteræ ad primam collatæ, ancillarum loco sunt. Ad filiorum natu maximum, à morte patris, maxima pars bonorum primæ coniugis, hereditate venit; ceteri fratres, quod superest, æqualiter inter se diuidunt, siue prima, siue ceteris coniugibus seu concubinis sint prognati. Si primæ uxori filius nullus sit, secundo ductæ filiorum vetustissimus maioris partis bonorum primæ fæminæ, hereditatem cernit; rarò tamē euenit, ut heredes, vel è prima nupta vel è cete-



ceteris desint. Si maritus uxorem in adulterio deprehenderit (quod tamen ad miraculum usque rarissime fit, tanta illis honestatis, tanta est pudicitiae cura, tantum adulteri adulteraeque dedecus) impunè eam, simul atque adulterum interficit, si simul eos in adulterio deprehendat. Sin lege agat, facinusque probetur, tergo, pro more gentis, virgis caesi, poenas adulteri luunt, ut suo loco dicetur. Inde adulteram in servitutem vendere marito licet, ut, quam dederat, dotem recuperet; reperias tamen, apud Chinas, qui non solum lucri causa, ad adulteria conniveant, sed ipsimet etiam lenones agant. Apud Tartaros, eorumque finibus proximos populos, hunc observari matrimonia contrahendi modum, admiratione dignum, aiunt; Praesides Reipubl. & magistratus, masculis & puellis certum praefiniunt tempus, intra quod suam singuli voluntatem ostendant, antequam ex ephebis excesserint, aut ad nubiles annos devenierint, velint sacris initiari, seu religiosa professionis habitum suscipe, nec ne? Intra praestitutum tempus, omneis utriusque sexus qui caelibes manere noluerint, in certam  
ad



ad id destinata, in singulis prouincijs, urbē,  
se se conferre, & certo die ad primarios duo-  
decim viros, à rege ad munus hoc delectos  
adcedere coguntur; Illi nomina tam mariū,  
quàm fœminarū, adnotant, & quæ cuiusq;  
cōditio, quis status, q̄ opes, quantū quisq; do-  
tis maritæ suæ numeraturus sit, expiscatur.  
Dinumerant postea, & ubi mares plures q̄  
fœmellas repererint, sorte, utris manendū,  
utris discedendū, sequensq; annus sit expe-  
ctandus, cōmittunt; quiq; priori anno dis-  
cesserint, sequenti, primi omnium elocatur.  
Deinde, sex è duodecim viris, mares oēs in  
tres classes diuidunt: In prima ditissimos cē-  
sent, nihil p̄si habētes, formosi an deformes  
sint; In secūda, mediocriter opulētos; in ter-  
tia, paupes. Atq; dū isti hæc inter viros acti-  
tāt, ceteri sex, eodē modo, fœmineum genus  
discriminant: Pulcherrimas in unū cogunt  
locum; alterum mediocri forma præditæ;  
tertium deformes occupant. Confec̄to hoc  
negotio, formosissimas ditissimis viris e-  
locant, hi, quantum magistratus decre-  
uerit, dotem eis numerare coguntur; for-  
ma mediocres, mediocriter opulenti,  
nulla



nulla tamen numerata dote, ducunt; pauperibus deformes obtruduntur, qui æquè atq; diuites dotare eas coguntur: æqualiter enim ille diuidi solent. Hac ratione (memorabili sanè) omnes utriusque sexus vno die elocantur, seu connubio iunguntur, non perinde tamen fortè singulis grato. Matrimonij ita contractis, festæ atque magnificæ celebrantur nuptiæ, regijs in adibus ad hæc gaudia destinatis, lectorum, utensilium, aliarumq; necessariarum rerum multiplici copia instructissimis, ne scilicet sponsis ad celebrandas egregiè nuptias, quidquam desit: Inde domum omneis redeunt. Hæc verò de vulgo tantum & plebeijs accipienda sunt; neque enim nobilium, aut equester ordo his legibus alligatus, qui vix certum aliquem in matrimonijs contrahendis morem obtinent, sed, ut lubet, agunt, & unusquisque aut ipse sibi parem deligit, aut mandato & iussu Regis ducit, quod muneris à Rege magistratibus, aut prouinciarum Reëtoribus delegatur. Rex, ubi matrimonium contraxerit, è primarijs mulieribus, aut virginibus, totius regni, triginta primarias, pro  
con-



concubinis deligit, easq; secum, in Palatio, quamdiu viuit, retinet: Post mortem eius sepulturamq;, & exequias celebratas, hæres, aut successor Regni, elegantissimis, triginta illas, vestibus, multisq; ornamentis excolit, atq; in cœnationem quandam introduci iubet, facie, vt à nemine agnoscantur, tecta. Tùm accedunt eò, viri, toto è Regno, primæ nobilitatis, triginta, testamento defuncti Regis expressè nominati; quisque, ordine, aut pro imaginum prerogatiua, aut vt vocatur, introgreditur; quam, facie coopertam, primam manu prehendit, uxorem eam ducit, & honestè quamdiu viuit, habet: eis verò è Regio palatio sumptus nuptiales, necessariaq; omnia liberaliter suppeditantur. Veteres Chinarum Reges, cum filiis suis aut consanguineis uxores darent, vniuersis proceribus, primariisq; totius Regni nobilitati festum atque regale epulum præbebant, addito mandato, vt filios filiasq; omnes secum adducerent; hos parentes pro cuiusque conditione honestè splendideq; vestiebant. Finito conuiuio singuli nobiles eò loci accedebant, vbi fœminæ virginesq;

H

con-



conuenerant, ordine atatis inter se seruato,  
 & ex illis eam ducebat quisque, quæ animo  
 maximè collubisset: idem, Regis filij, eque-  
 strig, dignitate viri, faciebant. Nostra tamẽ  
 atate, huiusmodi mos exoleuit, cum nobiliũ  
 æquẽ, atq, procerum turba sibi proximiores,  
 modò ne primo consanguinitatis gradu iun-  
 ctas, uxores ducant, quãuis nõ rarò, secun-  
 do sibi ordine consanguineas in matrimonio  
 habeant, præsertim ubi ea de re prius inter  
 utrosque conuentum fuerit.

Quòd, toto regno, neque in  
 vijs, neque ad templa, vlli ferantur  
 mendici, & quem Rex modum, in a-  
 lendis ijs, qui suis sibi operis, vi-  
 ctum parare nequeunt,  
 obseruet.

## CAP. X.

**I**Nter multas admodum harum gentium  
 cõstitutiones, aliag, quæ hucusque recen-  
 suimus, & postea explicabimus, memorabi-  
 lia, è quibus, quàm prudẽter China ciuitatẽ  
 suã moderentur, sat apparet, haud vltimũ,  
 mea sententia, locum obtinere videtur, tũc  
 Regis,



Regis, tum supremi senatus Regij interdictum, quod omnes egeni, & in vijs, vicisq;, & ad inanum Deorum fana, mendicare prohibentur. Nam gravissima quidem pena mendicis, stipem hinc inde colligentibus, longè tamen atrocior civibus atq; incolis, petenti eam largientibus, indicta est: qui protinus, ubi quid huiusmodi acciderit, ad eum id coguntur deferre magistratum, qui, quod peculiari suo, hac in re, munere fungatur, pauperum prætor dicitur, uti scilicet, qui edictum violarint, penas continuo dent. Prætor hic est precipuis civium aut municipum suorum deligitur, & quamvis aliam potestatem nullam habeat, satis tamen superq; uno hoc officij genere occupatur. Neque enim fieri potest, quin in tanta hominum per urbes tot atque provincias multitudine & colluvie, magnus est mancorum & debiliun numerus inueniatur: cum itaq; ratio illi ineunda sit, istiusmodi hominib. ut consulatur, lexq; integra conseruetur, sanè nunquã non multis implicatus est negotijs. Quicumq; magistratum hunc inierit, primo statim die, per præconem pronunciat, omnes, qui liberos habeant,

H 2

qua-



quacunque corporis parte debilitatos, siue à natura, siue à morbis, quocunque denique casu id ipsis mali inciderit, eorum nomina apud se ut edant, quò, quæ opus fuerint, ex officio suo, Regijq, edicti formula, decernat. Inspiciuntur morbi & vitia quorumlibet diligenter, quæ si tanta esse non adpareat, ut infans propterea ad hoc aut illud opificij genus inhabilis videri possit, parentibus præcipitur, ut intra præfinitum certum tempus, eum ad id artificium, ad quod discendum idoneus, vitio illo nihil impediante, à Præatore iudicatus fuerit, adhibeant, quæ in cognitione, ne latum quidem unguem à legis præscripto disceditur. Si ea vitiositate laboret infans, ut ad nullam artem addiscendam habilis existimetur, quandiu uiuit, eum parens alere cogitur, si ob inopiam nequeat, aut nullus sit, ad id muneris maxime aptus propinquorum aliquis, eum laborem capeat: si ne is quidem tanta cum re sit, reliquæ necessariorum cohorti pro suis cuiusque facultatibus, tantum contribuendum est, quantum ad alendum miserum homuncionem sufficiat, idq, ei dinumerandum, qui  
illius



illius curam suscepit: quòd si ne hi quidem  
adsint, aut egestate tanta pressi, ut sumptus  
illos facere nequeant, Rex suis misellum re-  
ditibus alit, recipitq; in regium ptochotro-  
phium, cuiusmodi, eum ad usum cunctis  
in urbibus plura perquam magnificè stru-  
cta visuntur. In his senes etiam, & inopes,  
qui vitam etatisq; florem in bellis contriue-  
re, sustentantur, quibus, aquè atque ceteris,  
ingenti cura & diligentia, omnia ad degen-  
dam vitam necessaria subministrantur, po-  
tissima ad id Prætoris vigilantia. Is cuilibet  
Ptochotrophio certos designat ministros, cō-  
stituitq; præfectum, primariæ, & ipsum, in-  
ter ciues, notæ: absque cuius permissu, egeno-  
rum nulli à limine Ptochotrophij discedere  
licet, quamuis id quidem ipsi haud agrè fe-  
rant, cum cibo, potu, vestimentis abundè  
sint instructi, potestatem adhuc gallinas &  
porcos nutriendi, aliaq; sibi grata, utilia, at-  
que opportuna confectandi habeant. In præ-  
fecti huius acta atque procuracionem in-  
quiritur sæpius à Prætoze pauperum, & ab  
Inspectore, qui à senatu Regio, tantum ea de  
caussa, ex Aula mitti solet, ut prouincia cu-

H 3

inspi-



in *spiam*, aut omnia, aut aliquot *Ptochotro-*  
*phia* adeat, atque inuisat. Si male gesti mu-  
neris praefectus conuincitur, ab officio remo-  
uetur, irrogata graui poena. Perigitur u-  
nusquisque sollicitus & diligens est, cum a-  
criter atque accurate, neq. sine periculo suo,  
rationes a se exactum iri sciat. Caeci, paupi-  
bus, quos Rex aut p. p. inquit alunt, haud an-  
numerantur, sed labore victum quaritant,  
& in molendis fruges & oryzae molunt,  
fabris folles eleuant, aliisue, ad quae perfici-  
enda oculis usus non est, negotijs occupan-  
tur. Si femina caeca, etate tamen stata sit,  
venale corpus prostituit, unde tot in lupa-  
naribus caecae degunt, ut peculiari capite  
ostendatur. Habent anum quandam, a qua  
comuntur, & pigmentis illinuntur, talem  
nempe quae iunior adhuc, & ipsa in prosti-  
bulo vixerat, ob senium posthac inutilis.  
Hac itaq. lege efficitur, ut nulli inopes, nulli  
famelici, nulli mendici, in vniuerso regno  
usq. locoru oberrēt, quāuis potētissimo, am-  
plissimo, & populosissimo, uti Augustiniana  
& Frāciscanae familiae sodales, aliq. eoru co-  
mites, cum in China essent, suis ipsimet ocu-  
lis viderunt.

HISTO.




HISTORIAE  
DE AMPLISSIMO RE-  
GNO CHINARVM, QVA  
multa admiratione & memoria di-  
gna, de ritibus eorum in regendis  
moribus, & administranda  
Republica, descri-  
buntur,

LIBER III.

De Regibus Chinarum, & eo-  
rum nominibus.

CAPVT I.

 *T* satisfaciam promissis, quae  
capite quinto libri primi feci;  
distinctè hoc loco agā, de Re-  
gibus Chinarum, eorum no-  
minibus, & successione, à Vitei vsque, primo  
gentis Principe: lectorēq, ad id, quod dixi,  
caput, remitto, in quo ostenditur, quot  
in vniuersum Chinarū Reges fuerint, quot  
à prima regni origine, ad nostra vsq, tēpora  
H 4 *sint*



sint clapsi, quis in successione ordo obseruetur. Primus Rex, Viteis fuit, ut ex historia, quam de ipso habent, intelligitur, quæ multam speciatim, de rebus ab eo gestis, mentionem facit. Hunc statura, nouem mensuras siue vlnas Chineses habuisse produnt, quarum una duas Hispanicæ Varæ seu cubiti communis tertias æquat. Unde constat, altitudinem eius fuisse, sex cubitorum; humerorum verò latitudo, spithamas, ut ferunt, septem habuit. Caterum, ut corporis, ita & rerum gestarum magnitudine insignem fuisse perhibent, habuisseq; secum quendam militiæ ducem, virum prudentia & sagacitate nemini secundum, cui nomen erat Linchieoni, ea imperterriti animi fortitudine, ut virtute sua, non solum Regnum Vitei pareretur, sed cunctis etiam eum formidabilem redderet. Vitei vestimentorum, colorum, nauium, velorum, & super omnia, architecture seu edificandi scientiæ inuenta, adscribunt, cumq; aiunt multa construxisse magnifica edificia, quorum memoria, quod eius nomen adhuc retineant, hodieq; duret. Molendina præterea serici excogitasse (quibus



bus tota passim regione uti solent ) primum  
etiam auro, argento, & auratis, argentatis,  
sericisq; vestibus ad cultum corporis esse u-  
sum, populum in vrbes, oppida, pagos discre-  
uisse, opificia instituisse, disertè precepto, ne  
quis aliam, quàm parens eius exercuisset,  
absque suo, aut caterorū magistratuum as-  
sensu ( qui quidem absque graui caussa præ-  
bendus haud esset ) factitaret artem: suum  
insuper cuique artificio peculiarem vicum  
adsignasse, qui mos hac in gente hodieq; ma-  
net, uti, qui nosse velit, quodnam opificum  
genus vicum aliquem, vel amplissimum in-  
habitet, quem ad caput vici habitantem o-  
pificem viderit, ceteros eiusdem via incolas  
omneis eandem tractare artem, neque vl-  
los, alterius artificij peritos, hisce immixtos  
esse nōrit: Inter alia hanc quoque laude di-  
gnam legem tulisse, ut uxores, aut eandem  
cum maritis artem tractarent, aut fuso &  
acu tempus transfigerent, eius seruāda adeo  
tenax, ut ne suas quidem coniuges ea solue-  
ret. Addunt, doctum eum, & Astronomiæ  
peritum fuisse. Item, si quandam herbam,  
quam in horto habebat, præterisset, certis

H s

qli-



quibusdam, ex ea, notis intelligere potuisse, quisnam purpuratorum malè in se esset animatus. Alia permulta de eo narrantur, quæ, ne prolixè recensendis impiorum huiusmodi somnijs atque ineptijs lectori fastidiū pariam, prætereo, atque sat esse existimo, si hæc in genere tantum referam, cætera legentium iudicio permittam. Viteis Rex è quaternis uxoribus viginti quinque filios sustulit, annisq; centum imperavit. Ex Viteis stirpe, ad eum usque, qui admirandum murum illū, cuius nono capite primi libri mentionem feci, construxit, centum & sedecim reges, ex annalium supputatione duob. millibus ducentis quinquaginta septem annis, Chinarū regno præsuere, quorum nomina, studio brevitatis, quamvis, ex ipsorum, ut dixi, monumentis collecta, omittam, eosq; tantum percensebo, quorum mentionem, ad ostēdendam Chinenſiū Regum, ad hodiernum usq; successionē, necessariam existimauero. Ultimus è familia clarissimi huius Regis Tzin-Zomus dicebatur. Is, à rege Scytharū diu infestatus, & multiplici clade adfectus multis locis murum, quē suprā descripsi, cōstruxit,

ter-



tertia populariū parte ad opus coacta, quorū  
 p̄multi, tūm longinquitate itineris, tūm di-  
 uersitate insueti aëris, interiēre. Quamobrē  
 TzinZomus, totius Regni odiū incurrēs, ex-  
 citato tumultu, à conspirantib. Chinis, unā  
 cum AguzZio filio, successore designato, cū  
 quadraginta regnasset annis, interfectus  
 est. Post utriusq. mortem, Regē China crea-  
 runt, quendā, Anchiosaum nomine, hominē  
 sapientē & magnanimū, qui duodecim an-  
 nis imperitauit: successorē habuit filiū, Fu-  
 tein, is septem annis Chinas rexit, atq. ad-  
 modum adolescens mortuus, Regnū uxori,  
 (q̄ eadē, qua maritus, regia gente orta erat)  
 reliquit, summa cū prudentia laude ab ipsa  
 administratū, sed absq. heredibus vita fun-  
 ctā, alia coniuge natus, quidā Anchiosai fili-  
 us excepit, viginti tribus annis, sceptro po-  
 titus: quē sequuti, filius Cunteis, annis sede-  
 cim, mensib. octo; nepos ex filio Huteis, annis  
 quinquaginta quatuor; pronepos Chianteis,  
 tredecim; abnepos Ochianteus, viginti q̄ng.  
 annis, mensib. tribus; atnepos Coanteus an-  
 nis sedecim, mensibus binis; trinepos TZen-  
 zeus, sex & viginti annis, quatuor men-  
 sibus; summam Reipublicæ tenuerunt.

TZen-



Tzentzei obitu principium Chinarum ad Auteum filium; huius morte, ad Pintateum est deuolutum, qui, quinto imperij anno moriens, id in TzinZamum fratrem transtulit; sed & hunc, tribus post annis & semestri in fata concedentem, alius fratrum, adolefcens, Huihannon dictus, excepit, sexennij Rex; filium habuit Cubum, qui triginta duobus annis vixit; Penteus Cubumo genitus, octodecim; Vnteus tredecim; Oteus septendecim annis, quinque mensibus; Lanteus, octo tantum mensibus; Anteus nouendecim annis; monarchiam tenuere. Anteo, liberorum vetustissimus Tanteus; huic post tres menses animam efflanti, Chiteus frater, anno uno, huic, tertius fratrum, Quanteus, uno & viginti annis; successere. Quanteo prognatus Linteis videnos binos, hunc secutus Lanteus, eius nominis secundus, unum & triginta annos, summæ rei præfuerunt. Lanteus, cum (ut Historia testantur) metis impositus videretur, populis exosus erat. Quidam itaque, consanguineis, Regis è fratre nepos, Laupis nomine, rebellionem contra eum captauit. Conspirauere cum Laupi, duo,



duo, in Aula, fratres, viri fortes, dignitate equestri (quorū uni Quanteo, alteri Trunteo nomen erat) eumq; ad regium dominatum euehere connitebantur. Patruus Rex horum quidem fiebat certior, sed ob ipsius oscitantiam & stoliditatem, dissidia & seditiones toto regno grassabantur, quod uno tempore, à quatuor Tyrannis diripiebatur (Cincoanus, Sofocus, Guansianus & Guanserius vocabantur) hos oppugnabat Laupis, & cum patruo sentire dicebat. Sed breui post pacem cum Cincoano inijt, unamq; filiarum eius uxorem duxit: ceteros tres, auxilio soceri, bello nihilominus persequutus est. Inde, alio tyrannidis genere exorto, in tres factiones regnum est discissum: Vna factio Laupin Regem attollebat: patruo iam mortuo, altera Sofocum, tertia Cincoanum, Laupi socerum, quæ dissensio longo tempore populum exercuit, donec tandem Cuiteus Laupi filius, patri succederet; sed & hunc tyrannus quidam, Chiambutus, tumultu excitato, interemit, & potentia sua Regnum totis iam unum & quadraginta annis, dissidijs laceratum, ad pristinam concordiam redu-



reduxit, impansq; solus annis viginti quinque, successorem habuit filium Fonteum, qui septendecim principatus explevit annos. Eum, ordine, per centum septuaginta sex annos, quindecim exceperunt Reges, quorum ultimum, Soleum, Tyrannus quidam Coteus regia eiecit. Quinque exinde à Coteo prognati, sexaginta duobus annis, Chinorum principes fuerunt, Postremo, Olane à Diane quodam occiso, Dian & quatuor posteriores ex eius familia Reges per annos sex & quinquaginta dominati sunt positi, quartus à Timo quodam in exilium pulsus est. Timus quinque sui sanguinis, uno & triginta annis, Reges numerat. Contra quintum tumultuatus est Tzuis, quem tres suae stirpis secuti Reges, septem & triginta annos exegerunt; postremus à Tonone pulsus est; cuius posteriores praeclare Rempublicam administrare, ideoq; diu sunt dominati. Nam viginti tres ex eo genere Principes, continua successione, ducentis nonaginta quatuor annis Chinam possederunt Ultimus eorum, Tzomon vocatus, quandam religioni dica-



catam fœminam, forma præstantem, nomine Bausam, è solitario ipsorum ritus conuenticulo abductam (ea prius, à Regis patre in matrimonio habita fuerat) coniugali lecto est dignatus, sed mulier, cum clanculum eum interficiendum curasset, annis uno & quadraginta, occupatum regnum gubernauit: Vita erat (ut historia docet) perquam impudicæ, cunctisq; optimatibus corporis sui copiam faciebat, neque his flagitijs exsatiata, ad explendam libidinem, obscurissimæ sortis ignobili cuidam, ut marito, nupsit: super hæc, prioris mariti filios, quoscunque adipisci poterat, è medio tollebat, ut nepotum suorum aliquem ad regnum eueheret. Hæc cum sentiret populus, pertæsus præterea, sceleratè viuentem reginam, quendam prioris mariti spurium, nomine Tautzonem, euocatum, uno consensu Regem creauit. Is nouercam, atroci, quam meruerat, pœna adfecit. A Tautzone intra centum viginti annos, septem



*Septem descenderunt reges, quorum vltimus, Couchiamus, Diano cuidam, vi coactus, potestate cessit. E Diani genere bini duodeuiginti tantum annis Chinis precepere. Alterum enim Outon quidam potentatu deiecit: Outonis posteri tres, quindecim annis imperarunt; tertius ab OuZimo dignitate exutus est; cui, & binis, ex eius genere, sequentibus Regibus per annos nouem, menses tres, Chinarum ciuitas paruit. ToZo, inde, cum filio quatuor eam annis occupauit, qui cum Anchio quodam prelio dimicans, superatus fuit; neque tamen Anchius, cum duobus, postea, sue prosapie Regibus, ultra decem annos, parua dominatione est latus. Nam contra nepotem eius coortus quidam e posteritate, primi Chinarum Regis Viteis, ZaiZon dictus, competitori mortem intulit. A ZaiZone septendecim Reges prognati, pacifice publicum statum moderati sunt. Cum Tepi horum postremo, ingentia magnus Tartarorum Imperator bella gessit, maximo cum exercitu Chinam inuasit, atque subegit vniuersam, quae totis inde nonaginta tribus annis a nouem Scytharum regibus*  
vi



vi-retenta, Tyrannica diraq̃, seruitute pres-  
sa fuit, Cùm tandem nonus è Tartaris, Chi-  
narum dominus Tzinzonius dictus, priores  
omneis crudelitate superaret, coiuere clan-  
culum Chinae, & Regem crearunt, Hombim  
quendam, virum illustrem, veterumq̃ Re-  
gum genere oriundum: Is, collectis grandi-  
bus copijs, viriliter Tartaros adortus, uni-  
uerso eos regno eiecit, amissis tamen multis  
vtrunque hominum millibus, cùm Tartari  
intoleranda peruicacia, tyrannicum istud  
imperium tueri & stabilire conarentur. Duo-  
decim ex Hombis progenie Reges deducun-  
tur, è quibus, undecim ducentis annis im-  
perarunt. Duodecimus hodie Rex est, Bono-  
gius nomine, fratris natu maioris morte (is  
enim equo excussus periit) regnum adeptus.  
Annos natus esse dicitur viginti duos; cūq̃  
notitia eius nulla dum habeatur, nihil ad-  
modum certi de ipso adferri potest, nisi quòd  
rumor est, eum splendidissimè vestiri, à sub-  
iectis diligì, uxorem habere, filium, & su-  
perstitem matrem. Hombis Regis posteris,  
multum terrarum eripuerunt Tartaris, ab eo  
tempore, quo è China eos exturbarunt, neq̃  
I ali-



aliter ab ipsis, quàm muro, de quo diximus, determinantur. Faxit pro sua clementia Deus Opt. Max. ut populi hi sacrosanctum ipsius cultum amplectantur, & quod Chinarum quodam oraculo contineri dicitur, eos, scilicet, à natione quadam procul ab illis disita, grandibus oculis, prolixis barbis, deuictum atq; in ditionem redactum iri (quibus utique notis, Christianos designari clarum est) veraci exitu comprobetur. Populareis tantis Regem suum honoribus colunt, ut in omnibus prouinciarum primarijs urbibus, in quibus non ipsemet Rex, sed proreges, & magistratus degunt, Regis effigies depicta, in tabula inaurata, & pretioso dependente aurei panni peristromate velata, conspiciatur: eam singulis diebus manè cum literati è nobilitate ( qui Loitij vocantur ) tum cetera officia omnia, uti fas est, venerantur, perinde ac si Rex coràm adesset: singulis præterea diebus numinum cultui sollemnibus seu festis ( qui singulorum mensium interlunio celebrantur ) tabula hæretæta, publico omnium conspectui exponuntur: Accurrunt oppidani, eum honorem  
ima-



*imagini Principis habituri, quem ipsi, si ad-  
esset, Principi, haberent, ut antè diximus.  
Rex, dominum orbis, & filium cæli, se de-  
nominat.*

**De Palatio & Aula Regis, &  
quòd nullus toto regno, præter v-  
num Regem à Chinis do-  
minus agnoscatur.**

## CAP. II.

**C***Hinarum reges in hunc usque diem,  
plerung, aut Taibini aut Suntia, Re-  
giam suam habuere. Urbes hæ in Paghia &  
Tolanchia prouincijs sitæ sunt, & ut sæpius  
indicaui, Scythiis proxima, à quæis hostiliter  
illi frequenter dissensere, uti bello fortè ex-  
orto, tanq̃ in locis opportunioribus, q̃ è re ef-  
sent, cōmodius omnia, & facilius admini-  
strarent, aut fortasse, q̃ horū tractuū aëris,  
regionisq̃ tēperies, salubritate ceteros ante-  
iret, & frugū èt, atq̃ reliquæ annonæ boni-  
tate superaret, ut ex vocabulo, Suntia, rectè  
colligitur: nam Suntia, ipsorū lingua, urbs  
cælestis, est. Hæc tantæ est magnitudinis,  
ut ab una eius porta, directò, ad alterā usq̃,  
I 2                      spatio*



spatio integri Diei, eques expeditus, pleno passu deueniat, præter suburbia, quæ & ipsa sunt amplissima. Alia permulta Chinæ recensent, de huius urbis amplitudine & opibus, tanto narrantium consensu, ut eorum expositiones nihil à vero alienum habere videantur. Non ciuibus tantum, sed etiam aulicis usque adeò frequens est, ut, si necessitas cogat, ducenta armatorum millia in campum producere possent, dicatur, mediam partem equites. In urbis introitu, ad ortum, amplissimum superbissimumq; exsurgit palatium, in quo maiorem anni partem degit Rex: Sed præter hoc, alia duo palatia visuntur, unum in umbilico, alterum in alia urbis regione extructum, quorum prius, tam grande, tam amplum, tam & pulchritudine, & raritate, admirandis rebus est repletum, ut vel à properante, minus quatrìduò prælustrari nequeat. Septem cingitur ingentibus muris, quorum singuli, tanto inuicem interuallo distant, ut vacua inter utrosque area militum decem millibus, (quæ cohors prætoria regis est) commodam stationē præbeat. Cænationes habet sexaginta nouem  
ope-



opere, magnificentia, arte admirabiles  
(in quibus multa spectantur mulieres, quæ  
nobilitum puerorum & purpuratorum loco  
Regi ministrant) alias præterea quatuor,  
splendore & structura incomparabili, audi-  
endis Regum & Principum exterorum le-  
gationibus destinatas, aut Chinarum pro-  
ceribus, si Rex fortè ordinum Regni conuen-  
tum agat, quod tamē perrarò fieri solet; vix  
unquam enim extra palatium conspicitur,  
imò ne à domesticis quidem, nisi interdum  
per vitreum aliquod speculari. Prima qua-  
tuor cænationum, è metallo insignibus scul-  
pturis elaborato, exstructa; secunda, lacu-  
naribus cælatis, tornoq; factis, pavimento  
argenteis laminis strato, ingentis præcij, vi-  
senda; tertia è puro puro auro, eximij operis  
encaustici, ex ædificata est: quarta magnifi-  
centia inestimabili cæteras omnes superat:  
evidens potentie opulentieq; magni huius  
Monarchæ argumentum: idèoque thesau-  
rus Regis appellatur. In ea preciosissima re-  
galis sella eburnea cernitur, aliaq; complura  
ornamenta præstantissima. Tota cænatio è  
pyropis constructa est, alijsq; gemmis adèò



nobilibus, ut obscurissima etiam nocte uniuersa colluceat atque resplendeat, perinde ac si accensis facibus illustraretur. Muri itidem e varij generis magnarumque virium preciosissimis lapidibus, insigni artificio structi atque elaborati sunt: ut rem omnem in pauca conferam, tanta est huius edificii dignitas, ut superbius aut magnificentius uniuersa China nullum suspiciat, cum, quicquid toto regno splendidum, quicquid ornatum reperiri potest, eo collatum atque congestum esse videatur. Dixi autem, cœnationes has, audiendis legationibus esse destinatas: Aut in prima igitur audiuntur, aut in secunda, aut in magnificentioribus, pro regum vel populorum legatos mittentium conditione, ita, ut tenuioris alicuius Principis oratoribus prima, mediocris, secunda, aliisque deinceps alia, excipiendis tribuantur: In hoc palatio Rex, omnibus, quaecumque vlla cuiusquam sagacitate his in terris victui humano, cultuique serai-entia, excogitari possunt, tam ad voluptatem, quam ad necessitatem, una cum Regina coniuge instructissimus, commoratur, rarissimeque aut nunquam potius eo egreditur, quod fieri aiunt  
anti-



antiqua quadam, atque à maioribus per manus quasi tradita consuetudine, quæ non minus religiosè, atque legitima in regno successio, obseruetur, non solum, ut auctoritas Regibus dignitasque sua constet, sed etiam quia metuunt, ne proditione aliqua, aut conspiratione in vitæ veniant discrimen, uti sepius factum est, & hæc quibusdam regibus caussa fuit, cur toto imperii tempore in publico nunquam conspicerentur, præterquam eo die, quo, suscepto diademate, inaugurati sunt, & eo, quo sollemne à gentibus suæ potestati subiectis, iusiurandum exegerunt. Quamvis aut ita, ut dixi, inclusi delitecant, perpetuò tamen decem millia prætorianorum pro salute Regis excubant, regium corpus atq; palatium, noctu & interdium custodiunt, præter ingentem numerum eorum, qui candelas, scalas, porticus, aliq; aule loca passim occupant. Sunt præterea illic multa pomifera viridaria, septa, nemoraq; venationi multiplicium omnis generis ferarum dicata, ingentia viuaria, piscibus plenissima. Quid multis? si quid usquam delectationis, aut amœnissimæ huiusmodi possessiones, aut copiosissimæ piscine adferunt,



*id verò hîc omnibus numeris absolutissimū  
reperiri, affirmare ausim. Vniuerso in re-  
gno, nullus vsquam locorum, qui territori-  
um aliquod, aut ditionem possideat, domi-  
nus agnoscitur: patriam tantum heredita-  
tem quisque adit, & mobilium rerum do-  
minium habet, & si quid præterea à rege in-  
terdum præmij & remunerationis ergò, be-  
nè de Republica meriti, ut prouinciarum  
Rectores, aut alij, alia de causa dono accipi-  
unt, eo fruuntur: omne tamen id à morte  
donatarij ad Principem redit (ut Turcis  
etiam mos est) qui, si libeat, reddit defuncti  
liberis, clementia potius, quàm iure. Sed hæc  
eò magis fieri videntur, ut confusiones o-  
mnes, quantum fieri potest, tollantur, &  
peruersis multorum moribus, & consilijs,  
quæ à potentioribus fortè ditioribusq; regu-  
lulis iniri atque agitari possent, obuiam ea-  
tur, quàm auaritia, aut alia ratione. Qui  
munera publica gerunt, siue Proreges, siue  
præsides, siue militum duces, siue cuiuscun-  
que conditionis sint, ea à Rege, stipendia ac-  
cipiunt, quibus, officio functi, facilius dite-  
scent, quàm depauperentur. Rex, præter se-  
ipsum,*



*ipsum, nullum alium, vniuerso in Regno, dominum tolerat, ne quis scilicet aduersus sese tumultus aut seditio excitetur, quemadmodum plerisque superiorum Regum accidisse, priori capite meminimus.*

De numero beneficiariorū,  
clientiū, aut tributariorum, Regiæq;  
ditioni subiectorum, in singulis  
quindecim prouincijs.

## CAP. III.

**C***Um hucusq; tam de harum terrarum amplitudine, quàm de innumerabili incolarum multitudine, complura tradiderimus, iam eò credibilia erunt, quæ de tributariorum singulis in prouincijs numero, adferemus, è codicibus rationarijs cōmentarijsq; Regijs, è quorum formula, quæstores ararij, tributa exigunt, excerpta, non adnumeratis etiam immunibus, quorum ingens multitudo, ut sunt, Loityj, qui vocantur, omnes: ministeria magistratuum, sanè quàm plurima, terrestris denique & nautalis exercitus vniuersus.*

I S

In



*In Paghia prouincia, tributariorum Regis numerantur, vicies septies centena quatuor millia hominum.*

*In Cantone, tricies sexies centena millia.*

*In Fochiene, vicies quater centena, septē millia.*

*In Olamia, vicies bis centena, quadraginta quatuor millia.*

*In Sinsaia: tricies ter centena, octoginta millia.*

*In Sisuamia, vicies centena, quinquaginta millia.*

*In Tolanchia, sede regis, & prouinciarum maxima, sexagies centena nonaginta millia.*

*In Cansaia, tricies quinquies centena, quinque millia.*

*In Ochiamia, tricies octies centena millia.*

*In Auchicone, vicies octies centena millia.*

*In Honane, duodecies centena millia.*

*In Sciantone, undeuigesies centena, quadraginta quatuor millia.*

*In Chichiene, vicies centena, triginta quatuor millia.*

*In Chieheama, vicies bis centena, quadraginta quatuor millia.*

*In*



*In Susuania, Prouinciarum minima, decies sexies centena, septuaginta duo millia.*

*Ex hac enumeratione ingentem utique tributariorum esse numerum, satis apparet, & quòd multis historia nostra locis, de regionum harum magnitudine prædicatur, verum efficitur. Vt igitur China, omnium totius orbis, quorum memoria exstat, regnorum, amplissimum est, ita faxit clementissimus Deus, uti sacrosancto ipsius cultus lumine illustrata, è Cacodemonis tyrannide eripiatur. 42554800.*

De vectigalibus, quæ ad dignitatis aulæque auctoritatem tuendam Regi penduntur.

## CAP. IV.

**Q**uantumuis regnum hoc adèò amplū, adèò opulentum sit: onera tamen tributorum, vectigaliumq; leuiora, & tolerabiliora longè sunt, quàm vsquā alibi locorū, siue apud Christianos, siue Turcos, siue cuiuscunq; nominis gentem, nobis cognitam.

Ma-



Maximum, quod pendunt, tributum est, quod à singulis patribus familiâs duo Maësi (duo Hispanici nummi Reales, vel nostrates quatuor bacij) singulis annis exiguntur: qua pensitatione, quicquid opum superest, siue hereditate, siue alias adquisitarum, immune totum possident & quocunque lubet modo administrant, posterisq;, nemine quidquam interpellante, relinquunt. At, licet onera usque adeò sint tenuia; Loitij, quorû ingens numerus, Magistratus, eorum ministri, belli duces, omnesq; militum copiae immunes sint: nihilominus tamen is Regni status, ea frequentia est, ut, quod tributorum in sumptus Regiae aulae, siue Palatinos, insumitur, quod vectigaliorum è mercimonijs, portorijs, alijsq; censibus in fiscum redigitur, eâ efficiat summâ, quæ è Regij scriniij rationariis exscripta hîc adnotabitur. Supra militum stipendia, impensam in præsidia urbium, limitumq;, in structuram item atque conservationem mœnium, factam, impendia etiam, terra mariq; instructissimam in classem & exercitum effusa, supra denique, magistratum, cuiuscunque gene-



generis, & publicorum ministeriorum salaria, quæ omnia de enumeratione nostra nihil detrahunt, Auri obryzi, septendecim aut eò plus, ad viginti vsq; duo siliquarum pondò, annuo redditu in ararium rediguntur, ut cum vulgo loquar, Taës (quorum unus decem nummos reales, siue viginti bacios nostrates, aut viginti quatuor Maravedinos Castellanos efficit) bis & quadragies centena, quinquaginta sex millia; argenti excocti, tricies semel centena, quinquaginta millia, ducenti nouendecim, addita pensitatione exacta è margaritis, quæ magno quidem numero, sed rotunditate parum conspicua, apud Chinas reperiuntur, & eorum, quos dixi, numorum, efficiunt vicies sexies centena triginta millia: vectigal verò gemmarum, quæ pluribus locis toto regno effodiuntur, quater decies centena, septuaginta millia: Moschi & succini orientalis, seu ambra, decies centena, triginta quinque millia; Vasorum, quæ Porcellana vocantur, nonaginta millia: multos in super patrimonii sui fundos, popularibus Rex elocat, tenui frugum imposita pensione. Quorum



rum reddituum numerus est, qui sequitur:  
Oryza communis, quatum China, tum finitimarum gentium pleraque viuunt, Regi penduntur, Hanegarum (ut vocant) centena sexaginta millia, & triginta dua: hordei, ducenties, nonagies ter centena, nonaginta unum millia, octingenta nonaginta dua: tritici (quod ab Hispanico nihil differt) trecenties tricies, semel centena viginti millia, ducenta: salis (quod è salinis regijs insigniter uberibus, prouenit) ducenties quinquagies ter centena, quadraginta millia, quadringenta: frumenti Indici (quod Maitzum dicitur) ducenties bis centena, quinquaginta millia: milij, ducenties quadragies centena millia: Panici, centies quadragies bis centena millia, aliorum cuiuscunque generis leguminum & frugum, quadringenties bis centena millia. Annuatim præterea censibus regijs adscribuntur, telarum serici, ducenta, nonaginta quinque millia, quarum singule in longitudine Varas habent quatuordecim, siue vlnas circiter nouem: serici inelaborati pondò quinquies centena quadragena millia: gossypij conglobati, trecenta millia:



millia: tapetum varijs coloribus intextorū,  
 octies centena millia, quadringenta: tela-  
 rum è serico inelaborato, quæ Chimante illic  
 vocantur ( quarum qualibet est pondò du-  
 centarum unciarum, siue dimidiata arro-  
 ba) trecenta millia sexcenta octoginta: stra-  
 gulorum xylinorum ( vlnis circiter nouem  
 in singula computatis ) sexcenta sexaginta  
 octo millia, octingenta sexaginta: reliquæ  
 tela gossypinæ, quæ Chimante dicitur, tre-  
 centa quatuor millia, sexcenta quadra-  
 ginta sex. Hi omnes redditus in palatij  
 aulaq; regie apparatus sumptusque con-  
 uertuntur, qui magnificentissimi atque  
 maximi sunt: adeò ut Chinæ, qui in Phi-  
 lippinas insulas veniunt, aliud penè ni-  
 hil, quàm illos, in ore habeant: & sanè  
 dictis ita inter se consentiunt, ut fides illis  
 deneganda minimè videatur.

Arroba  
 pōdus est  
 librarū vis  
 ginti quin-  
 que, attris-  
 butis cuius  
 libet li-  
 bræ, vncijs  
 sedecim.

De copijs, tam peditū, quàm  
 equitum in singulis prouincijs.

## CAPVT V.

QVædmodū magnò hic Monarcha, ingē-  
 ti cū seueritate & cura in id incūbit, ut  
 sum-



*summa cum æquitatis & iustitiæ obseruan-  
tia, per vniuersum regnum singulis ius red-  
datur: ita, & multò etiam magis rei bellicæ  
pquàm studiosus est, si fortè à vicinis Prin-  
cipibus, aut undecunque aliàs, subita vis  
ingruat, à Tartaris præsertim, antiquis ho-  
stibus, quibus tamen nostro tempore adèd  
formidabilis est, ut amicitiam ipsius magni  
faciant, certaq; etiam conditione eum pro  
domino agnoscant, licet nullum longo iam  
tempore, quod in ore hominum atque in ser-  
mone sit, bellū cum illis gesserit: sed, nihilo-  
minus in omnem euentum & occasionem  
paratus semper & armatus est, perinde, ac  
si complures potentissimosq; hostes metuere  
aut oppugnare cogeretur, ut expositio appa-  
ratuum, copiarumq; militarium postea do-  
cebit. Singulis in prouinciis præsidem, &  
concilium militare, Ducem exercitus, ali-  
osq; minores bello præfectos Rex habet, pe-  
nes quos populum ad arma conuocandi, &  
cogendarum terra mariq; copiarum, qua-  
cunque opus fuerit, potestas est. Cuiusque  
urbis custodiæ, ductores certi, cum militum  
copiis, præpositi sunt: qui noctu & interdum  
mili-*



militares urbicasq; excubias agunt, aequè,  
ac si hostes portis imminerent, magno ordi-  
nis, & disciplina militaris obseruanda stu-  
dio, qua herculè omnes alias terreni orbis  
nationes (in genere loquor, ex traditione  
Hispanorum militum, qui in his terris fue-  
runt, & ea, quæ dico, sæpè conspexere) insi-  
gni fortitudine roboreq; antecedunt. Conti-  
nuis, ut dixi, singularum urbium portas  
vigilijs, obseruant, nemine, nisi magistra-  
tus descripto mandarint, aut emisso aut in-  
tromisso. Cludunt aperiuntq; eas iussu &  
præcepto ducum, qui huiusce rei causâ sin-  
gulis diebus tabulam gypso obductam, ma-  
nu sua subscriptam ad ipsos mittunt: potis-  
sima illic ciuitatis virium pars, arma, tor-  
menta, tela, ad manum parata sunt omnia.  
Singularis portis adiunctum est armamenta-  
rium, in quo ingens hominum multitudo  
fabricandis huiusmodi armamentis, conti-  
nenter distinetur. Quotiescunque illas ve-  
speri occludunt, crassam quandam chartam  
commissuris adglutinant, eam prorex, aut  
præses annulo quem digito gestat, obsignat,  
aut ipse, aut, cui id negotii commiserit, quis-  
piam

K

piam



piam, maxime apud ipsum fidei: crastino  
haud aperiuntur, nisi explorato sigillo, certò  
prius constiterit, immutatum id esse, atque  
ille sum: si cui tempestivius fortè iter incide-  
rit, is eam ob rem, antecedenti vespere, in  
suburbio pernoctat, cum ante exortum so-  
lem porta minimè pateant. Arces aliæ  
munitionum genera nulla habent, sed ag-  
geres tantum ingentes, & muros, quos per no-  
ctem militari custodia servant, vigilibus  
ad ternas quasque horas, inuicem mutatis,  
ut & apud nos fieri solet: ipsi porrò magi-  
stratus identidem vigilias circumeunt, eas-  
que uti & aggeres, intus & extrà, magna  
militum turba comitante, diligenter perlu-  
strant. Exercituum duces ex ea quisque, ut  
plurimum, regione oriundus est, cui custo-  
dienda est præfectus, quòd amor patriæ, vel  
ad vitam pro ea effundendam, incitaturus  
esse ipsum videatur. Nemini ullo cum telo,  
aut armorum quocunque genere esse licet,  
ne domi quidem, aut terra vel nauigio iter  
facienti, præterquam militibus, qui à rege stipen-  
dia accipiunt. Præter hæc provinciarum sin-  
gularum præsidia, ingens equitum & pedi-  
tuum



rum numerus, aut Taibini aut Suntie (in  
queis legitima Principis sedes) finitimisq;  
in urbibus, à rege alitur, ut quemcunq; ad  
casum, si opus sit, adiri præstog; esse possint.  
Militum duo genera sunt, unum (CVM  
Chinarum lingua appellatum) eorum, qui  
ex urbe aut regione, quam tuentur, origi-  
nem ducunt: illi iure hereditario sibi inui-  
cem in eo munere succedunt: sin heres nul-  
lus sit, à rege alius sufficitur: Quisq; horum  
nomen suum, pinnae muri, cui contra hostes  
patriæ defendendo est præpositus, inscribere  
cogitur. Alterum genus est, extraneorum  
(PON ab indigenis vocitatum) hi excubi-  
as, aliaq; solita bello munia obeunt, atq; an-  
nuatim aut menstruatim mutantur: mili-  
tatum eunt, quoties id ab ipsis opera exigi-  
tur: singulis mille, Chiliarchus, centum,  
Hecatontarchus seu Centurio, cum suo quis-  
que vexillifero, præsunt, qui imperatori pa-  
rent. E signis itaq; & ductoribus, quàm grã-  
dis exercitus sit, collectu facile est. Cuius  
horum maiorum minorumq; ducum, suum ppè  
mœnia domicilium, sua defendendi muri  
pars, nominatim est assignata, ubi ad finem

K 2

vsq;



usque belli ille permanet. Singulis mensibus  
semel, etiam pacis tempore, duces militem in  
campum educunt, ad tympanorum pulsum,  
ordines servare, gradu militari decurrere,  
remissius incedere, hostem incurfare, ceden-  
do ludificari, varij generis arma, sclopeta,  
lanceas, parmas, bipēnes, clauas, enses quos-  
dam, forma dimidiatae lunae incuruos, sicas,  
pugiones, tractare docent. Equites hastis ut-  
untur, ephippio dependentibus, interdum  
duobus simul gladijs pugnant, solerter ad-  
modum atque animosè; cum impressionem  
in hostes faciunt, multos circum se habent  
ministros pedites benè armatos, qui quan-  
tū possunt, diligenter suam stationem tue-  
ri conantur. Tām equites quàm pedites, bel-  
licarum artium perquàm periti, quamvis  
hostem alacriter inuadant, aut irruentem  
sustineant, varijs tamen insuper stratage-  
matibus, machinisq, igniuomis, cum terre-  
stribus, tum naualibus in praeliis, sclopis itē,  
breuibus & amplis, quos globulis denticu-  
latis multoq, puluere onerant, insigni sepe  
clade hostes afficiunt. Equitum etiam, qui-  
dam sagittarij sunt, quidam, lāceis, &  
duo-



duobus simul ensibus decertant, quidam sclopettarij sunt. Alio frani genere equos non regunt, quàm filo quodam ferreo, ori inserto, sed incommodè admodum. Quando equos sistere volunt, alterum retinaculum retrò attrahunt, voce adhortantur, anteriores pedes cadunt, atque adeò neque selle, neque equi magni sunt precii, neque gens rei equestris admodum est perita. Ingētem præterea multarum navium classē, suis cum ducibus & præfectis Rex habet. Tàm terrestribus quàm navalibus copiis optima à Rege stipendia præbentur, qui ante alios eximium bellicæ virtutis specimen ediderint, maximo in honore habiti, occasione data, magnificis præmiis afficiuntur. Captivi neque occiduntur, neq; aliud quidquam redēptionis nomine ab ipsis exigitur, quàm quod alicubi, ad fines Regni, procul à patria disitos, militare coguntur, iisdem acceptis stipendiis, quæ cæteris militibus à rege numerantur. Vestibus etiam à cæteris Chinis nihil differunt, uno excepto, quo à reliquis internoscuntur, pileo rubro: eo unà cum aliis, qui ob facinus aliquod tuendis finibus

K 3

impo-



*imponuntur, capita operiunt, atque in facinorosos sanè frequens hæc animaduersio est: unde hæc sententia pronuncianda formula: fontem ad rubrum pileum, aut galerum, condemnatum esse.*

**De militaribus equitum & peditum copiis, in singulis prouincijs Regni Chinarum.**

**CAP. VI.**

**C***Um priori capite (in quo generatim de Regno Chinarum sum loquutus) ostēderim, quanta sollicitudine, utroque tempore, belli & pacis, China ciuitatem suam tueantur, & quomodo rem militarem administrent: nunc iam speciatim singularum prouinciarum copie militares enumerande sunt: Vnde amplitudo regni, satis, opinor, intelligetur. Quelibet primaria vrbs, senatum habet militarem, cum præside, delectos è viris, in Castris atq; inter bellicos tumultus educatis, & quorum virtus militie cognita; his tuende prouincie cura incumbit: Ductores militum appellantur, sub*



se praefectos habent complureis, alijsq; omnibus, ad bellica munia ritè obeunda necessarijs, sunt perinstruēti, & quocunque res postularit, sine mora abeunt. Quaestores Regij, vectigaliumq; praefecti in mandatis habēt, ut illis, quicquid postularint absq; tergiversatione aut procrastinatione ulla, statim supeditent. Numerus militū in singulis provincijs, tū cūm P. Martinus Herrada, eiusq; comites, anno virginiei partus M.D. LXXV. in China essent, quā tūm temporis, pace undiq; à finitimis parta, nullis exagitabatur bellis, hic fuit.

In Paghia prouincia, legitima sede Regis, erant; peditū, vicies semel centena, quinquaginta millia: equitum, quadraginta millia.

In Cantone; peditum, centum & viginti millia, equitum, quadraginta millia.

In Fochiene; peditum, quinquaginta octo millia nongenti: equitum, viginti duo millia, quadringenti.

In Olamia; peditū, sexaginta sex millia: equitum, viginti quinq; millia, quingenti.

In Sinsiaia; peditū, octoginta millia: trecēti, eqtes ppauci, aut nulli potius, qā regio est aspera & montosa.

K 4

In



*In Ochiamia; peditum, centum & viginti millia, sexcenti; equites nulli, eandem, quam prius dixi, ob causam.*

*In Sisuamia; peditum, octoginta sex millia; equitum, triginta quatuor millia, quingenti.*

*In Tolanchia, Tartaris finitima, quibus China nihil fidunt, ut diximus; peditum, vices octies centena octo millia: equitum ducenta nonaginta millia. Hi omnium totius regni equitū sunt bellicosissimi & praestantissimi, & in ipsis adeo castris atque militia nati & educati, superioribusq; temporibus, saepe cum Tartaris conflixerunt, & manus conseruere.*

*In Canfaia; peditum, quinquaginta millia; equitum, viginti millia, ducenti, quinquaginta.*

*In Auchicone (in qua ii, quos modò nominavi, religiosi institutis dicati viri fuere) peditum, octoginta sex millia, equitum, quadraginta octo millia.*

*In Honane; peditum, quadraginta quatuor millia; equitum, quatuordecim millia, quingenti.*

*In*



*In Sciantone; peditum, quinquaginta duo millia; equitum, octodecim millia, non-genti.*

*In Chichiene; peditum, quadraginta octo millia, sexcenti: equitum, quindecim millia, trecenti.*

*In Chichieama; peditum, triginta quatuor millia: equitum, tredecim millia.*

*In Susuana, prouinciarum minima; peditum, quadraginta millia: equitum, sex millia.*

*Cuilibet prouinciae suae hic, quem recitauimus, è vetere Regni formula, militum numerus praefinitus est: quod factum nequam est difficile, cum regia stipendia certa sint, atque ad diem numerentur: & quisque militum in patria, penatibusque suis degat: bonis etiam rebusque suis omnibus, ut libuerit, utatur, fruatur, etsi interdum ipsi eò abeundum sit, quò dux, necessitasque ire iusserint. Summa itaque militum, in omnibus prouincijs, quarum singula ob magnitudinem, Regna meritò dicerentur, ex hoc calculo conficit: peditum; quinquagies octies centena, quadraginta sex millia, quingen-*

*K 5*

*tos:*



tos: equitum; nouies centena, quadraginta octo millia, trecentos, quinquaginta. Equi plerumq; exigui, sed laborum tolerantes sunt. Aiunt tamen interius, atq; in mediterraneis regni, maiores, melioresq; reperiri. Non dico hic, quomodo benignissimo numinis auxilio, tanta gentis huius potentia immitti aut euerti posset, quod certè absq; ingentis labore, atque singulari industria fieri nequeat: neque enim ad historiam nostram hoc. & ego ea de re, cum eo, cum quo debui, accuratè satis egi.

De lege seu statuto Chinarum, quo, extra Regni sui fines bellum gerere, ex eo aliò se conferre, & exteros, absque cōsensu Regis in id admittere prohibentur.

## CAPVT VII.

**Q**uamuis è multis constitutionibus & consuetudinibus Chinarum, insignis eorum ingenij, iudicijq; dexteritas & solertia, atque præclara regendi status publici  
ra.



ratio, satis animaduertatur, id tamen mea opinione, magis etiam ex eo confirmabitur, quod hoc capite referam: in quo sanè Grecis, Carthagenensibus, Romanis denique ipsis, tametsi recenti & vetusta literarum memoria tantoperè commendatis, longè anteferendi videntur. Nam ij, quos nominavi, populi, patriæ, suarumq; ciuitatum cura seposita, alienis imperijs, dùm inhiarent, sua ipsi amiserunt. China verò aliorum periculo facti sapientes, experientia docente agnoscebant, si è patrio regno peregrinas ditioni suæ subiecturi gentes, discederent, nō ingenti solum hominum multitudine, opibusq; infinitis, sibi ad eam rem opus fore, sed etiam sine ingenti suo labore, summaq; sollicitudine, quos potestati suæ subiecissent populos, in officio minimè retentum iri, perpetuò, insuper, occupata amittendi, cruciante metu: Præterea dum ipsi foris aliena appetendo, sumptus factos resarcire conarentur: interim domi Scythis, aut aliis finitimis Regibus, præda se futuros. In animum etiam inducebant; sese regnum possidere, quibusuis aliis totius orbis regio-



regionibus præstantius, non ob immensas  
modò diuitias (quòd auro, argento, marga-  
ritis, gēmis insigniter adfluat) sed cum pri-  
mis etiam ob summam fertilitatem; inde  
effici, ut, cū aliæ gentes multis in rebus  
ipsorum ope atque opibus indigeant, sibi ta-  
men earum auxilijs aut copijs, nullam ad  
rem sit usus, quod omnibus ad victum cul-  
tumq; necessarijs, ipsimet, suprā, quā dici  
possit, abundant. Conuentu itaque indicto,  
& conuocatis omnibus, qui prouincijs pro  
Rege præsidebant, alijsq; regni primatibus,  
deliberarunt, quo nam pacto huic malo cō-  
modissimè obuiam irent. Multis autem  
ultrò citroq; magna cum sagacitate & pru-  
dentia, agitatjs consilijs, auditisq; omni-  
um & singulorum sententijs, reppererunt è  
Republica maximè futurū, uti exterarum,  
quas occupassent, regionum imperium pla-  
nè abdicarēt, suosq; extra fines bellum post-  
hac nullum gererent, è quo utiq; in certa lu-  
sri & dubia spe, certius sæpè damnum pro-  
ueniret. Quamobrem communi tū con-  
sensu decreuerunt: orandum Regem, copias,  
quas in præsidijs hinc inde apud exteras  
gen-



gentes bello subactas alebat, domum omneis  
atque ad se reuocaret, si quidem ei, sua, com-  
munium rerum, totiusq; populi salus, opes,  
securitas, tranquillitas, cordi essent. Rex  
auditis ciuium suorum postulatis, cum, re  
considerata, aqua ea, & prudentia plena iu-  
dicaret, adensus est, & continuo, graui cō-  
stituta pœna, beneficiarijs, ceterisq; subie-  
ctis imperio suo omnibus, quicunq; in pere-  
grinis nationibus belligerabant, edixit, uti  
certum intra definitumq; tempus, omis-  
si huiusmodi bellis, in patriā redirent. Iis et-  
iam, qui peregrinis gentibus bello captis, suo  
nomine cum potestate præerant, ea planè  
abdicata, inde euestigiò discederēt, impera-  
uit, exceptis solis ijs, qui spontè & volunta-  
riò pro domino ipsum agnoscere, & sacra-  
mento teneri vellent, quod Lecchij, alijsq;  
quidam populi factitarunt: postea legem tu-  
lit, in hunc vsq; diem inuiolatam, neu quis  
vllum inceptaret bellum, neu quocunque  
alio è regni finibus abiret, nisi aut ab ipso,  
aut à consiliarijs abeundi veniam obtinuis-  
set; imò, qui intra ipsius Chinarum principij  
limites, ex vna prouincia in alteram iter  
face-



facere, aut mercaturis faciendis rem quære-  
re vellent, ij, vadibus datis, aut aliàs idoneè  
cauerent, intra certum tempus sese domum  
redituros, qui secus faxit, natali solo, com-  
munisq, patriæ libertate & priuilegiis o-  
mnibus priuaretur: deniq, ne quis, nisi aut  
ipse met, aut magistratus, portubus, limiti-  
busq, regionum præpositi, disertè id permi-  
sissent, peregrinum quenquam in regnum  
admitteret, sanxit. Quamobrem cum con-  
stitutiones hæc tam arctè hæcenus atque di-  
ligenter fuerint obseruata: nulla certior ple-  
niorq, harum terrarum peruestigatio insti-  
tui potuit, usque ad paucos abhinc annos.  
Et his quidem, quæ iam diximus, eò facilius  
fides adhiberi posse videtur, quoniam in hi-  
storiarum apud ipsos monumentis, potissi-  
mum in antiquis eorum itinerariis seu na-  
uigationum veterum tabulis expressè repe-  
ritur: Chinas nauigationib. suis classibusq,  
perlustrasse, ditioni suæ subiecisse, atq, posse-  
disse vniuersum, inde ab regni sui limiti-  
bus, terrarum tractum, ad extremos usque  
Indorum terminos, usq, dum, eo, de quo di-  
ximus, gentis placito, omni in exteros domi-  
natione



natione ultro abdicata, domum sunt reuer-  
si. In Philippinis enim Insulis, quò Hispano-  
rum colonia nuper est deducta, multa su-  
persunt de Chinis indicia atque monumen-  
ta, & in tractu Coromandelensi, qua is uno  
latere, mare versus, Narsingæ Regni, propè  
Bengalam fines attingit, locus est, Castrum  
Chinarum appellatus. Id enim ipsos extru-  
xisse opinio est. Simile eorum mnemosynon  
in Regno Calechutiensi exstare dicitur:  
multas etenim ibi arbores, & plantas na-  
sci aiunt, quas à Chinis illuc delatas atque  
seminatas esse, cum earum regionum do-  
minatum tenerent, incolæ referunt. Ne-  
que permulta etiam desunt argumenta,  
quæ Chinas eadem fermè atate, Malacæ,  
Sianæ, Chiapæ, & finitimarum regio-  
num, Iaponis quoque dominos fuisse atte-  
stentur, præsertim, cum Iaponi, moribus  
ritibusq;, cum Chinis penè conueniant, &  
quasdam etiam obseruent leges, quarum Chi-  
nis usus est. Sed tamen tam arctè decre-  
tum hoc custodiri non solet, quin portu-  
um stationibus præfecti, largitionibus &  
donis corrupti mercatoribus interdum  
clan-



clanculum permittant, uti è regno abeant,  
atque apud exteros & in vicinis insulis ne-  
gotientur. Quamobrem multæ quotannis  
nauces, preciosissimis onustæ mercibus, in  
Philippinas insulas appellant, & iam in  
Hispanias etiam aliq̃ ad emporia, ingentis  
lucri faciendi spe, penetrant, cum antehac  
per illos, nemini è regno discedere liceret,  
nisi qui prædijs prædibusq̃ cauisset, intra  
anni spacium sese reuersurum. Eodem mo-  
do, pariq̃ solertia, peregrinis etiam negoti-  
andi causâ eas terras ingredi permittitur,  
tametsi limenarchæ diligenter prius inqui-  
runt, quibus è locis eò venerint, veniamq̃  
hactenus eis dent, ut ne in urbibus hinc in-  
de obambulēt, ne secretiora ipsorum curiosè  
scrutentur. Exemplar permissionis huius  
gypsata tabula inscribunt, quam negotiato-  
res de nauigij prora adpendunt, ne ubi sta-  
tioni successerint, à militari custodia tor-  
mentis oppressi demergantur, sed liberè in-  
gredientes, negocia exerceant, vectigali ta-  
men, & portorio, quod Regi debetur, exsolu-  
to. Quolibet in portu, aduentantibus naui-  
bus, scriba à præfecto designatus, præstò est;  
is



is diem horamq; aduentus earum adnotat, ut & incolæ & exteri onustis denuò nauibus ad discessum se expediant, eo, quo in portum venerunt, ordine, qui modus, arcta adeò obseruatione custoditur, uti, licet interdum maiorum minorumq; nauium, ad duo millia uno in portu sint, omnes tamen, tanta cum celeritate, tantoq; silentio expediantur, ac si unica tantum nauis adfuiſſet. Hoc præſectorum consensu, ijs, quas indicauit, rationibus, impetrato, freti Lusitani, ex India Cantonem negotiandi causâ, aliaq; Chinarû Regni loca hætenus petière, quod ex ipsis adeò Chinis cognitum est.

De senatu Regio, quemq; is obſeruet morem, quo singulis mensibus, quicquid toto Regno acciderit, cognoscat.

## CAP. IIX.

**R**Ex in vrbe Taibino (in qua cum Aula degit) senatum habet duodecim virum;



*rūm: hi delecti sunt è toto regno, multisq;  
antèa diuersis muneribus publicis functi.  
Et hæc quidem summa in Chinarum terris  
dignitas, summus honos est, quo quis affi-  
ciatur. Nulli enim ibi Reguli, nulli Duces,  
nulli Marchiones, nulli Comites, nulli deni-  
que cuiusquam territorij domini sunt, præ-  
ter solum Regem, filiumq; eius Principem.  
Sed hi consilij regij senatores, & prouincia-  
rum Proreges seu Propresides, loco regulo-  
rum, membra quasi regni sunt, neq; quam-  
diu officijs suis præfuerint, minori habentur  
in dignatione atque autoritate, quàm apud  
alias gentes, ijs, quos recensui, titulis insig-  
neis. Viro ad regij senatoris dignitatem eue-  
hendo, non multiplex solum rerum experi-  
entia, sed etiam, Iuris, legumq; Regni, Phi-  
losophiæ, de natura, & de moribus, Astrolo-  
giæ, eius præsertim, quæ futuris euentibus  
inuestigandis occupata, Iudiciaria nuncu-  
patur, exacta cognitio necessaria est, uti sci-  
licet artis huius ope, futuros casus eò citius  
præuideat, & ad quæcunq; omnibus in pro-  
uincijs, euenta, quid è re videatur, in medi-  
um maturè cōsulat. Prouinciæ enim à Regij  
sena-*



senatus auctoritate omneis dependent. Duodecim viri isti, Curiam suam de more habent in atrio quodam Regij Palatij, magnificè ad id instructo. In eo tredecim sedilia sunt, sex aurea, totidem argentea, omnia opere, sumptuq; eximia: tertiumdecimam, & ipsum aureum, sed ceteris preciosius, quod fulgentibus gemmis undiquaque interpositis elaboratum sit; in medio ceterorum consistit, sub umbella, facta è tela magni precij, in qua regia insignia acupicta visuntur; ea sunt, angues quidam, ex aureis filis contexti. Sella huic senatus Præses insidet, nisi Rex ipse in Curiam venerit, qui si adsit (quod rarissimè tamen fit) tùm præses primam, in ordine, ad regis dextram, auream sedem occupat; in ceteris tam aureis quàm argenteis, reliqui adseffores confident, temporis habitatione, ita ut præsidi mortuo, qui prior ceteris inter consiliarios fuit adscitus, in præsidatu succedat, huius stationem is occupet, qui proximum antea ab eo subsellium tenuerat; isti succedit tertius, & sic deinceps. Tùm verò eodem etiam modo, ad sinistram, argenteorum sedilium ordines

L 2

inui-



*inuicem mutantur, ita, ut eorum, qui argenteis sellis insident, Senator veterrimus, à leua in dextram, transeat, relictoq, argenteo, aureum extremum subsellium teneat, ceteri itidem mutua sese successionē excipiunt. Quoties senatorum quis moritur, succedit ei, qui viuo proximè adsederat, & sedili defuncti, nihil prae monitis neq, Rege, neq, praeside, insidet. Demum extremā in sedem vacuam is locatur, qui praesidis & adsefforum votis senator creatus fuerit; magnaq, honestatis & integritatis cura, is deligitur, quem omnium suffragiis tantum ad honorem aptissimum, eoq, dignissimum esse constiterit. Si designatus senator prouinciarum alicui cum imperio praest, ideoq, absens accersitur, si in vrbe est, ad regem adducitur, Rex de hac sublectione certior factus, recens creatum, uti libuerit, aut adprobat, aut honore indignum pronunciat, quod tamen nunquam penè fieri solet. Tum verò ille recens designatus senator sollenni caerimonia, in manum Regiam iurat, quemadmodum mores ipsorum habent; ius & iustitiam, ex legum, constitutionum, atque statutorum Regni*



Regni præscripto, summo studio sartam te-  
ctam se custoditurum, cum suum cuique tri-  
buendo, tum Proregibus seu Reſtoribus pro-  
uinciarum, ceterisq; magistratibus nomi-  
nandis: neq; vlla in re priuati amoris odiue  
rationem habiturum, neque per se, neque  
per alios, largitiones vllas aut dona capta-  
turum, aliaq; huiusmodi: in super, nunquam  
vlli contra Regem inito consilio aut conspi-  
rationi, aures præbiturum, quocunque mo-  
do tale quid resciscat, cōtinuò ad regem aut  
senatum omne relaturum, salutem Reipub.  
incolumitatem Principis modis viribusq;  
omnibus curaturum esse. Præstito iureiu-  
rando, in curiam adductus in sedili vacuo,  
ad leuam, magna cum sollennitate colloca-  
tur. Inde per dies aliquot festæ latitiæ spe-  
ctacula, tam à consiliariis, quàm à ciuibus  
& aulicis tota vrbe eduntur, tabernæ mer-  
catorum atque opificum, omiſſis negotiis, o-  
perisq; omnibus clauduntur. Si res aliqua  
inciderit, de qua cum Rege agendum sit, ne-  
mo id facit, nisi solus Curie præses, aut si is  
morbo impediatur, è collegio senatorum an-  
tiquissimus, qui proximus à Præsede subſel-



lio aureo infederit. Ad Regem verba facturus, maximam partem, in genua submissus cum alloquitur, oculos, interim ad terram defixos, nequaquam attollit, quamuis ultra duas sæpè horas negotium ptrahatur. Proreges, Rectoresq, prouinciarũ, ceteraq, minora officia, militũ itẽ ductores, iisdem moribus regem adfantur, senatus singulis mē-sibus resciscit, quicquid vniuerso in regno maioris momenti acciderit: imò de omnibus potius, quæcunq, contigerint, certior fit. Nã, qui prouincijs præsumt, id expressè in mandatis habent, vt menstruatim de sue quisq, prouincie negotijs, sigillatim continuò quæcunq, opus fuerint, ad senatum referat, siue ad bella, quid, siue ad publicũ regni & prouincie statum, siue ad vectigalia regia, siue quocunq, tandẽ pertineat: quibus præceptis vsq, ad eò diligenter & sollicitè omneis parent, vt, quantumuis prouinciarum aliqua ab aula ad quingenta milliaria distet, præstituto tamen tẽpore nuncij per dispositos celeres equos, ad condicũ eò aduolent; quiq, primi venerint, ceteros ad postremum vsq, expectãt, vt vno scilicet, eodemq, tempore,  
lite-



litteras & mandata expediant, quāvis, qui longissimè ab aula distant, operam dent, ne quidquam ijs, qui propius ab ea absunt, concedant, sed tam diu nunc hos, nunc illos veredarios ocysimè dimittunt, donec tandem alteri in alteros incidant. Eadem apud illos veredorum ratio est, quæ apud Italos & Hispanos, quoq; citius aduentantes præsentantur, cornua inflant, & tintinnabula pectoribus equorum adpendunt, ut veredorū præfecti, equos in tempore frenent, & nauæ, si flumine (ut sæpè fit) iter faciendum sit, paratas ad manum naues habeant. Nunciis in senatu auditis, Curia præses summam omnium, de quibus senatus certior factus est, ad regem sigillatim refert; Rex, unà cum senatu, exinde, quod è re videtur, decernit. Si magistratum quempiam, ad explorandam eam, de qua in senatu actum est, rem, ablegare necesse fuerit, is continuò nominatus, dimittitur: legatus in cuncta sedulò inquit, idq; tam secretò, ut ne urbis quidem, nedum regionis eius, in qua hac actitantur, incolæ, quidquam sentiant.



*Sed cum de his sequenti capite plura dicturus sim, hoc tantum paucis addam: Regem solum, maiestatis & dignitatis suae, omniumq; adeo rerum velle arbitrum esse, atque monarcham summum: ita, ut quamuis tanta Regni amplitudo, tot sint, quot recensui, prouinciae & vrbes, nemini tamen magistratum capitali poena quemquam afficere liceat, absque Regis & Curiae consensu, praeterquam belli tempore, quo, quod forte periculum in mora esset, exercitus duci, aut fiduciarum operam obtinenti, contumaces milites capite aut suspendio punire permisum est, etiam nesciente rege, conscio tamen Regio quaestore, aut equitum magistro, qui duo, permagna sunt auctoritatis, adeo, ut illis inter se dissidentibus, lata in hominem supplicij ultimi sententia executioni mandari nequeat.*

De officijs Palatinis, Rectoribus  
Prouinciarum, & modo  
gubernationis Rei-  
publicae,

Cap.



**S**uprà diximus, Paghiam & Tolanchi-  
sam prouincias, pro summo magistratu,  
alium neminem, quàm senatum agnoscere.  
Ab eo ceteri minores earum regionum ma-  
gistratus creantur. Ceterarum tredecim  
prouinciarum, singulis cum imperio præest  
quidam, Insuanto, Chinarum lingua dictus  
(Propresidem vocare possis) secundus à Pro-  
rege, is metropolin prouinciæ (unde regioni  
plerumque nomen est) incolit. Atque sanè  
etsi omnia Regni officia, omnes Iuri dicundo  
prepositi, cuiuscunque conditionis sint, in  
genere Loity vocantur, peculiare tamen in-  
super ab eo quisque, quod gerit, publico mu-  
nere, nomen habet: neque ineptè facturus  
videor, si huiusmodi nomina hoc loco reci-  
tem. Prorex cuiuslibet prouinciæ à rege con-  
stitutus, primarium & summum inter Pa-  
latina officia locum obtinet. Is Comon ab  
ipsis nūcupatur. Secundus ab eo est Insuan-  
to seu Propreses, Proregi authoritate prope-  
modum par. Intutuanus rector est ciuita-  
tis, cui Prorex aut Propreses, ipsimet non  
presunt. Atque hic grauioribus de rebus,  
L s quæ



quæ in administrationem muneris sui incidunt, ad Insuantonem, Insuanto continuo ad Comonem refert, Comon per dispositos celeres equos ( ut priori capite diximus ) in Aulam statim denunciat. Tertio dignitatis gradu conspicuus, Ponchiasî dicitur: Is quasi præses est eius collegij seu consilij, cui regionum vectigalium, & reddituum prouinciæ cura subiicitur. Habet enim adiunctos consiliarios & Adseffores, ministrosq; complureis, præsertim apparitores quosdam, qui tributa vectigaliaq; Regia in prouinciis cogunt: quæ ab ipsis accepta, Ponchiasî Tutuano reddit, detractis tamē prius singulorum magistratuum, regionumq; ministrorum, quæ ipsis regis nomine ille dependet, salarijs, & sumptibus tam necessariis, quam aliis. Quarta dignitas Imperatoris est, tam equestrium quam pedestrium copiarum, in prouincia: Tolocus is vocatur. Quinta est, Anchiasî, rerum forensium, & capitalium & civilium, summi iudicis seu Prætoris. Iste cum adsefforibus aliquot, sententias à minoribus iudicibus iurisdictioni suæ subiectis, latis, à quibus ad ipsum est prouocatum, recognoscit, & retractat.



*Etat. Sexta est, Præsidis concilij militaris; cuius officij est, populum ad arma conuocare, naues undique parare & cogere, commatu, munimentis, armis, classẽ instruere, ne quid horum, præsidiariis, ne quid limitaneis militibus vssiam desit, prouidere: peregrinos etiam, qui in prouinciam venerint, excutere, ab eis, unde, aut cur eò venerint, exquirere, & alia id genus: & quæ de illis intellexerit, eorum proregem in continenti certiorẽ reddere. Sex hæc publicorũ munerũ genera maxima sunt dignationis, neq; minori in existimatione habentur, ij, qui huiusmodi magistratibus à ministeriis esse solent. Habet insuper singuli isti magistratus, adiunctum sibi collegium decem adscessorũ, viros insigni cura delectos, qui laborũ partẽ sustineant. Quinq; ex his (ubi in Curia cõuenerint, in ædib. proregis, in quẽs singula senatorũ collegia, suũ habent magnificẽ instructũ senaculum) ad Præsidis sui dextrã, quinq; ad sinistrã confident: dextimi atate, autoritate, dignit. sinistimos antecedũt: & ab illis hoc modo distinguũtur, q̃ Zonas auro intertextas, & crines flauos, sinistri verò cin-*



cingula argento elaborata, pileosq, cyaneos gestant: quod quidem præter ipsos, alij licet nemini. Et adseffores & præsides in pectore, & humeris dorsotenues, insignia Regis acupicta ostentant: neque nisi hoc sollenni cultu, limine pedem efferre, vel quidquam publicum attrectare audent. Præsidi mortuo, succedit veterrimus e collegio, eodem modo, quem à supremo senatu Regio obseruari, priori capite ostendi. In genere, omnes hi iudices, hunc sibi, ciuili sanè & perlaudabili instituto, morem vendicant, quòd patientissimè singulos audiunt, licet interdum turbidior aliquis, iracundè eos, elatiori q, voce adloquatur, adeò diuturna consuetudo, cum quibusuis dextrè atq, ciuilitè agendi, apud ipsos in naturam iam abiit, vt etiam, ad mortem à se damnatos, mitissimè interdum alloquantur. Si in prouinciam aliquò profectio, aut quæpiam maioris momenti res excutienda inciderit, adsefforum vnus ipsemet totius senatus nomine eò contendit. Præter sex ista, quæ nominauimus, magistratuum genera, multi sunt alij, minori potestate, Iudices, ingenti tamen in honore habi-



habiti, ut & reliqui omnes, qui hoc in regno functiones publicas sustinent. Hi sunt: Cautocus, primus vexillifer: Pochim, rationiorum Proprefectus, siue Proquaestor: Pochinsi, Regij sigilli custos: Antzatzi, Prætor urbanus. Tres alij sunt: Huitai, Tezia, Tontai vocati, qui idē muneris gerunt, quod in Hispaniensi Aula Quæstor. Hi singulis septimanis in suis ædibus semel cōuentum iuridicalem agunt, & quater, cū ianuas aperiunt, displosis tormentis, cunctos monent, sese iudicio contendere volentibus, ius dicturos. Vbi fontem quempiam deprehenderit, continuò licitorum ( quorum decem habent aut duodecim ) cuidā eum tradunt, ad legitimum ipsius iudicem urbanum deducendum, quem scripto monent, qua pœna hominem adfici velint: ille certo postea in vico, mandata exsequitur. Zampaus hic, siue Proprator ( sunt autem quag, in vrbe plureis huius nominis atque officij ) mille familijs præest, neque alteri alterius iurisdictionem interpellare, neque in ea urbis regione Iudici esse licet, in qua ipse met penateis habuerit. Singulis noctibus, suis quis-



quisque in finibus, circumueunt, curant, uti-  
cines sint in suis omnes adibus, lucernæ in-  
tra certum tempus ritè extinguantur, incen-  
diorum scilicet cauendorum gratia, olim,  
cum multorum clade frequentium. Domus  
enim angustè inter se coherent, ligneisq; cō-  
tignationibus omnes sunt extructæ. Si ul-  
tra præfinitum tempus ignis in cuiusquam  
domo deprehendatur, is verò seuerè plecti-  
tur. Ab solis hisce iudicibus, ad eos, (quos di-  
ximus) Quæsitoreis prouocatio est: ab aliis  
non ad Quæsitoreis, sed ad legitimum Cen-  
sorem, is causis huiusmodi excutiendis, da-  
mnisq; resarciendis vacat. Vnde Homdim à  
Chinis appellatur, quasi seruator aut opitu-  
lus, summoq; honore adficitur. Supersunt,  
que enumerabimus, alia etiam officiorū ge-  
nera: ut eius, qui Tompo dicitur, ædilis ce-  
realis, eduliis inspiciendis, pretiisq; eorum  
statuendis præpositus: Tibuco; ociosos & er-  
rones capiendi atq; puniendi potestate præ-  
ditus. Chinchie, liCTORUM primus: Chion-  
cam, carcerum seu vinculorum præfectus:  
Hic tantæ dignitatis munus gerit, ut maio-  
res Indices stans adloqui audeat, si prius in  
limine



limine atrij, debitum ipsis, insigni caerimonia, genibus in terram usq; submissis, honorem exhibuerit: ceteri oēs, genibus innixi, ad eos verba facere coguntur. Quando proreges aut magistratus, à supremo senatu Regio, prouincia alicui, aut urbi, cum imperio pficiuntur, duobus aut tribus diebus, anteq̃ eò veniant, diploma, delatae potestatis argumentū, ad incolas aut ciues eius loci mittūt. Qui, ubi id inspexerint, & fide dignum esse iudicarint, exercitus, signis vexillisq; pluribus cōspicius, Loitij, magistratusq; ceteri omneis, ingēti cum letitia, aduentāti obuiā procedūt, umbellis sericis, expansisq; aulais, florib. & festa fronde exornatis, viā passim exculta conspiciuntur: demū, nouus Prorex, aut propræses, honorificè domum ab illis deducitur: suauī interim omniū aureis demulcente harmoniæ musicæ concentu. Omnibus hætenus enumeratis magistratibus, Regis nomine quidam suprema omniū cum potestate præest: is Chinchiai vocatur, quod idē est, ac si dicas, aureum sigillum. Et hic quidem ex Aula nunquam discedit, nisi id maximarum grauissimarūque rerum, qua



*que ad summam salutem Reipublicæ, pacemq; omnium & tranquillitatem custodiendam pertineant, ineuitabilis necessitas postulauerit. Caterum sequenti capite, de modo in cunctis huiusmodi distribuendis muneribus Chinis sollenni, deq; alijs ad Reipublicæ ipsorum moderationem pertinentibus, agemus.*

De cæteris officijs publicis, &  
de ritibus apud Chinenfes in foro,  
curia, & reliqua publicorum mu-  
nerum administratione  
vfitatis.

## CAP. X.

**O**Mnia ea, quorum priori capite meminimus, officia, seu magistratus à Rege, & senatu Regio creantur: qui diligentissimè, qui qualèsue sint ij, quibus publicum aliquod munus capeffendum est, exquirunt; id verò maximo studio cauent, ne Proreges, prouinciarum Propræsides, Adseffores, ea è prouincia oriundi sint, cui cum potestate præficiuntur, ut ne scilicet amore cuius-



cuiusquā aut odio distracti, ius iustitiamq;  
violent. Magistratus, ab eo die, quo, post de-  
latum munus ex aula discedunt, usq; dum  
in suam quisque provinciam venerint, nul-  
las omninò de suo impensas faciunt. Passim  
enim per vias, regia occurrunt stabula seu  
diuersoria; ijs impositi sunt à rege certi ho-  
spites, qui aduentantes huiusmodi viros ex-  
cipiant, necessariaq; omnia ipsis, eorum co-  
mitibus, ministris & equis suppeditent, idq;  
tām nauigio quàm terra iter facientibus.  
Sumptibus certus est præfinitus modus, &  
quantum in quemque impendij faciendum  
sit, habita personarum, honorum atque mu-  
nerum ratione, determinatum. Vbi in di-  
uersoria Regia ventum est, interrogantur,  
impense loco dapésne, an pecuniam accepta-  
re malint? & sunt, qui alicubi amicos fortè  
aut notos habeant, à quibus, ut apud se di-  
uertant, inuitentur, ideoq; pecuniam im-  
pense nomine accipiant atque comparcant.  
Harum rerum præcipua cura penes Ponchi-  
asini est, Regij consilij, penes quod vectigali-  
um redditumq; provincia potestas est, præ-  
sidem, Regis & supremi senatus scito consti-  
M tutum.



tutum. Is, ut ea domus lectulis, stratis, aliâq; supellectili, cunctis denique ad victum necessariis, comode instructa sint, adcurat. Ab urbibus, recens creatorum magistratuum gubernationi commissis, illi non latissime solum, & perhonorifice suscipiuntur, sed in regis etiam aedibus, cum comitatu diuertunt, & una cum suis, omnibus, ad officii sui munus apte obeundum necessariis, liberalissime instruuntur: praesto ipsis sunt apparitores scribe, quique alii minora munia sustinent. Qui omnes in iisdem aedibus regis habitant, & ampla à Rege stipendia ferunt, grauisimaq; illis poena, ne dona vlla aut premia à quoquam litigantium, seu eorum, quibus cum magistratu res est, captare ausint, est interdictum. Verum multo grauius magistratui, istuc facitanti supplicium imminet: cui eam ob rem, & vitanda confusionis omnis ergo, cum ex aula in prouinciam dimittitur, suprema Curia nominatim inter alia edicit, ne sententiam ferat, neue actus iudiciales exerceat ullos, nisi, aperto, quod aiunt, velo, praesentibus cunctis ministeriis, audientibusq; qui in senaculo sunt, omnibus. Modus publican-  
di



si sententias talis est. Iudice tribunali insi-  
dente, præcones ad fores senaculi abeunt, al-  
ta voce litigatorem citant: postulationem  
eius aperiunt: ille interim, aliquantum à sel-  
la iudicis remotus genibus inniti cogitur:  
post clara & ipse voce causam suam agit, aut  
scripto comprehensam tabellioni offert: A  
tabellione scriptum pellegitur. Iudex audi-  
tis litigatis postulatis, re deliberata, excusso  
causa statu & rationibus, quod ius fasque sibi  
videatur, statuit, rubeoque colore sua manu  
sententiam conscribit. Iudicibus antequam au-  
ditorium ingrediatur, cibo omni, potuque inter-  
dictum est, nisi diserte Rex permittat: cuius moris  
tam arcta est observatio, ut eius negligens,  
cuiuscunque tandem ordinis fuerit, sine mora  
gravi poena afficiatur. Ac, ut interdum ecl-  
ymate aliquo, aut hypotrimmatibus, aut alijs  
huiusmodi cupedijs, antequam in curiam accedat,  
eis vesci liceat: Vinum tamen, vel atroci et co-  
nfectantes morbo, bibere plane prohibentur, &  
tolerabilius longe videtur, atque præstabili-  
lius, si Curia penitus abstineant, quam ci-  
bo potuque onusti eo ventitent. Quia igitur  
hæc in conspectu omnium ita gerun-  
tur, ne ministri quidem corrumpi facile

M 2

pos-



possunt, quin id magistratuum quispiam  
sentiatur, cumq; tanta seueritate inspectiones  
& disquisitiones omnes instituantur, alter  
alteri nihil confidit, metuens, ne tūm, ad-  
uersario pestem sibi machinante, concidat.  
Tabelliones, apparitores, ceteriq; Curie ac-  
censi, munia sua diligentissimè obeunt. Offi-  
cium negligenti, vexillum in manus datur,  
id ille genibus innitens eousque retinet, dum  
cognitionem eam iudex absoluerit, qui post-  
ea virgis eum cedi iubet, pro modo omis-  
sio muneris. Sed hoc sepe cūm eueniat, pa-  
rūm ignominiosum habetur. Iudices hi seu  
magistratus, cūm per vicos obequitāt, quod  
tamen autoritatis tuenda causā rarissimè  
faciunt, ab omnibus ministerijs forensibus  
honoris causā deducuntur, eo, qui sequitur,  
more. Primi, qui agmen antecedunt, contis  
quibusdam longis impositos gerunt scipio-  
nes argenteos, cuiusmodi Romæ Cardinali-  
bus præferri solent, quibus indicatur, quen-  
dam è magistratuum numero aduentare:  
alii duo, arundinem quisque praelongam at-  
que rectā, manu in sublime elatam desert,  
qua iustitiam eodem modo excelsam atque  
ere-



erectam debere esse commonstratur: horum  
vestigijs rursus duo insistant, qui similes bi-  
nas arundines gestant; de quibus rubri qui-  
dam longiusculi funes dependent, ijs virga-  
rum aliquot fascies, puniendorum sontium  
instrumenta, colligantur. Incedunt exinde  
bini, tabulasq; aliquot albas deferunt, pel-  
tarum forma, quibus inscriptum est ma-  
gnatis illius nomen, officium & titulus. Cæ-  
teri honoris ergo hominem comitantur: qui  
contos, quos dixi, oblongos praferunt, cla-  
more populum monent, ut venienti via de-  
cedat, transeunti q; in mora ne sit: diffugi-  
unt timidi omnes, experientia iam dudum  
docti, restitantes in vestigio pœnas dare.  
Magistratum seu iudicum, qui maiori  
sum potestate sunt, tantis honoribus adfici-  
untur, ut ipsorum aliquo praterente, ne-  
mo, cuiuscunque conditionis fuerit, vspiam  
se se mouere; aut in via conspici ausit; nisi su-  
perueniat fortè alius, maiori magistratu  
præditus: huic, dignitate minor, eundem  
honorem exhibere cogitur, ni faciat, è vesti-  
giò pœnas dat. Omnes tam ciuiles, quàm  
criminosæ actiones, in scriptis proponuntur:

M 3

Iudi-



Iudices omnia palàm in conspectu omnium curia ad censuram, peragunt, quo etiam modo, cunctis illis presentibus, testes examinare atq; audire solent, uti fraus scilicet omnis dolusq; caueatur, qui euenire posset, si testes de rebus ad causam nihil pertinentibus interrogarentur, aut testimonia non ritè annotarentur; scorsim tamè prius singulos audiunt, eosq; si testimonia eorum confingere, & collidi animaduertāt, inter se cōponunt, tot in medium allatis interrogationibus, donec inter illos rixæ oboriantur, ut hac ratione veritas eò magis elucescat; quam si hoc modo expiscari nequeunt, quæstiones per tormenta adhibent, quamuis honestis, & boni nominis viris, fidem quoque habeant. In grauioribus causis, quæq; ad maioris notæ homines pertineant, Iudices tabellionū diligentia diffusi, suis manibus rem omnem, actaq; vniuersa conscribunt: dicta testium sæpius diligenter excutiunt atque examinant, ita ut rarò admodum quisquam iudicio sese circumuentum aut oppressum esse conqueri iuste possit, laudabili me herculè diligentia, cunctisq; magistratibus damni & confusio.



fusionis, quæ è supina atque oscitanti tuendarum legum, & promouendæ iustitiæ cura nascitur, auertendæ cupidis, utique imitanda, cùm hi inanium Deorum cultores, tanta cum pietate, tam insigni studio iustitiæ tramitem obseruent, neque solum iustè nullo cuiusquã hominis respectu, nulla adfectuum ratione habitâ, iudicent, sed quosdam etiã mores obseruent, consuetudinesq;, quæ non immeritò alijs exemplo esse possint: quarum vna est, quòd iudices apud eos sunt (quos Zampaos vocari dixi, velut prætores) quorum vnusquisq;, suos intra limites, dinumeratis cunctis edib. (quarũ mille eum præesse diximus) denas vni tabulæ inscribit, eã decimæ ex hisce domib. affigit: inscripta aut illi sunt nomina denũ patrũ familiãs, qui domos illas possidèt; omnibusq; & singulis seuerè precipitur, si quis è denis contra decus aliquid faciat, si quidquã vel vicinis, vel Reipub. noxium perpetret: quisquis ex illo numero primus id compererit, uti ad magistratum deferat, quò impurus iste, dignum factis supplicium luat, alijsque exemplo sit; si quis verò ad fa-



cinus aliquod tacendo conniveat, eandem  
pœnam subit, quam sceleratus erat subitu-  
rus, si delatum ad iudicem crimen, proba-  
tumq; fuisset: quæ causa est, quòd vicinus  
vicini dicta factaq; adeò obsecuet, & singu-  
li cautè admodum vitam degant, ne scilicet  
in crimen vocentur, aut inimicis ulciscen-  
di sese, ipsorumq; aliquando nomen defe-  
rendi occasionem præbeant. Si fortè accide-  
rit, uti quis ex denis illis patribus familiâs,  
in tabula annotatis, è sua vicinia in alium  
quempiam urbis vicum demigret, aut alio  
in oppido, seu quocunque tandem, sedem ac  
domicilium collocet: aut peregrè aliquò ab-  
iturus sit, denis ante abitum diebus, vici-  
norum domos præterire cogitur, tintinna-  
bulum aut peluim æheneam pulsitans, idem  
eo quoque loco, in quem penates translatu-  
rus est, factitat, quo admonitus vicinorum  
quisque, si fors, qui ex eo vico migrat, quid-  
piam æris alieni contraxerit, aut aliud ali-  
quid mutuatus fuerit, suum in tempore re-  
petat. Sin, his neglectis, è vicinia ille abierit:  
magistratus vicinos ceteros, tabula (ut su-  
prà dixi) inscriptos, ad eius qui discesserit,  
nomi-



*nomina dissoluendum cogit: quod neque se-  
se, neque creditores de discessu hominis præ-  
monuerint. In ære alieno pressos, & probata  
nomina expedire nolentes seuerè animad-  
uertunt; si creditoribus satisfacere neque-  
ant, in carcerem coniectis, breue tempus ex-  
pungendo nomini præfiniunt, eo elapso, ni  
interim debita soluerint, aut cum creditori-  
bus conuenerint, verberibus eos cædi iubet,  
mitius primo, alium dein diem statuunt; si  
ne tùm quidem alieno ære exierint, acrius  
percutiuntur: atq; hoc modo tam diu dies de-  
coctori præfigitur, tam diu plagæ infligun-  
tur, donec, ni soluat, ad necem vsque casus  
fuerit. In eo itaque totus quisque est, ut no-  
mina sua explicet, aut propinquorum ope &  
consilio rationibus suis prouideat, aut cre-  
ditori suo in seruitutem se addicit, ut à mo-  
lestijs diri carceris verberumq; atrocium &  
intolerabilium eripiatur. Tormentis dupli-  
ci modo quærant, ubi prius omnem curam  
adhibuerint, omnibus viribus contende-  
rint, ut lenitate potius quàm acerbitate ve-  
rum eliciant. Priori tormenti genere pedes,  
posteriori manus excruciantur, utraque sa-*



nè atrocissimo, quibus sustinendis, perpauci  
adeò pares reperiuntur, quin admissum sce-  
lus celeriter fateantur. Cæterum neminem  
in quæstionē dant, nisi pmissa diligenti dis-  
quisitione, aut delicto ad minimū semiplenē  
pbato, aut certè notoriis exstātibus indicijs.  
Manib. hoc tormēti genus adhibēt: bacillos  
aliquot, crassitudine duorū digitorū, lōgitu-  
dine palmi maioris, singulos pforatos, torna-  
les, utraq; ora funiculis quibusdā traiciūt,  
eosq; per foramina contrahunt: sōntiū post-  
ea digitos bacillis implicant, bacillosq; funi-  
culis sensim usque adeò arctē constringunt,  
donec insertorum digitorum iuncturæ elu-  
xentur, intolerādo miserorum dolore, hor-  
rendum vociferantium, & miserabiliter  
ingemiscientium. Si tūm nihil fateantur,  
iudicibus autem, aut è testium dictis, aut  
constantibus aliis signis, de facinore con-  
stet, in pedibus eos, atrocius etiam quā an-  
tea, hoc modo excruciant: Machina qua-  
dam ferrea quadros duos assēres coaptant,  
longitudine unius, latitudine quatuor spi-  
thamarum, utraque itidem ora perforatos;  
eas fune traiciunt eadem, uti suprà dixi-  
mus.



*mus, ratione: illigant deinde intra assamen-  
ta illa fontium pedes, eaq; malleo ingēti tun-  
dunt, & dolorem ita ictuum multitudine,  
eo, quo manus afficiuntur, quamuis etiam  
(ut dixi) vehementi, reddunt acerbio-  
rem. Sed huiusmodi questiones exerceri minimè  
solēt, nisi presente Iudice supremo, idq; raro  
admodum. Nā captiui quiduis confiteri, &  
morte, quàm tantis truci-  
atibus affici ma-  
lunt. Carceres etiam habent tetros atque  
horrendos, ut suo loco, peculiari capite de-  
monstrabimus.*

De Censoribus, quos quo-  
tannis Rex, ut in singulorum, per pro-  
uincias, magistratum acta inqui-  
rant, ex aula cum potestate, di-  
mittit: & de modo anim-  
aduertendi in  
fontes.

## CAP. XI.

**R***Ex hic idololatra, tantam in eo ope-  
rā, tantum studiū ponit, ut proreges,  
præ-*



praesides, & quicumque alicui cuiusvis generis muneri publico praesunt, egregia sint morum integritate, ut, quantumvis postquam officiis sese abdicarint ( quod ternis quibusque annis fieri solet ) à quibusdam peculiariter eam ad rem à rege designatis magistratibus ( Chiaeni illi vocantur ) in acta eorum omnia accurrimè inquiratur : nihilominus tamen alios quosdam megistanas seu Censores quotannis secretissimè & occultissimè in singulas prouincias ex aula dimittit, hi Leachi dicuntur, omnium ministrorum Regi intimi atq; fidiissimi, eiq; longo usu, & praeclare acta vitae, multiplicium in se obsequiorum, munerumq;, quæis prepositi fuerant, fideliter atque laudabiliter gestorum experientia percogniti. Ignoti per prouincias hinc inde volitant, in urbibus passim, locisq; frequentibus, clanculum expiscantur, quibuscumque iniuriis atq; oneribus, populum magistratus opprimant : atque ita in angulo ( quod aiunt ) cum pauculis aliquot miscet susurros, id est, occultè obaudiunt hominum sermones, & potestatem habent diserto Regis iussu & designatione, eos magistratus, qui



qui ab officio discessisse conuicti fuerint, eue-  
stigiò, nihil expectatis amplioribus manda-  
tis, capiendi, puniendi, à munere omninò,  
aut ad tempus amouendi, ad summam, cum  
illis, ut lubet, agendi, capitali tamen pœna  
adficere neminem audent, quod Rex id to-  
tum sibi soli planè, ut suprà dixi, reserua-  
rit. Qui, quò maior sit huius Censuræ di-  
gnatio atque autoritas, vocatos, antequam  
ex aula dimittat Censores, ad in siurandum  
addicit, fidei, iustitiæq, obseruantes atq, ta-  
citurus fore; inde, peculiare quoddam po-  
tionis genus ipsis degustandum prabet, fir-  
mandæ causæ religionis. Ut autem creatio  
sue institutio huius magistratus eò sit secre-  
tior, consiliarij scribis demandare solent, ut  
in literis honorariis, seu diplomatibus expe-  
diendis, tantum relinquunt interualli, quò  
eius, qui hoc munere functurus est, prouin-  
ciæq, in quam eam ob rem ablegatur, no-  
mina, postea inscribi possint, additis nihilo-  
minus sollennibus clausulis omnibus; ut  
magistratui huic sine Leitio literas exhibi-  
turo, æquè ac ipsimet Regi, omnes obediant.  
In diploma sigillo Regis munitum, summi  
sena-



*senatus Regij præses, Censoris & prouinciæ nomen demum inscribit: Censor occultissimè ex Aula discedit, adeò cunctis incognitus, uti nemini constet, ubinam sit, quò eat, aut quid factururus sit. Vbi suam in prouinciā venerit, quàm secretissimè potest, dissimulata planè persona, vitam & mores Proregis, propriasidis, aliorumq; huius generis primatum explorat: regione uniuersa hunc in modum peragrata, omnibusq; ad amussim inuestigatis: in metropolin prouinciæ, supremæ dignitatis magistratum (de quibus ea, quæ diximus, est expiscatus) sedem sese confert. Tum omnibus Primoribus in domo Proregis, concilium (ut & singulis mensibus fieri solet) indicitur. Cunctis itaq; in unum coactis, & fortè ne gry quidē hac de re cogitantibus, ad fores Censor accedit, Ianitori mandat, ingrediatur, Indicet conqessui, adesse à Rege legatum, è magnatibus duempiā, cupe conuentum senatum habere, se quo Regis nomine cum eo agat. Prorex è verbis ianitoris facile colligit, quidnam hominis adsit, ostium statim iubet aperiri, ipse adsefforesq; adsurgunt omnes, suis è sedilibus,*



bus, summae auctoritatis legatum exceptu-  
ri: Ille manu explicatum diploma praten-  
dit, nō sine ingenti omnium terrore, eorum  
imprimis, qui sibi male sunt conscij, id dein-  
de publicè perlegit, tūm verò Prorex, è sua  
statione progressus, magnum ei insigni cari-  
monia honorem habet, idem ceteri faciunt,  
summo observantia & obedientiae edito ar-  
gumento. Censor, mox in sede suprema, ho-  
nestissimāq; sessum it, atque ut fieri solet, de  
suo aduentu, diligentiaq; ad inuestigandam  
disquirendamq; veritatem adhibita, pra-  
fatus, officio functos, amplissimis collaudat  
verbis, honorificentioribus eos subsellijs cō-  
sidere iubet, regi & senatui, ob rempubli-  
cam benè gestam, de meliore nota se com-  
mendaturum esse pollicetur, uti digna fa-  
ctis premia ferant. Verbis postea seuerissi-  
mis, eos, qui de officio decesserunt, corri-  
pit, sententiam in eos latam, coram per-  
legit, cunctisque audientibus, facinora  
eorum publicat, addito, eam sese ipsis  
irrogare mulctam, quae ex decreti formu-  
la in illos constituatur. Eam, etsi interdum  
peracerbam, mox exsequuntur, neq; ulla  
cor-

cor-



cōdemnati excusatio locum habet, cū nulla ab huiusmodi sententijs legitima appellatio sit. Reus, antequam aut verbis castigetur, aut pœnas alias pendat, insignibus prius dignitatis, cingulo, pileoq, parua quadā fascia redimito, exuitur: neque enim, nisi prius, hoc modo, ademptis ornamentis exauguratum, Censor vlla molestia aut pœna afficere audeat, nisi suimetipse capitis discrimē subire velit. In locum exautorati senatoris seu abdicati à magistratu, alium euestigiò sufficit; eum seuerè monet, exemplum illius, cui nunc decreto Regis succedat, accuratè intueatur, officioq, suo fungatur, neque vllam in partem ei desit. Nonnunquam Censor in mandatis habet, uti eis, qui muneribus suis cum laude præfuerunt, ampliores det potestates. Quamobrem, cū probos, cognita eorum integritate, præmijs affici, sceleratos graues pœnas dare, idq, adeò constanter obseruari manifestum sit; utique Chinarū respublica inter totius orbis optimas & præstantissimas iure meritoq, connumeranda est, præsertim si ea, que diuersis locis de administratione statuq, eius à me allata



allata sunt, cum ijs conferantur, quæ diu-  
turna docti experientia, alijs ciuitatibus v-  
su venire ut scimus, ita fateri cogimur. In-  
uisere præterea Censores omnium prouin-  
ciarum archigymnasia solent, atque acade-  
mias, ut postea dicam; explorant literas di-  
scientium eruditionem; eos, qui magnos in  
studijs progressus faciunt, aut ad ea diligen-  
tiam conferunt, per blandis, ut in instituto  
pergant, incendunt verbis, negligentes ve-  
rò, ignauos, & indociles, verberibus affici,  
in vincula conijci iubent, nonnunquam è  
scholis planè eijciunt. Qua de re, peculiari  
capite, adiecta honorum & præmiorum,  
quibus literati exornantur, descriptione,  
pluribus agemus.

De custodijs, & modo reos  
mortis capite puniendi.

CAP. XII.

**Q**uemadmodum magistratus, eorumq;  
ministratores, in pænis exigendis, a-  
troces atque acerbi sunt, ita & custodias ha-  
N bent



bent supra modum tetras & horrendas, nocentibus ab iniuria cuiusquam, turbandaq; amplissimi regni tranquillitate publica, cohibēdis, destinatas: atq; ut est ingēs hominum multitudo, ita carceres etiam plurimi maximiq; sunt. In qualibet vrbe primaria, singularum quindecim prouinciarum, tredecim carceres sunt, præaltis cincti muris, tantæ amplitudinis, ut præter ædificia & domos excubitorum, ministrorum atque militū, qui perpetuas ad eos vigilias agunt, piscinas, hortos, areas, cauedia comprehendant, in quibus leuiores ob delicta captiui, interdū degunt, cauponas item, atq; officinas, ad varia opificiorum genera exercendum, idoneas, quæ captiui, querendi victus causa, manu sua tractare coguntur; id ni facerent, fame periclitarentur, cū ob captiuitatem, suarum rerum potestatem nullam habeant. Nam licet quis sæpē leuem ob causam in carcerem cōdatur, per diu tamen in eo detinetur, quia magistratus in ferendis sententijs, ob urbium magnitudinem, causarumq; multitudinem, tardi admodum sunt, in exsequendis, etiam cunctatiores,



tiores, unde frequenter accidit, ut capite  
damnati, tamdiu in vinculis adseruentur,  
donec aut senio, aut morbo cōfecti, aut aspe-  
ritate etiam carceris, ante supplicij diem in-  
tereant. Ex tredecim hisce custodijs, quatu-  
or plerunq; captiuis ad mortem condemna-  
tis, referta sunt, quarum cuilibet centurio,  
cum suis militibus, est prepositus, hi in ma-  
nipulos diuisi, ad eas noctu atque interdum  
excubant. Quilibet capitis condemnatus,  
de collo suspensam gerit tabulam dealbatam,  
ad pedes usque dependentem, cubito paulò  
latiorem, cui causa damnationis inscripta  
est, ex actis curiæ excerpta, aliq; cuidam re-  
spondet libro, qui penes centurionem, carce-  
ris custodem est: noctu, ministri captiuos  
in sua contrudunt habitacula, quorum fo-  
res in hortos exeunt, manus eorum & pedes  
cippis colligant, & exporrectos deorsum, ore  
tabulato imponunt, huiusmodi vsibus di-  
cato, post annulis quibusdam, inter capti-  
uos, inuicem conglutinati, insertas catenas  
aliquot ferreas supra terga miserorum ex-  
pandunt, quas adeò constringunt, ut neq;  
hac, neq; illac se vertere illi possint, tum vn-  
N 2 dig;



dig, eos, solo capite excepto, alijs asseribus contegunt; adeo, ut multi summa in molestia & cruciatu agre vitam trahentes, desperatione ipsimet sibi necem consciscant, quod tanta cruciamenta sustinere, operisq, suis victū sibi parare nequeant. Iis, qui neq, ipsi, unde viuāt, neq, alios, à quib. alantur, amicos, propinquosue habent, certum oryxæ, qua victitent, numerum Rex præbet, nihilominus etiam opificia exercere coactis. Sententiæ capitales executioni haud mandantur, antequam præsto sint Censores Leachi dicti, aut qui tum in horum, tum in cæterorum omnium magistratuum acta inquirunt, Chiaëni vocitati, occultè munus suum, ut antè dixi, obeunt. Inuisunt hi & recognoscunt custodias, & damnationis causas exquirunt. Ac licet sententiæ latae ab ipsomet rege, & supremo senatu confirmatae fuerint; nihilò secius tamen isti eas denuò examinant, unà cum ijs, à quibus late sunt, iudicibus; aut, his absentibus, cum cæteris magistratibus. Vbi hoc summa cum diligentia factum, captiuos quinquaginta secernunt, enormia ob facinora morte damnant.



mnatos: & carceris præfecto mandant, curet, uti omnia ad supplicium sumendum necessaria, ad manum sint parata: Acta mox omnia reuoluunt, si fortè nocentium aliquos incolumes seruare possint; si uel leuia quæpiam argumenta, ad eorum quosdam excusandos facientia, occurrerint, eos rursum à cæteris seiungunt: tribus, inde, è maioribus ancis tormentorum machinis, editis bombis, signum datur, duci ad supplicium damnatos: qui dum educuntur, iudices adhuc deliberabundi capita conferunt, disquiruntq<sup>ue</sup>, num nam miserorum aliquis à morte eripiendus uideatur: si fieri nequeat, secundo tribus displosis tormentis, fontes iam in supplicij locum deuenisse, significatur. Sed, antequam è curia iudices exeant, denuò causas damnatorum summam ex-  
cutiunt, nū aliqua tandē ratio reperiatur, quò vitam noxi producant: cuius si uel tenuem umbram inuestigarint, à pœna liberatos, è supplicij loco in custodiam reduci iubent, grauisimè id, & molestissimè ferentibus nonnullis damnatorum: qui semel mori, quàm diritatem, de qua supra dixi, car-

N 3

ceris,



ceris, diutius perpeti mallent. Dum huiusmodi negotiis magistratus occupatur, noxij in quibusdam cinerum aceruis collocantur, cibus illis potusq; apponitur. Tandem, ubi nulla superest ratio, nullus modus, quo vite ipsorum consuli queat, tertio machinae disploduntur, & tunc est vestigio illi morte mulctantur. Formae suppliciorum sunt, laqueo suspendere, stipitem per medios adigere, vivos comburere: sed postrema haec poena non nisi in maiestatis damnatos statuitur. Displosis tormentis, continuo pulsantur campanae; magnae tota urbe fiunt concursationes; vesperi etenim supplicium de facinorosis sumi solet: Opifices eo die clausis tabernis, solitas operas intermittunt, donec sol occiderit, & morte mulctati, ingenti spectante populi multitudine, sepulti fuerint. Sequenti die, disquisitionem alteram magistratus instituunt, in fures, gentibus his perquam abominandos, quos, si poenam meruisse visi fuerint, turpiter virgis caedi publice iubent, suspensa de collo tabula, in qua furta ipsorum descripta continentur, triduoq; ita aut quadriduo, tota urbe miseri exagitantur. Sub  
tibia-




tibiarum etiam iuncturis, diro verberare afficiuntur, facie proni in terram impositi, manibus à tergo colligatis, arundinib. quibusdā, palmi latitudine, digiti crassitudine, aqua aliquamdiu antea immersis, quò magis excrucientur: duo carnifices, unū quisq. hominis crura feriunt, tanta sauitia, ut à sex ictibus pedibus furcifer insistere nequeat, quinquaginta verò inflictis plagis saepenumero moriatur, & hoc genere mortis permulti intereunt: nonnunquā ducenti simul virgis caduntur; atq. opinio est, hoc supplicij genere, tam eorū qui publicè, quàm eorum, qui in carcere plectantur, in singulis urbibus primariis, omnium prouinciarum, annuatim necari sex millia. Cùm de sceleratis huiusmodi pœna sumuntur, ipsimet præstò sunt magistratus; qui, quò minus commiseratione noxiorū moueantur, interim, dū in eos animaduertitur, ipsi rident, epulantur, colloquuntur. Adulteri capitis pœnā subeunt; qui verò uxores suas prostituerè sese patiuntur (id tamē nemo, nisi tenuiores & fex plebis faciunt) singularibus, ut aliis exemplo sint, suppliciis plectuntur.



De literis, characteribus, ludis item literariis Chinarum, aliisque rebus admiratione dignis.

## CAPVT XIII.

**C**Um haecenus Rempublicam Chinarum descripserimus, & indicauerimus eos Astrologia, Philosophiaque tam moralis, quam eius, quae est de natura, esse peritissimos, aliaque politica tradiderimus; nunc operae pretium facturi esse videmur, si de literis ipsorum, ratione scribendi, & de scholis disseramus. Ad primum igitur quod attinet, quamuis per paucos eorum esse dixerim, qui legere scribereque nesciant, certum tamen literarum ordinem, aut peculiares earum notas, uti nos, nullas habent; figuris omnia perscribunt, quas formare longo tempore, magnoque labore addiscunt. Sua enim unum quodque vocabulum figura designatur; ut, Caelum (quod sua lingua Guant appellant) hac

 Rex, quem Bontai vocant, hac Eodem modo, terra, mare, ceteraque elementa, certis singula suis characteribus depinguntur: quorum habent



bent plureis sex millibus, formis inter se dissimiles, eos tamen scribere celeriter sciunt: argumento sunt multi Chinarum, qui in Philippinas Insulas veniunt, ibique degunt. Lingua eorum est scriptura facilius, quam ex voce intelligitur, perinde ut Hebraea. Punctis enim characteres distinguunt, quae in loquendo minus observari queant. Alium habent, quam nos, scribendi modum: lineas à summo deorsum rectè deducunt, & contra morem nostrum, à dextra, sinistram versus, scriptitare solent, idem in libris excudendis apud ipsos mos servatur, ut postea dicturi sumus; cuiusmodi Romae visuntur, in bibliotheca Vaticana, eaque, quam maximus Rex noster in cœnobio Laurentiano condidit, unde, ut ex compluribus etiam aliis, quae de scriptura characteribusque Chinarum attuli, vera esse manifestum est: neque hoc non admiratione dignum, quòd, licet toto regno tot diversi idiomatis linguae reperiantur, omnes tamen est scriptura potius, quam est pronuntiatione intelligi queant. Causa huius rei est, quòd in una aequè atque in altera lingua, unus character seu figura,

N 5                      ra,



ra, in scribendo, idem in omnibus eorū linguīs significat, quod tamen in sermone alio vocabulo enunciat, ut ex hoc charactere colligi potest, **W** quo urbs designatur, quamvis, **W** aliqui, urbem Le-ombi, quidam *tu* nominent; atq; idem de omnib. aliis vocabulis sentiendū est: & hunc in modum, mutuò sese intelligūt China, Iapones, Lecchij, Taprobanēses, Cochinchina, aliq; vicini populi, licet aliās in loquendo pinde linguīs discrepent, atq; Graci, & Germani. Rex, omnium urbium ludos literarios è suis fouet rebus, tam eos, in quibus lectio, scriptio, Arithmeticeq; quàm eos, in quibus Philosophia, Astrologia, leges siue instituta Regni, aliq; artes curiosa docentur. Qui scholis præsunt, & suggesta occupant, viri sunt, totius Regni aut prouinciae, praestantissimi: nemo apud ipsos vel egentissimus, legere scribereq; non discit, quod id nescire dedecus ingens existiment: literatorū, qui grauiora ad studia animum intendunt, magnus numerus est, summa adsiduitate ententium, eos in literis ut progressus faciant, quò Loitij seu nobiles creentur, aut, ad  
alios



alios honores siue titulos euehantur, quem-  
admodum distinctius postea explicabo, cum  
narraturus sum, quomodo insignibus seu  
dignitate Loitiorum, dignos exornare sole-  
ant, quod ipsis idem est, ac si quis apud nos  
Doctōris titulum adipiscatur. Tām in mi-  
nora, quām in primaria gymnasia, certos  
quotannis Censores Rex mittit, qui discen-  
tium in literis profectus, & numnam ludi-  
moderatores, artiumq; professores, munere  
suo probè fungantur, atque ad institu-  
endos sint discipulos idonei, inquirent &  
inuestigent, & ad summam, quicquid  
hac in re desiderari potest, examussatim  
explorent. Hi, instituta exploratione,  
scholasticos & studiosos diligenter ac pro-  
bos collaudant; hortantur, cæptis gna-  
uiter insistant, negligentes verò, tam-  
etsi bonæ indolis sint, in carcerem con-  
di iubent, & insuper in eos animaduer-  
tunt, contumaces, & disciplinarum  
hostes scholis eijciunt, ne cæteris, qui-  
bus ex cordi sunt, aditus præcluda-  
tur. Magnam habent papyri copiam,  
facile



facili negotio è tela ex cannis texta, factam;  
ea vilis pretij est, quemadmodum & libri  
Chalcographicis typis expressi, sed quæ ob te-  
neritudinem & subtilitatem in uno tan-  
tùm latere inscribi possit: ad scribendum  
eiusmodi, quib. nos, scriptoriis pennis haud  
utuntur, sed calamis quibusdam, quorum  
cuspidi pennula adfixa: multi sunt inter eos  
scribæ egregij, & cum, ad aliquem prima-  
riæ notæ, quidpiam scribunt, marginem pa-  
pyri inaurare, aut colore aliquo inficere so-  
lent: absolutum iam scriptum, sacculo insu-  
unt, itidem papyraceo, inaurato, pictura-  
toq;: huic obsignatam & complicatam epi-  
stolam includunt. Tantus apud ipsos est  
scribendi usus, ut, quantumvis ipsimet a-  
micos interuisant, nihilo minus tamen  
chartas manicis inclusas, assiduò secum  
gestent: in quibus nonnunquam vix decem  
characteres sunt inscripti: hæ nihil aliud  
volūt, quàm quòd huic, aut illi, amicorum,  
ad quem accesserint, salutem dicant. In of-  
ficinis librariis venum exponuntur diuersi  
generis literarum & scriptorum formulae,  
varias ad res tractandas non incommodæ,  
sive



*sine nobili, sine cuiuscunque alicui conditionis scribas, seu roges, seu reprehendas, seu salutes, seu quicquid tandem literis cōprehensum velis, etiam hostilibus & prouocatorijs. Quas emisisti, eas, nihil aliud, quàm subscribis, obsignas, & quò lubet, mittis. Hec & plura alia Chinarum inuenta, quæ in sequentibus commemorabimus, & partim breui hac historia iam recensuimus, incredibilem gentis huius sagacitatem & ciuitatem satis ostendunt, ea breuitatis tantum studio ita adnotare volui, quæ me à diffusiore & distinctiore harum rerum tractatione, aliàs haudquaquam difficulter id facturum, abstrahit.*

De modo explorandi eorum  
in literis progressum, quibus Loitiorum insignia conferunt, ritu ea conferendi, cærimoniisq; post collationem ciuitati sollemnibus.

## CAP. XIV.

**C**ensores, qui, ut dixi, à Rege, summoq; senatu, ad disquisitionem in acta cætero-



terorum magistratuum per prouincias instituendam destinantur, inter cetera hoc etiam in mandatis habent, ut scholas diligenter inspiciant, quas Rex singulis in urbibus fouet; singulari cum potestate, eos literatorum, ad altiore dignitatis, ordinisq; gradum euehendi, quos studia sua ad eos usque terminos produxisse animaduertent, ut maioribus honorum titulis digni videantur: hoc idem est, ac si nobilium in ordinem cooptentur, habilesq; ad obeunda munia senatoria, remq; publicam gerendam dicentur. Cum autem caerimonie & ritus, tum illis sollemnibus memorabiles profectio sint, eos ita nunc describam, uti ex relatione religiosae professionis sacratorum virorum, Herrada & sociorum, qui in urbe Auchicone huiusmodi adparatus ipsimet viderunt, accepi. Censor absoluta examinatione scholastica, mulctatis delinquentibus, prae-mioq; adfectis officio fungentibus (quod in unaquaque singularum prouinciarum metropoli fieri solet) publicè edicit; uti omnes scholastici literatiq;, ad subeundam probationem, & Loitiam dignitatem suscipiendam



damidonei, eiusq; adipiscenda cupidi (Loitium verò, apud illos nobile seu equestri dignitate virum, apud nos, Doctorem dicere possis) eam in urbem, in qua ipse commoratur, conveniant, certoq; ac prefinito die ipsi sese sistant. Ad edictum, confluentium nomina in indicem Censor refert: alium diem explorationi dicit; ad eam, honoris ipsorum causâ, eruditissimos eius urbis Loitios inuitat; unâ cum his acrem probationem instituit: primum omnium accuratè sciscitatur & exquirat, probène literati illi patriæ leges sciant atque intelligant, in qua ad magistratus quandoque & honoreis euehendi essent: nomina deinde eorum, quos Loitiorum titulo dignos existimat, in alium indicem consignat; conferendisq; dignitatis huius ornamentis & insignibus, alium diem dicit. Hac magna sollemnitate, populiq; lætitia, examinatis scholasticis conferuntur, & in publico omnium conspectu conspectuq; nomine Regis, traduntur: cingulum, scilicet, auro aut argento intertextum, pileus, quasdam quasi habens alas, cuiusmodi Loitijs gestare mos est, quò



quò à plebeijs differant, atque internoscan-  
tur, neque sine his in publicum prodire au-  
dent. Et si autem tam y, qui eruditionis no-  
mine, quàm, qui virtute bellica, aut beni-  
gnitate Regis ad hanc dignitatem euehun-  
tur, in vniuersum Loitij vocentur: gradu  
tamen atque ordine inter se sunt dispares.  
Senatores enim supremae Curiae, Proreges &  
Propraesides prouinciarum, Censores, ob ex-  
quisitam literarum scientiam: militum du-  
ces, minores iudices, quaestores, seu Regionum  
vectigalium praefecti, clementia & fauore  
Regis, gratiam benè meritis referre cupien-  
tis, Loitij creantur: hi tamen nullam aliam  
habent praerogatiuam, nisi quòd nobilium  
gaudent priuilegijs & immunitatibus, nul-  
lo, praeter literatis, ceterisque, honore insigniori;  
quorum qualibet in vrbe multi sunt. Aliud  
insuper Loitiorum genus est, inferioris ad-  
huc notae: magna tamen & ipsum authori-  
tatis: hi ab exercituum ducibus in bello cre-  
ari solent, quòd bellica virtute praecellant,  
iussu regis, ubi prius idoneos fidei suae, forti-  
tudinis, & rei benè gestae testes produxe-  
rint. Hisce Loitiorum titulo exornatis, ho-  
nesta



nesta etiam, militia, & questuosa munia offeruntur. Nam res præclare bello gestas, China magni æstimant, virosq; fortes, & facinoribus bellicis illustres, magnis præmijs remunerantur: ut & ceteri gregarij milites, ad imitandum eos, huiusmodiq; titulos consecrandum, excitentur. Nunc explicabo, quibus ritibus gradus hic honoris, eiusq; insignia conferantur, & quomodo huius tituli compotes facti, eo die, quo in Loitios cooptantur, tota vrbe, insigni comitatu, circumducantur, cum res & per se fortè scitu digna, & mihi, ut promissis stem, exponenda sit. Die hanc ad rem destinato, Loity omneis splendidissimè vestiti, ad Censorem in eandem magnificam aulam conueniunt, in qua examinatio habita fuerat: ubi omnes eum in locum sunt congregati, accedunt eodem candidati Loitia dignitatis, vestitu perquam tenui: Suum habent singuli anteambulonem susceptorem, siue, initiationis arbitrum, qui noui honoris insignia præfert. Hæc ut à Censore sibi conferantur, candidatorum quisque in genua procumbens, demississimè rogat. Censor an-

O                      dit is



ditis precibus, iureiurando eos adigit, cum-  
 etis sibi delatis muneribus, summa cum di-  
 ligentia curaq; functuros: ius cuique suum  
 æquabili iustitia tributuros, nemini vim il-  
 laturus: dona à quoquam nulla captaturos:  
 Regi patrieq; fidem omnem atq; obseruantiam  
 præstituros, clandestinis cõsiliis, ullisue  
 proditionibus neutiquam assensum præbi-  
 turos, aliaq; huiusmodi permulta; quo ritu  
 multum temporis absimitur: adiuratione  
 peracta, Censor, ut regis personam gerens,  
 candidatos alloquitur, Loitios eos, traditis  
 insignibus, & collato honoris gradu, adpel-  
 lat; pòst tùm ipse, tùm reliqui, qui adsunt,  
 Loity omnes, illos amplectuntur: sollemni  
 inde ordine ex aula proceditur; es campa-  
 num vrbe tota exauditur; tormentorum  
 machina disploduntur, idq; sat longo tem-  
 pore; Loity recens creati, magna comitante  
 populi multitudine, tota vrbe, hoc ordine  
 circumducuntur. Præcedunt pompam mi-  
 lites ingenti numero cum tympanis, tubis,  
 aliisq; musicis instrumentis: hos sequuntur  
 sceptrigeri, aliq; id genus: sceptrigerorum  
 vestigiis insistent Loity, aut equites, aut se-  
 dili-



*alilibus concinna dispositione, gestati: tunc  
incedunt fusceptores & arbitri initiationis,  
quibus recens creati Loitij, sollennibus in-  
duti vestimentis, eleganter elaboratis suc-  
cedunt, albis in equis, sericis aut acupictis  
tapetibus insigniter stratis: transuersè quis-  
que super humeros expansam gestant fasci-  
am subsericam undulatam, capitiq; impo-  
situm pileum, duabus taniis dependētibz,  
instar earum, quas ab Episcoporum mitris  
pendere videmus: eas gestare nemini licet,  
præterquam tribus illis, de quibus dixi, Loi-  
tiorum generibus. In pileis visuntur duo  
ramuli aurei, aut argentei inaurati, palma-  
rum ramis similes. Præferuntur novis Loi-  
tiis panni sex holoserici, à quatuor singuli  
hominibus, quibus inscripta est aureis lite-  
ris probatio publica eruditionis recentium  
Loitiorum, & in quo disciplinarum ge-  
nere suum quisque honoris gradum sit ad-  
eptus, titulus cuique propterea attribu-  
tus, aliâque complura, quæ breuitatis  
studio omitto. Totis enim octo horis hæc sol-  
lennitas perdurat. Oppidani omnes hunc  
diem festū habent, opificia, negotiaq; omnia  
O 2 inter.*



intermittunt, choreis oblectantur, aliâq; festa letitiæ signa edunt. Nobilitas tres aut quatuor cōtinuos dies festivos agit, splendida conuiuia celebrat, ad ea recens creatos Loitios inuitat, ad hilaritatem eos prouocat, amicitiam eorum & fauorem pro se suisq; sedulo ambit. Ab eo die ad munia cuiusuis generis publica, magistratusq; ob-eundos, idonei habentur: In Regiam itaque contendunt, eos occasione data petituri; Insignia collata dignitatis eò secum deferunt, quò ab aliis internoscantur. Magno, igitur, passim, dum in itinere sunt, honore afficiuntur; regiis in diuersoriis, ad excipiendo huiusmodi homines, per cuncta humano cultui opportuna loca, destinatis, magnificè tractantur. Nec minor in eos Præsidis & Adsefforum supremi consilij Regij humanitas, insigni verborum honore, multisq; laudibus cumulata: qui, cum ab aduentantibus domi inuisuntur atque saluantur, spondent, prima quaque occasione, se novos illos nobiles, ad honesta munera prouectos, pro cuiusque eruditione, è publicæ explorationis actis ad senatum missis, cognita: insu-



*insuper, si primitus oblatam functionem dextrè & laudabiliter obeant, ad maiores indies dignitates & honores eos productum iri repromittunt: In indicibus deinde suis nomina eorum adnotant: noui verò Loitij, interim senatoribus præsto sunt, comitatur in Aulam euntes: aliisq; obsequiis demerentur, donec procurationes aliqua, aut munera publica sibi deferantur, quod quidem diu non differtur, cum regnum hoc tanta sit amplitudinis, & tot prouincias, totq; vrbes habeat, uti ex historia nostra manifestum est.*

**Quòd machinæ tormentorum ænæ multò antè apud Chinas, quàm apud Europæas gentes in vfu fuerint.**

## CAP. XV.

**I***Nter alia admiratione digna (quorum in hac historia mentio & hætenus facta est, & in posterum fiet, ne dicam de ijs, quæ breuitatis studio, & molestiæ vitæ causa*  
*O 3 lecto-*



lectoribus haud obtrudo) Lusitani, cū pri-  
mū Cantonē negotiari inciperent, Hispa-  
niq; Castellani, qui diu post è Philippinis In-  
sulis in Chinam venerunt, nulla re magis  
(neq; id quidem iniuria) obstupere, quā  
visis apud Chinas æneis tormentorum ma-  
chinis. Nam cū Chinarum nostrorumq;  
annaleis ad calculum reuocarent, manife-  
stò intellexere, & inuentionem earum, &  
usum apud Chinas, longè antiquiorem esse,  
quā apud nos in Europa, ubi notum est;  
anno à nato Seruatore, trigesimo supra mil-  
le trecentos, industria Germani cuiusdam,  
cuius tamen nomen literarum monumen-  
tis non proditur, bombardarum (ut vo-  
cant) machinas initium cæpisse. Is itaque  
(ut & China dicunt, & oculis subiectum  
est) non pro inuenti huius autore, sed pro eo,  
qui id ab aliis acceptum diuulgauerit, ha-  
bendus est. Nā China sese primos æreas tor-  
mentorum machinas adinuenisse, ijsq; apud  
quos nunc in usu sunt, communicasse glori-  
antur, & hanc laudem Vitei primo Regi suo  
adscribunt, aiuntq; à genio quodam è terra  
exorte, fabricam earum edoctum, atque v-  
sum.



sum, contra Tartaros, cum quæis belligerabat. Genius hic (quantum & ex narratione & historicis ipsorum monumentis, & ex ipsa artis subtilitate depræhendi potest) humani generis hostis, eiusq; euertendi cupidus fuisse videtur, uti sanè quotidiana etiam docemur experientia. Atq; hæc eò credibilia sunt, quia Viteis ille, pro insigni mago apud ipsos habetur, qui herbam eam, cuius primo huius libri capite mentio fit, in horto palatij sui habuerit. Sin ob vetustatem fide indigna existimantur: pro certissimo tamen haberi debet; Chinas, tum cum Peguanum Regnum, Indiamq; Orientalem expugnatum irent (quod annis ab hinc tribus & quingentis factum est) bombardis eo bello usos esse: cuius rei euidentia monumenta atque indicia supersunt; quedam scilicet tormentorum æreorum machina, ab ipsis post victoriam de hostibus partam, illic relicta, atque ab Lusitanis visa, in quibus insignia Regni Chinarum, numerusque anni, quo victoriam obtinuerant, exsculpta visuntur: inaudini item, unam ex illis machinis,



quam Herrada, socij<sup>q</sup> viderunt, vetustam  
admodum fuisse, & rudi opere, reliquarum  
maximam partem saxeos in globos commu-  
tatam: ceterum intellexisse eos in alijs Re-  
gni locis, accuratiùs quasdam, politiusq<sup>3</sup> fa-  
brefactas reperiri. Sed plura de his ductor  
militum Artieda, narrare potest, qui in li-  
teris, ad potentissimum Regem nostrum da-  
tis, inter alia scribit: Chinas, omnibus planè  
ijsdem, quibus nos, armorũ generibus uti,  
& aneas æquè habere tormetorum machi-  
nas, opere nostris nihilò inferiores, imò, id  
quibusdam in locis docente experientia, è  
materia præstantiore & commodiore fabri-  
catas: in singulis urbibus, peculiarem do-  
mum earum fabricæ destinatam conspici:  
cumq<sup>3</sup> arces ipsis nullæ sint, super omnibus  
urbium portis machinas eas esse collocatas,  
atque cum urbes mœnibus robustissimis,  
profundisq<sup>3</sup> fossis, quæ si necessitas postulet,  
immissa è proximis fluminibus aqua repleri  
possint, undiquaque cingantur, tutissimas  
eas uniuersi Chinarum Regni munitiones  
existimari, præsertim cum singulis portis  
suis cum numerosa manu prepositus sit mi-  
litum



litum tribunus, qui nocturnis cas, diurnisq; seruet excubiis, extraneumq; neminem, sine expresso oppidani magistratus permissu, intromittat. Atque hæc, mea quidem opinione confirmare utique videntur, æneas tormentorum machinas, Chinis non antiquitus solum notas, sed ab ipsis etiam primum repertas fuisse, ut antè dixi; cùm etiam Chalcographiam initium ibi sumpsisse clarum sit; quamvis ab hoc artificio oppidò discrepantem, operibusq; planè diuersis occupatam, de cuius vetustate proximo capite agere pergemus.

Quantò ars æneis typorum formis libros excudendi, apud Chinas antiquior sit, quàm apud Europæos.

## CAP. XVI.

**A**Dmirabilis Chalcographia adinuentio tanta subtilitatis est, atque artificij, ut per eam memoria tot præstantissimorum virorum, qui fœlici antiquorum temporum auro florere, conseruata sit, quæ procul di-

O S

bio



bio absque eius adminiculo planè extincta  
fuisset; multi quoque hodiè inter mortaleis  
degentium, neutiquam, vel ex inclytarum  
artium, vel è rei bellica tractatione, tanto-  
perè ad laudem gloriamq; adspirarent, nisi  
typographiæ beneficio, memoriam studio-  
rum suorum, vita sua diutius mansuram  
esse sperarent. Sed de inuentione artis & v-  
su plura dicere, vitanda prolixitatis causâ  
supersedeo, idq; hoc capite describam, quod  
suprà me facturum dixeram, subinde quæ-  
dam, inter multa, alicuius momenti exem-  
pla referens, & in Chinaram, & in nostris  
annalibus consignata. Communis opinio  
est, artem typis ancis excudendi libros, ad-  
inuentam esse in Europa, Anno à partu  
virgineo M. CCCC. LIIIX. solertia Germa-  
ni cuiusdam, cui Ioanni Gutenbergio no-  
men erat; cumq; primæ literarum formæ  
Moguntiaci factæ essent, ab alio quodam  
Germano (qui Conradus vocabatur) artem  
ad Italos delatam. Sed China aiunt, à se  
artem hanc originem trahere, & excogita-  
tam esse à quodam, quem ipsi pro dino co-  
lunt; cumq; maiores sui per Rhoxolanos  
&



Et Moschos, opportunos Europæ terrestri negotiationi populos, in Germaniam usque, negotiorum causâ penetrassent, artis eò notitiam deuenisse: mercatores præterea quosdã Germanos, cum per mare Erythraum Et Arabas in Chinam venissent, aliquot inde apud se typis expressos libros in Germaniam detulisse; eos postea in Ioannis Gutenbergij, qui artis inuētor existimetur, manus peruenisse, Gutenbergium porrò eam ex illorum aspectu hausisse cognitionem, quam aliis demum communicarit. Hæc si vera sunt, ut quidem in scriptis apud ipsos fide dignis exponuntur, necessario sequitur, typographicam artem ab ipsis ad nos peruenisse, eoque magis, quod hodièque multos Chalcographicis formis expressos libros in China reperiri constat, qui (secundum nostram putationem) quingentis antè annis illic excusi fuerint, quàm artificium hoc apud Germanos cæperit.

Horum ego librorum unum habeo, multos in India, Hispania, Italiaq; vidi, quorū  
ali-



aliquot Herrada sacer Augustiniana fami-  
 lia cœnobiorū Coryphæus Auchieonis emit,  
 secumq; in Philippinas Insulas detulit, plus  
 minus centum, variis de rebus tractantes,  
 & diuersis regni locis, plerosque tamen in  
 Ochiamia prouincia excusos, in qua maxi-  
 mus est Chalcographorum numerus; plu-  
 resq; secū, ut ipse ait, inde abstulisset, quod  
 libri illic & bibliotheca ingenteis, vilissimo  
 pretio cœmantur, nisi Prorex interdixisset,  
 veritus fortè, ne ex ijs Regni arcana expi-  
 scaretur, quæ omni ratione peregrinos ce-  
 lant. Quamobrem Herrada, eiusq; socijs  
 denunciari iusserat; nullos libros emerent,  
 sese quos vellent, dono ipsis daturum: sed id  
 postea minimè fecit, aut ea, quam dixi, de  
 caussa, aut obliuione. Eorum, quos iam ante  
 proregis interdictum emerant, circiter cen-  
 tum, ut dixi, erant, è quibus breuiter ple-  
 raque eorum excerpta sunt, quæ breui hac  
 historia describuntur, eò tantum, ut qua-  
 liscunque de regno Chinarum expositio cō-  
 cinnetur, donec homines huiusmodi rerum  
 capaces, ad ea credendum animos inducant,  
 quæ, hoc tempore, quod obscuriora adhuc,  
 pa-



*parumq; explorata sint, explicari facile nequeunt; qua ratione adductus, imò coactus sum, multa, quæ pro verissimis habentur, ut præterirem, non sine reprehensione tamē multorum, quib. ea satis superq; nota sunt. Sed, cū locus hoc exigat, sequenti capite narrabo, quasnam libri illi materias scribant, ut ijs, quæ sæpiusculè iam dixi, & porro, ubi opportunum fuerit, de republica diligentiaq; huius nationis sum dicturus, tantò maior fides adhibeatur.*

## DE LIBRIS, QVOS P.

*Herrada, eiusq; comites è China attulerunt, & quasnam illi materias scribant.*

### CAP. XVII.

*C*entum libris à P. Herrada eiusq; comitibus, è China in Philippinas Insulas allatis, sequenteis materiæ explicatæ continentur.

*Descriptio totius Regni Chinarum, situs quindecim eius provinciarum, longitudinis earum, & latitudinis, & quibusnam Regnis sint finitima.*

*De*



*De vectigalibus ređitibusq; regijs, totiusq; aule ordinatione: legitimis item salarijs, nominibusq; omnium officiorum, & cuiusque potestate: & quibus cuiusque officij potestas finibus circumscribatur.*

*De tributarijs, seu stipendiarijs; item de numero immunium, in singulis prouinciis: &, quando ac quomodo vectigalia Regia exigantur.*

*De varijs generis nanibus construendis, & de nauigatione; item de profunditate, & reliquo situ portuum.*

*De initio & vetustate Regni Chinarum; de origine mundi; quando & à quo mundus sit conditus.*

*De Regibus Chinarum, & mutua eorum successione; gubernatione item, vita & moribus singulorum.*

*De cerimonijs, ad idolorum, quae pro numinibus à Chinis soluntur, sacrificia adhibendis; de nominibus item & ortu singulorum, & quo tempore litandum sit.*

*Quid de aternitate animorum, de caelo & inferis China sentiant, quibus ritibus mortuos terrae mandent, eisq; exequias celebrent;*



tebrent; de feralibus seu lugubribus vestimentis, à quolibet pro ratione necessitudinis, qua mortuo deuinctus est, induendis.

De legibus & constitutionibus Regni Chinarum, quando & à quo promulgatae; quae poena singulis additae sint, in violatores earum statuendae; de alijs itidem rebus, ad ritè ordinandam Rempublicam necessarijs.

Multi præterea libri de herbis ad medicinam facientibus, & ratione, eas ad infirmorum salutem & sanitatem recuperandam adhibendi, agunt.

Alij porrò multi de re medica libri, recetium, veterumq; apud Chinas autorum, praecepta restituenda, regendaq; valetudinis tradunt.

De motu & numero caelorum, & siderum errantium, de stellis, earumq; effectis & viribus peculiaribus.

De omnibus Regnis, quae Chinis sunt cognita, & quid in singulis eorum memorabile reperiatur.

De diuorum apud Chinas vita, rebus gestis, obitu, & sepulchris.

De



*De lusu talorum & latrunculorum, aliisq; ludis gesticulariis.*

*De Musica, & cantu, eiusq; inuentore.*

*De Mathesi; & Arithmetica, eiusq; Regulis.*

*Quid in utero fetus agat, quis eius ibi status, quæ singulis mensibus vitæ conditio, qui menses partui fælices, qui improperi sint.*

*De Architectura, variisq; edificandi generibus, & dimensionibus latitudinis & longitudinis domuum & structurarum, ad equam earum inter se proportionem dirigendis.*

*De constitutione soli feracis, & infrugiferi, signisq;, quibus quodlibet solum, sterile an felix sit, cognosci debeat, & ad quodnam frugum genus producendum, quævis terra sit idonea.*

*De sciētiâ siderum, & Astrologia, quam vocant Iudiciariam, & canonibus in addiscenda ea obseruandis, thematibusq; constituendis.*

*De Chiromantia, & Physiognomia, aliisq; artibus, quæ è notis diuinant; & quid qualibet nota significet.*

*De*



*De stylo, & ratione bene scribendi, & titulis, cuique pro munere & dignitate sua, tribuendis.*

*De educandis, alendis, & ad cursum, incessumq;, instituendis equis.*

*Quomodo è notis sit diuinandum; quomodo sorteis mittenda, si aut iter aliquod faciendum, aut aliud quid, cuius dubius timeatur euentus, inceptandum sit.*

*De vestibus & ornamentis omnium totius Regni populorum, potissimum Regis, & de ornatu atque insignibus magistratuum.*

*De conficiendis armis instrumentisque bellicis, acieq; in campo ordinanda.*

*Hos, aliosq; plures libros, ij, quos diximus, viri sacriati è China attulerunt, & ex illis ea quæ in hac historia recensentur, sunt excerpta, ab interpretibus ex ipsa China oriundis, qui in Philippinis Insulis ab Hispanis, earum cultoribus, educati sunt.*

**De conuiuiorum festorumq;  
celebratione apud Chinas.**

P

Cap.



**C**um aliquot huius historiae locis, de cō-  
 uuiuiorum apud Chinas adparatibus,  
 mentionem fecerim; equum me facturum  
 esse iudico, si indicem, quibus illi ritibus cō-  
 uiuia celebrent, quoniam singulareis sunt,  
 atque à nostrarum epularum & symposio-  
 rum institutis longè diuersi, non ob edulia  
 solum, quibus vesci solent, sed ob ceteros et-  
 iam moreis. Natio hæc, omnium totius or-  
 bis gentium, in epularum luxum effusissima  
 est. Cum enim diuitiis & ocio adeò abun-  
 det, neque veri numinis cognitione sit illu-  
 strata ( quantumuis immortalitatem ani-  
 morum, vti audiuius, credat & fateatur,  
 quemuis item ex hoc, in sempiternum illud  
 æuum discedentem, pro merito præmiis, pœ-  
 nisue affectum iri statuatur ) omnibus volu-  
 ptatibus, cunctisq; quas excogitare modò  
 potest, deliciarum illecebris, totam sese de-  
 dit, & cōtinenter eis, copiosissimeq; fruitur.  
 Totidem Chinæ adparare solent mensas, si-  
 ue tabulas, quot cōuiuas inuitarint, etiam si  
 eorum vel centum adduxerint: hæc elegan-  
 ter inauratæ, & auiibus feris, ac vario flo-  
 rum,



rum, frondiumq; implexu, atque alio ornatu, ad multam spectantium iucunditatem, picturata & exculta sunt; neque mappis eas contegunt, sed ornamentis tantum quibusdam margines earum circumdant, ad terram usque dependentibus: in angulis mensarum, multa canistra, aureis artificose clathrata filis, collocant, florum, & hypotrimmatum, varia forma perquam artificiose effictorum plena, cuiusmodi sunt elephantes, canes, cerui, è saccharo facti, aliq; id genus animantia, variaq; aueis, inaurata, picturataq; omnia. Fercula concinno ordine mensis adponunt, siue auibus, siue carnibus, siue piscibus structa, cuncta aromatibus prestantissimis condita, cum diuersis iusculis coactis, & intinctibus: alijs vasis non utuntur, quam fictilibus porcellanis tenerrimis, & argenteis, hec tamen apud paucos, extra Proreges, in usu habentur: eleganter adeò atque mundè epulantur, ut mantilibus aut mappulis parùm opus habeant.

Cibos enim aliter non attrectāt, nisi inauratis quibusdam aut aureis & argen-

P 2

teis



teis bacillis, loco nostrarum fuscinularum;  
ea inter edendum adhibita cura & atten-  
tione, uti cibos, quantumvis tenues &  
minutos, aliter non nisi bacillo capiant, ca-  
neantq; ne quid decidat: parum sed sæpè bi-  
bunt, è cyathis perexiguïs: omnibus conui-  
niis fœminas aliquot adhibent, hilaritatis  
ergo, quæ cantu, salibus, argutiis, risum ex-  
citent, & conuiuas oblectent, musicos item  
alios, diuersis ludentis instrumentis, salta-  
tores & comædos, scitos apprimè fabularũ  
actores. Vno conuiuium maximam diei par-  
tem consumunt, ob varietatem multitudi-  
nemq; missuum, eò interdum splendidio-  
rum, quò maior est conuiuæ & conuiato-  
ris dignatio (ut videre est in descriptione  
itineris sodalium, religiosa familia Augu-  
stiniana, in secunda historia nostræ parte,  
ubi mentio fit conuiuij, quo excepti illi sunt  
à præside Chinchienti, & prorege Auchie-  
onio) & ludicra iocæque epulis interposita.  
Vni conuiuæ multas adponunt mensas, con-  
tinuas, quò numerum conuiuarum pro cu-  
iusq; conditione discernant. In prima men-  
sa, cui hospes adsidet, cocta fercula collocant,  
&



& hypotrimmata, panemq; sacchariten, loco bellariorum, ceteris sequentibus mensis omnibus diuersos imponunt cibos crudos, caponum, pullastrorum, anatum, gallinarum, frusta salitæ bubulæ, aliæque edulia, quæ de mensa non tolluntur, donec, finitis epulis, conuiuæ discedant; tum demum conuiuatorum famuli discedentibus conuiuis, ad ipsorum usq; adeis incoctas dapes anteferunt, ibiq; postea omnes multis cum cærimoniis relinquunt. Ad epulum proregibus aut legatis Regis præbitum, tantum pomposæ magnificentiæ adhibetur, tantum in id sumptuum effunditur, ut conuiuatoris fortunarum magna pars huiusmodi profusione pereat. Continuis enim viginti diebus agitari, idemq; epularum & adparatum omnium, ultimi dici, qui primi fuerat, splendor & ornatus esse solet. Festa, feriasq; suas omnes noctu ad interluniū celebrant, multis cum modulis & concentibus musicis, aliisq; inuentis periucundis: primus præsertim anni dies ipsis adeò festinus est, qui, ipsorum more, primus est dies interlunij, mense Martio. Eo die perquàm splendidè mares

P 3      vesti-



vestiuntur, fœmina monilibus suis, nouo habitu excoluntur, domus & ianua tapetibus, pannis sericis, variisq; telis aureis exornantur, & floribus ac rosis, quibus tum temporis scatet regio, consternuntur. Præ singulis foribus pluscula ingentes arbores plantantur, à quibus tum multa suspenduntur lumina: arcus triumphales, quorum, ut dixi, magna per vias passim est multitudo, frondibus & viridi gramine conuestiuntur, faces ad illos, umbella Damascena, aliusq; generis serica tela adpenduntur. Festiuitatibus hisce intersunt sacerdotes, magnificis vestibus induti; hi, in altaribus cœli, aliorumq; inanum suorum numinum sacra faciunt, multas accinunt cantilenas: vniuersa denique gens eo die letitiam & hilaritatem suam, cantu, fistulis, multipliciumq; organorum musicorum suauissimo concetu attestatur. Illi, quos nomenclauimus religiosæ familiæ sodaleis confirmarunt, se vidisse illic panduras maiores minoresq; psalteriam, fidiculas, buccinas, clauichordia (quæ vocantur) lyras, tibias, aliq; musica instrumenta, in nostrum morem,

&



Et, quamvis forma materieq, à nostris di-  
uersa videantur, pulchrè tamen posse singu-  
la internosci. Harmoniam vocum ad in-  
strumentorum modulos, mirificè, concentu  
perquàm suavi, reducere callent, sonorumq,  
dulcium pleraque genera habent. Per sol-  
lenneis hosce dies multa eduntur spectacu-  
la, multæ aguntur comædiæ, visentibus iu-  
cundissimæ, atq, è vestium, & reliquo con-  
uenienti adparatu haud difficulter agno-  
scendæ. Interim dum hæc actitantur, ad-  
stant mensæ, diuersis piscium, carniûmque  
edulijs, pomis fructibusq, varijs, vino item  
suauis è dactylis confectò, immixtis alys li-  
quoribus, sapore illud, odoreq, gratissimum  
reddentibus, onustæ. Toto eo die epulis &  
cōpotationibus, quantum possunt, tam pro-  
phani, quàm sacricolæ, indulgent, & hoc o-  
mninò sibi persuasum habent; ita sese omnem  
reliquum annum prosperè, aut infelici-  
ter traducturos esse, prout diem eius pri-  
mum transegerint. Hæc aut nolo intelligi  
de ferijs, aut Diuorû apud ipsos memoria sa-  
cris, aut tunc, cùm negotia quæpiam illis è vo-  
to cesserint, sollēnibus, ne æquo simplici-  
or;

P 4

quam-



*quamvis & horum permulta sint. Hi enim homines summa animi contentione, totisq; viribus tristitiam omnem fugiunt.*

## De mutuis salutationibus

Chinarum, & tùm vſitatis  
apud ipsos gestibus.

### CAP. XIX.

**N**ulla hætenus, toto terrarum orbe, quæ quidem cognita sit, natio, earum etiam, quæ ferissimæ & intractabiles habentur, reperta est, quæ nõ suo quodam more, ciuilitatis quidpiam vsurpet, comensq; mutuò in congressibus & colloquijs, aut alijs tractandis negocijs, & honorificas salutationeis adhibeat, quod & olim factum, vetera historiarum monumenta, & apud eos, qui nostra ætate innotuerunt, populos, hodièque fieri, eorum quæ visa illic & audita sunt, experientia satis superq; testatur. Ego verò hac in re, Chinas omnibus alijs totius orbis gentibus superiores esse, pro certo habeo, confirmantibus omnibus ijs, qui id ita se habere, ipsimet sunt experti, totq; uti eos  
cari-



cerimonijs, honorificisq; gestibus: ut integris etiam libris conscripserint præcepta ciuilitatis morum, quibus erga cuiusvis conditionis homineis utendum sit. Horum ego quosdam, ut ad propositum meum, & ad probationem eorum, quæ à me allata sunt, pertinere visos, ex omni numero excerptos, eadem tamen breuitate, quam huc usque in succineta hac historica descriptione obseruauimus, commemorabo. In ciuilitatis summæ esse Chinæ putant, in occursum congressuue, etiam parum inter se notos, mutuo sese non salutare. Vulgus salutandi hunc ritum obtinet; Alter alteri obuius, sinistram manum clausam, dextra operit, deinde utraq; manus unâ pectori adprimit: multa q; inclinatione capitis, indicat, tam benè obuio huic sese cupere, quam arctè manus inter se sint occlusæ, beneuolentiamq; istam non in externis solum gestibus consistere, sed in intimo etiâ pectore inherescere, multis in eam sententiam, interim dum manus hoc modo implicat, additis dictis phaleratis. Proceribus & aulicis alius mos est, isq; priore ciuiliior habetur; & talis est: Obuij inter se, utriq; consistunt,

P 5

sistunt,



sistunt, & dispansis ambobus brachiis, digitos manusq; mutuò implicant, in arcus formam incuruatos; sepius ac sepius intereà sese inflectunt, mutuò salutantium honorifico certamine, uter utrum precedere debeat: quoq; nobiliores illi sunt, tantò diutius his moribus inter sese contendunt. Plebcius, ubi quempiam in via, primariae notae virum, conspexerit, in vestigio consistit, tacitusq; inclinato capite expectat, dum ille transierit: tametsi maxima vulgi pars, id, non tam urbanitate, quàm metu pœna faciat. Huius enim moris negligentes, continuo cunctos atrocibus & diris verberibus mulctari, experientia docuit. Si quis è plebe, Loitium aliquem fortè alloqui velit; ubi in eius conclaue est ingressus, in genua statim subsidet, & inclinato, ad terramque deiecto capite, genibus nixus, in medium conclaue pergit, ibi defixus, quid petat, demississimè, sermone aut scripto explicat: responso accepto, eodem, quo ingressus fuerat, modo, genibus egreditur, cauet tamen, ne Loitio tergum obuertat, donec è conclavi discesserit. Si quis honore  
sibi



sibi & autoritate parem inuisit, frequentibus & decoris inclinationibus inuicem sese honorant, & carimoniosis gestibus alter alterum superare conatur, quibus multum temporis & verborum perditur. Si amicus amicum inuisat, is, qui interpellatus est, eum qui interpellarat, domum redeuntem, in viam usque honoris causâ, deducit. Sed hoc oppidani potius, eius denique urbis incolæ, conditione pareis, factitare consueverunt, quàm cetera hominum turba. Si aliunde aduentans quispiam amicum in urbe, aut municipio interuisat, aut vocatus, hominis ædes ingrediatur, aut fortè in vicino ei occurrat: oppidanus ille, si fors tenuiori veste indutus sit, adeuntem & adloquentem aduenam, tametsi etiam consanguineum, aut veterem familiarem suum, ne uno quidem verbulo excipit, seque vidisse ipsum, aut unquam nouisse, omninò dissimulat, confestim in suas ædes reuertitur, vestes quas habet splendidissimas, depositis prioribus, induit: Tum demum progreditur, hospitem compellaturus, multis ei  
babi.



habitis honoribus, perinde ac si paulo ante ille in adibus eius non fuisset, aut domi ipsum quaeritasset. Mos hic apud Chinas constanter observatur, quippe à maioribus profectus, & inter religionis mysteria habitus. In peregrinos mirè hospitaleis Chinae sunt, aduentantibusq; statim bellaria multiplicium hypotrimmatum & fructuum, vinum item, aut aliud quoddam potionis genus, populis hisce admodum familiare, è præstantibus quibusdam magni in re medica usus, herbis confectum (quod non, nisi calidum bibitur) adponunt. Eosdem etiam inter se vicini mores servant: si cui incolarum fortè conterraneus aliquis occurrat, qui à patria aliquandiu absuerit, alter novum hospitem rogat, cibum sumpserit, nec ne. Si comedisse se negat, in proximum eum introducit diversorium, & adparari iubet aduentitium convivium sanè quàm opiparum, quod quidem facile potest fieri, cum oppida, urbes, suburbia, cuncta denique hominum habitationi accommoda loca, huiusmodi cauponis sint frequentia, in quibus levi precio delicatè epulari liceat, ob cibariorum omnium vili-



*vililitatem, cuius supra memini. Sin ille aliunde rediens popularis, edisse se dicat, in aliam tabernam, in qua hypotrimmata, fructus, aliaq, huiusmodi penuaria venduntur, adductum eum, lauto tragematum adparatu, multisq, editis amoris & benevolentiae signis, amicus exhilarat. Muliebre sexum, cuiuscunque qualibet conditionis sit, tam alienigenas, quam indigenas, in honore magno habent, maritas in primis, adeo, ut qui erga aliquas ex illis turpe quidpiam effutierit, aut obuiam factis nihil honoris exhibuerit, aut pratercuntibus via non decesserit, infamis habeatur; quamuis adeo raro, adeo insigni modestiae cura habita, in publico conspiciantur, ut vel ob hoc ipsum, omni cultu & honore dignae videri possint. Chinae, praesertim nobiles, erga externos percomeis atque officiosi sunt, ut apparet ex itinerario Augustiniani instituti religiosorum, qui hoc ipsimet sunt experti.*

De honestate & disciplina  
mulierum, & quibus conditioni-  
bus tolerant impudicas.

Cap.



**R**eges, magistratúsque huius Regni, omni cogitatione, cura, sollicitudine & diligentia in id incumbunt (quemadmodum è legibus ipsorum constat) uti omne flagitiorum genus è regionibus suis exterminetur, quam ob rem, cunctis, quibus possunt, rationibus, & modis, ea extirpare conantur, & sceleratos, nulla planè data venia, seuerè coèrcent; quæ res facit, ut incole harum terrarum omnes, summo studio caueant, ne quid reprehensione aut pœna dignum perpetrent. Cùmque inter alia, mulierum impudicitia & petulantia, rempublicam, quantumvis benè constitutam facile pessumdet atque euertat, optimis legibus & decretis huic scelerum labi aduersantibus, tantum malum ingenti labore prœcauent: adeò ut vetustum hoc, amplissimūq; Imperium alijs recentioribus minoribúsque Regnis hac in parte minus damni fecerit. Mulieris enim impudice & lasciuæ nomen tota urbe facile innotescit, quamuis rarò in publico conspecta. Inter alia hac de re Chinarum  
pla-



placita, istuc etiam est, quo parentibus dis-  
sertè præcipitur, ut filias, quamprimum  
per earum ætatem, & paulò constantius iu-  
dicium licuerit, domi inclusas, atque secre-  
tas contineant, & ad honestas occupationes  
atque negotia instituant, ne ullus ignavia,  
scelerum omnium parenti, apud ipsas locus  
relinquatur. Hac lege nuptæ etiam alli-  
gantur, arctè adeò custodita, ut ne Pro-  
regum quidem, & præsidum, imò ne ipsius  
quidem Regis vxoribus & filiabus eius gra-  
tiam fieri fama sit, sed continenter eas  
aurum, sericam, linum nendo, aliisue ope-  
ris manuariis diem transigere; ita ut igna-  
uæ, laborumq; fugientes summo in contem-  
ptu infamiq; vitam degant. Iuencule  
itaque filie, his moribus educate atque  
innutritæ, matrum insuper honestis per-  
petuò negotiis occupatarum positis ob ocu-  
los exemplis incitatæ, omnem, vel de ma-  
lis solùm cogitandi, occasionem amittunt;  
adeò, ut hæc nunquam satis laudata ho-  
nestissimæque consuetudo apud eas in na-  
turā iam abierit. Vnde sexus muliebris hæ-  
rum regionū summis in molestijs oneribusq;  
duce-



duceret, siocium agitare cogeretur. Continua isthac & spontanea assiduitas, eas usque adeò in officio continet, ut in publico aut è fenestra prospectantem honoratæ conditionis scæminam adspicere, nouum, planèq; monstrum videatur. Viuunt enim mulieres honestissimè. Sin contingat, ut alicui earum necessariam quampiam ob causam, ut, ob morbum, aut mortem parentum, aut alia huiusmodi (aliàs enim mutuò sese interuifere ipsarum moribus haud est receptum) adibus exeundum sit, lecticis occlusæ, neminiq; conspicienda gestantur, ut alibi diximus. Meretrices idèò tolerant, ut hac permissione, caterarum mulierum pudicitia illæsa conseruetur, grauioraq; mala, in urbibus aliàs cooritura, auertantur; ita tamen, ne probis & pudicis quicquam inde detrimenti inferatur. In suburbijs enim scorta degunt, à ciuium conspectu, urbisq; domicilio exclusa, ea lege atq; omine, ne extra prostibulorum peculiariter ad hoc destinatorum limina pedem unquam efferant; nène, ni capite puniri velint, in oppidum ventitent: atque, inter alia, meretrices tam abie-



abiectione sunt, ut plerunque proletarijs, aut  
mancipijs nata, aut peregrinae sint, aut à  
matribus in ipsis cunis, ad turpitudinem  
hanc subeundam, diuendita, quae perpetuae  
durissimaeque seruitutis species, Chinis admo-  
dum frequens est, ut pauperibus viduis,  
quae non habent, unde uiuant, liberos suos  
vendere liceat, quorum seruitus non nisi  
morte terminatur: fœdæque hæc consuetudo,  
tàm altas toto regno radices egit, ut, mul-  
tos illic negotiatores repias, qui maximam  
fortunarum suarum summam in huiusmo-  
di mercatione collocatam habeant. Emunt  
enim puellas, sedulo educant, psallere, musi-  
cisque instrumentis scitè ludere docent, lasci-  
uiisque aliis moribus imbuunt; nubileis factas,  
in lupanaria contrudunt, quorum supra  
meminimus. Primo die prostitutionis, eas  
ad quendam, cum potestate omnibus alicu-  
ius urbis prostibulis à Rege præpositum, ad-  
ducunt; is earum patrocinium suscipit, ca-  
uetque, ne quid turbæ eam ob rem oboriatur.  
Elapso eo die, præfectus hic in eas nihil am-  
plius iuris habet, præterquàm quòd singulis  
mensibus semel ad scortum in lupanar itat,



& pensitationem tantam exigit, quantam  
& eius, à quo in id loci coniecta est, & ipsius  
scorti consensu, prostituta illi imposuerat, ob  
sumptus scilicet eousque à negotiatore, cum  
in emendam, tum in educandam, atque in  
eo vita genere erudiendam puellam factos.  
Muliercula hæ festinæ blandæq; sunt, can-  
tant luduntq; suauiter, vestiuntur eleganter,  
colore fucos mentiuntur. Multæ inter eas o-  
culis captæ fœminæ sunt, liberis parentibus  
natæ: hæ comuntur & pigmetis inficiuntur,  
à cæteris, quib. integer visus, maximaq; flo-  
rentis ætatis pars in lustris hisce transacta  
est; neque quoad viuunt, è septis istis audent  
excedere, edicto scilicet publico prohibetæ, me-  
tuentib. Chinis, ne turpitudine sua aliquid  
damni dent. Quidquid ultra precium, quod  
nutriciis illis, de quibus diximus, suis, pen-  
dunt, vulgato corpore meretur, id omne præ-  
fecto ei, cuius mentionem feci, exponunt. Is  
diligenter totum eum quæstum custodit, & quot-  
annis, accepti Censoribus rationem fert. Post-  
ea vetulis iam meretricibus lucrum illud par-  
ce atque demensum redditur, quò scilicet, si  
sors ita ferat, vitam tolerent, neu extremè fa-  
me



me laborent, quod si fortè acciderit, aut tantum eis stipendium præbetur, quo alantur, aut in ptochotrophia egenorum debiliū, quos Rex suis redditibus, ut suprà indicauimus, sustentat, recipiuntur. Pueri à matrib. egestate pressis venditi, ad opificia discendū adhibentur, quæ ubi perdidicerint, institutori aut domino suo artifice, ad certū tēpus operas suas addicere coguntur; eo elapso, herum opificem non solum libertatem ipsis restituere, sed etiam uxoreis conciliare, & cōditiones querere, ad tēcta laresq; comparādos auxiliareis manus porrigere, quī victū parent, viam atque rationem idoneā ostendere, necesse est; nisi spontè faciant, à magistratu eò adiguntur. Inuicem tamen isti magistris hisce suis, primo ineuntis cuiusq; anni, aliisq; item certis quibusdam diebus, honoris causā, & declarandæ gratitudinis ergò, munera quædam offerunt. Liberi verò ipsorum, sui planè iuris euadunt, neque patronis suorum parentum vlla re sunt deuincti, præterquàm, quòd beneficiorum in hos ab illis collatorum, memoriam retinere debeant.



De forma nauium , quibus  
tàm in mari , quàm in flumi-  
nibus , Chinæ vtuntur , &  
quomodo toto anno  
piscibus abun-  
dent.

## CAP. XXI.

**N**auium & cymbarum , quibus Insu-  
la, longitudo Oceani, multaq; magni-  
tudine insignia, per omnes penè Chinarum  
regni prouincias decurrentia flumina ena-  
uigantur, ingens numerus est; neque minor  
hominum in ipsis nauibus tecta lareisq; ha-  
bentium multitudo, adèd vt fluuij frequen-  
tium oppidorum speciem referant, & aequè,  
atque terra, habitatoribus pleni existimen-  
tur. Perfacile, leuiq; sumptu naueis Chinæ  
construunt, cum lignis, ferro, aliisq; ei rei  
idoneis materiis abundant. Picis genus ha-  
bent, nostro longè tenacius, qua in modum  
lapidum nauigia indurescunt: hæc commo-  
ditas, & copia hominum, nauicularia peri-  
torum, efficiunt, vt tàm varij generis na-  
ueis à Chinis edificentur, quarum cuius pe-  
culiare



culiare nomen est: alteros quoque alteris cedere utique necesse est, cum tantam hominum collunem terra vix sustineat. Maxima nauium, quibus longissima nauigationes conficiuntur, Giunchi vocantur; quibus si ad bella uti volunt, castellis ad proram & puppim exaedificatis maiores faciunt: quod cum orientalibus & Lusitanicis nauibus in Indiam euntibus ipsis commune est. Earum tanta copia est, ut praefectus classis quispiam intra unum diem ad sexcentas cogere queat. Onerariae Giunchis forma & magnitudine penè aequaleis sunt: hoc solo differunt, quod prora & puppe sunt illis humiliores. Alia habent minora nauigia, nostris cata-scopijs similia: ea quatuor habent ab uno latere ingētes remorum ordines, quorum singuli à sex, aut, ad minimum, à quatuor remigibus aguntur. Aptae admodum sunt enauigandis fluminibus vadosioribus, minusq; profundis, incolarum lingua Bancoëns vocantur. Alia quaedam latiores naues, lanteas ipsi vocant, octo remorum ordines ab uno latere habent, singulos à sex impulsos hominibus. His duobus nauigiorum

23



rum generibus prædones, quorum ingens eo mari copia, potissimum uti cōsueuerunt, ob agilitatem, ad fugam & prælium quoque, si res ferat, expeditis. Aliud præterea nauium genus fabricant, longitudine triremibus par, sed latitudine insigni; hæ modico etiam flumine feruntur, ad mercimonia hinc inde transuehenda aptæ, quòd agileis sint, & facili labore, in fluminibus, quæ velis, impellantur. Alijs insuper multiplicibus nauigys Chinae abundant, in quorum aliquibus visuntur pergula inauratæ & picturatæ, quomodo eæ potissimum excultæ sunt, quæ Proregum & magistratum voluptati seruiunt. Rex in omnibus prouinciis earum nauium, quæ Giunchi vocantur, ingentem habet classem, milite ducibusq; instructissimam, quæ præsidio sit nauigys tum ipsorummet Chinarum, tum exterorum finitimorum negotiandi causâ in Chinam trajcientium, ut tutò eò accedant, abeantque, nec à piratis infestentur: eadem fluminibus tuendis diligentia adhibetur, quorum custodia, eam ob rem perpetuò parones aliquot armati ( Breganti-  
nos



nos vocant) præfunt: ac vniuerso exercitui  
 nauali à rege stipendia præbentur. Picis,  
 qua vtuntur (id Giapetæ, appellant) ma-  
 gna, vt dixi, passim est copia; & est certa  
 quædam massa, è calce & pinguedine piscis  
 cuiusdam, quem Vname Chinae vocant,  
 confecta, non tenax solum, sed etiam tere-  
 dinibus parum obnoxia; vnde vna China-  
 rum navis, duabus nostris durabilior est,  
 atque diutius etiam duratura nauigia es-  
 sent, ni obstaret tenuitas. Antlia, eo-  
 rum, & forma à nostris diuersa, & ar-  
 tificio ac vsu ipsis sunt præferenda. E mul-  
 tis enim partibus coagmentata sunt, in-  
 star instrumentorum, quibus in irrigan-  
 dos hortos aquæ deducuntur, in longum in-  
 tus nauibus adfixæ, ad hauriendum vsque  
 adeò accommodatæ & faciles, vt vir uni-  
 cus sedens, pedibus rotam circumagat, per-  
 inde ac si scalas ascenderet, sentinamq;  
 magnæ navis (tametsi aqua redundan-  
 tis) intra horæ vnius quadrantem, totam  
 exhauriat. Multi reperiuntur in nauibus  
 & phaselis nati atq; educati, qui in siccū pe-  
 dē nunquam tulerint, neq; aliud quidquam



opificij didicerint, aut alio modo victum sibi parare nōrint, quā quam a parentibus haustum & hereditate relictum accepere; quod scilicet mercimonia ab uno in alium locum transuehant, hominesq; ab una in alteram ripam transportant. Nuptas liberosq; suos eadem in naui secum habent: ita, ut sēpē in urbem quāpiam venientes, urbsne sit, aut quo locorū delati sint, ignorent, cū urbe nihil indigeant, & in nauigijs animantia diuersi generis, quibus victitēt, nutriant, cuiusmodi sunt gallinae, anates, colūbae volucresq; aliae. Sunt praeterea in nauibus multae cauponae, mercatorumq; tabernae, mercibus raris, preciosis atque exquisitis, refertae, quas vel in urbe omnibus rebus instructissima desideres: magna copia serici, succini orientalis, moschi, aliarumq; rerum, superfluarum verius, quā necessariarum, omnium certē paratu faciliū. Marginibus seu extremitatibus nauium, impositae conspiciuntur testae, consitae malis aurantijs, alijsq; fructibus; fictilia item vasa complantata floribus & oleribus quibusdam, esu iuxta atque aspectu periucundis. In media



*dia naui viuaria habent, & piscium receptacula, quos retibus assidue capiunt. China enim cunctis, quæ hoc nomine commendari possunt, regionibus, piscosior est, ita ut (quæ admodum dixi) propter commodam multitudinem nauium, & innumerabilium piscatorum, mare & flumina perpetuò sulcantium incredibilemque piscium copiam, retibus, & alijs instrumentis quotidie capiendum, pisces inde à quingentis usque milliariibus in viuaria, quorum supra memini, conuehantur: ea singulis diebus recenti aqua instaurantur, piscesque omnes, eo, quod naturæ cuiusque conuenit, cibi genere nutriuntur. Ad piscatum menses commodissimi sunt, Februarius, Martius, Aprilis, quando fluuij intumuerint: siquidem tùm marini pisces eos intrant, ibique onæ pariunt, quæ postea à piscatoribus excipiuntur, hoc artificio victum queritantibus, & pisceis in ijs, quas in sua quisque naui habet, piscinis, educantibus. Ad piscatores alia deinde naueis è regno aut prouincia ventitant, piscesque illos emunt, & scirpiculis, seu corbibus è vimine contextis immittunt, quæ ne aqua*



*uspiam penetret, papyro munita sunt, oleo  
 macerata: indies, ut dixi, recentem aquam  
 piscibus affundunt, & cibum dant. Pau-  
 pes, huiusmodi pisces emere solent; eosq; im-  
 mittunt septis, q̄ eā ad rē domi habere solent;  
 ibi ingrādescunt, & palato fiūt acceptissi-  
 mi; paruuli quoq; in fossas urbanas (quib.  
 in hoc negotio ut plurimum uti solent)  
 deijciuntur: in quibus in epulas Prore-  
 gum, magistratuum & purpuratorum ad-  
 seruantur, neque cuiquam, nisi ipsorum  
 consensu, ibi piscari licet. Officia pala-  
 tina, seu Primateis, sæpius animi causā  
 in fluminibus circumuehuntur, nauibus  
 quibusdam tectis, conclauiumque splen-  
 didè & affabrè, multis concinnè inter-  
 positis fenestris, suppositisque trudibus,  
 exædificatorum adparatu visendis. In  
 his illi sub auleis & umbraculis pre-  
 tiosissimis & pulcherrimis, iucun-  
 ditate sanè & commodita-  
 te perquàm opta-  
 bili, confi-  
 dent.*

De



De mirabili quodam modo,  
 quo anates ingenti numero, mini-  
 móque sumptu Chinæ pascunt,  
 & de ingeniosa iucundá-  
 que ipsorum piscan-  
 di ratione.

## CAP. XXII.

**C**um hoc regnum usque adeò populo-  
 sum sit, quemadmodum ex hac histo-  
 ria satis intelligitur; neque etiam otiosi seu  
 ignavi ferantur atque tolerantur; ingenia  
 utique paupertate laborantium, necessita-  
 te, artium omnium inuentrice, coguntur,  
 ut novis indies artibus excogitatis, victum  
 sibi parare contendant. At, quòd multi  
 videant, regionem habitatoribus esse undi-  
 quaque plenam, & ne palmum quidem a-  
 gri reperiri, cui suus desit cultor: aquas ipsi,  
 & ingentia flumina scrutantur, suisq; in  
 nauibus & cymbis, ut dixi, habitant: in his  
 familiam sub tuguriis quibusdam affabrè  
 structis, ut ab iniuriis imbriū, aestus ac tem-  
 pestatū defendātur, continent. Hic quoq; eā  
 quisq; exercet artem, ac opificium, quod scit,  
 & cuius heres quasi à parente relictus est,  
 unde



unde complura apud ipsos huiusmodi inuenta atq; artificia sanè admiranda videre licet: inter quæ ex præcipuis vnum est, educatio anatum; quæ tanta totius gentis interest, ut non exiguus indigenarum numerus ea victum queritare cogatur; quæ sanè stupendo hocce modo instituitur. Caueas quasdam habent ex arundinibus textas, quæ puppim nauigij longitudine æquant, quæis commodè ad quatuor millia anatum includantur: hi quotidie penè in nidos ad id sigillatim in caueis paratos oua edunt. Is itaque, qui hoc questus genere victitat, oua nidis exempta, æstate latamini bubalino aut etiam anatino (quod præcalidum est) subiicit; cui tamdiu ea subiacere patitur, donec pullos generasse videantur: tùm è fimo sublata singula ordine percutit, & in vnoquoque anaticulam inuenit viam: ea verò dexteritate ouum pandit, ut vix vnquam pullus aliquis ictu moriatur, non sine spectatorum admiratione, qui tamen parùm frequentes adcurrunt, cum ars hæc peruestita, & hosce apud populos vulgò nota sit: cumq; huiusmodi industria annuatim questuo-



*stiosa admodum sit, & finus hyberno tempore, externis, ut calefiat, adminiculis indigeat, alio non minus sagaci, & ingenioso, quàm prior ille est, modo, penurie huic succurrunt, finum in storeas quasdam expandunt: huic oua imponunt, oua, stramine, aliâq; igneis facile concipiente materie cooperiunt, eam incendunt, flammamq; tamdiu alunt, donec oua calefiât & pullescant, tunc demum, eadem, qua prius diligentia pullos ex ouis excludunt: tam felici prouentu, ut cauea anaticulis, instar formicosorum aceruorum, scateant. Eas deinde alias in caueas cogunt, in quæ sunt anates grandiores ad pullos subter alas condendos & fouendos adsuefactæ, donec rostra eorum fiant cornea, & dum ipsimet cibum capere, prata petere, & cum cetero grandiorum anatum grege pastum ire queant. Ac quamuis interdum grex viginti millium numerum excedat, pertenui tamen sumptu, & eadem arte, qua educatæ sunt, nutriuntur, singulis diebus manè, obiecto oryza cocta paululo, quod ubi vix deglutierint, ostium neffotrophij, quæ versus aquas exitus patet, adaperitur,*



ritur, ponticulus è cannis textus, naui in-  
 ter & ripam excitatur, eum transeunt ana-  
 tes, procursu adeò impetuoso, vt altera su-  
 pra alteram prouoluatur, multo spectanti-  
 um risu. Eo modo toto die in pastione sunt,  
 prope aquas, & in agris oryza consitis, cer-  
 to insuper ab agrorum dominis precio ana-  
 tum nutritoribus persoluto, ob arua hac ra-  
 tione ab nocentibus herbis purgata. Cùm  
 ad uespera scit, anates ingenti numero in a-  
 quas prouunt, ad signum tympani pulsu, è  
 nauibus datum, quo conuocari solèt, & per  
 ponticulum, de quo antea, in caueas suas re-  
 deunt: ceterum quisque grex è sua navi da-  
 tum signum probè internoscit, etiamsi ma-  
 gna adsit nauigiorum multitudo, quorum  
 etiam vnumquodque peculiari suo à cate-  
 ris soni genere discernitur, cui anates egre-  
 giè sunt intentæ. Hæc ars atque exerci-  
 tatio, Regno huic & frequens est, & per-  
 utilis, cùm maxima incolarum pars, his-  
 ce animantibus victitet: palato etenim  
 acceptissima, iucundissimaq̃, & ingenti  
 numero, viliq̃ pretio sunt comparabileis,  
 & per leui sumptu nutriuntur.

Vtun-



Utuntur etiam China genere quodam piscationis, non minus, quam pastio anatum sit, artificioso, multa cum spectatorum voluptate. Rex in singulis urbibus, ad flumina consitis, peculiareis quasdam casas habet, in quibus annuatim multi corui marini aluntur, quorum opera in piscatu, ijs mensibus, quibus pisces ova parere desinunt, in hunc modum uti populares solent. Eximunt coruos è caneis, eosque ad ripam fluuij deferunt, in quo multas habent paratas cymbas, quas, mediam nauigij partem, aqua impletas, continuo ordine in orbem locant: coruos inde subter alas funiculo oblongo vinciunt, & ingluniam hactenus constringunt, ne pisces deglutire possint; in aquas dein eos deijciunt, ut pisces capiant; id verò coruis, ut auibus aquaticis haud ingratum, supra modum auidè & celeriter in flumen ruentibus; submergunt tum se, atque ubi tam diu sub undis latuerint, donec rostra collag, piscibus ad ingluniam usq, compleuerint, emergunt, & in cymbas eadè celeritate reuolant, captosq, pisceis in aquas, eam ob rem, ut supra dixi,

in



*in scaphis adseruatas, è rostro colloq<sup>3</sup> effundunt: ne scilicet minores pisciculi moriantur; redeunt euestigiò in aquas, prædam nouam petitori; & hunc laborem totis quatuor horis continuant, tanta agilitate, ut neuter alteri impedimento sit, donec cymbæ piscibus sint oppletæ; tum demum, nodus ille, quo ingluuies constricta erat, exsoluitur. Corui in aquas rursus dimittuntur, ut immersi, sibi iam ipsis pisces capiant, cibumque querant, quod magna auiditate faciunt, quia die piscatum antecedente, demensum illis minimè prebetur (certus, id est, milij numerus) quò, fame stimulante, fiant auidioreis. Exsaturati, ubi aliquandiu in aquis oberrarint & lusitauerint, ex aquis exempti, in caueas reportantur, ibique ad menses usque piscationi aptos, detinentur, quibus redeuntibus, ternis quibusque diebus, ad piscatum corui adhibentur, cuius usque adeò cupidi, usque adeò adpetentes sunt, ut, toto anno, si liceat, nihil facturi libentius videantur. Tribus mensibus, Februario (ut dixi) Martio & Aprili, tanta piscium multitudo capitur, quæ toti Regno*



gno sufficiat, ijs, quos priori capite exposui, modis. Cum igitur tanta omnium etiam aliarum rerum copia Chinæ abundant, etiam longè à mari distantes, singulis diebus, piscibus, si volunt, recentibus vesci possunt.

**Qua sollennitate Chinarum**  
Rex, aliorum regum & Principum,  
sui etiam Imperij urbium & po-  
pulorum legatos ex-  
cipiat.

## CAP. XXIII.

**C**um, sequenti capite, mihi de legatione dicendum sit, quam Philippus Hispaniarum Rex Catholicus, pro insigni suo rei Christianæ promouenda studio, ad Monarcham amplissimi Chinarum Regni mittere statuerat; cur item gravibus de causis ea dilata sit, certè scilicet occasionis, quæ non procul abesse tum videbatur, expectanda gratiâ: non ineptè facturum, neque à finibus propositi mei discessurum me esse existimo, si nunc ostenderim, quibus honoribus, qua rituum morumque sollennitate Chinarum

R

Rex



Rex externorū regum & populorū legatos, ad sese quibuscunque de rebus missos excipiat atq; tractet, quod summa, scituq; ne-  
tquam indigna humanitas in hisce ritibus eluceat, è quibus, quanta sit gentis eius, de qua dicimus, urbanitas & diligentia, satis superq; cognoscitur. Omnes igitur, qui legatorum titulo in Chinam veniunt (nihil pensi, ab amicis sint, an ab hostibus missi) tanto cum honore excipiuntur & coluntur, adeoq; magnificè tractantur, ac si ipsi coram eorum domini adsint. Neque enim solū, toto terrarum orbe, apud omneis Principes, iure gentium usurpatis legatorum priuilegijs fruuntur, in primis verò, ne ipsismet iniurie quicquam, molestieue inferatur; sed, quamuis hostilis, & Regi, Reiq; publicæ damnosa sit legatio, nihilominus tamen singularibus multis immunitatibus iuribusq; gaudet. Statim ubi legatus aliquis, uspiam ad Regni fines accesserit, qui proximus ab eo abest, vicinæ urbis præfectus aut magistratus, obuiam ei ipsemet procedit; multo cum honore verborum, & insigni morum comitate hominem excipit: Præfectum verò omneis eius urbis Loity, cuncta officia re-



regia, duces, militesq; praesidiarij, magna  
popa comitantur. Orator è naui egressus, pe-  
dib. terram attingere haudquaquam permitti-  
tur, quantumvis vel in pximo diuertendū  
sit, sed continuò ab octo hominibus in littore  
maris cum expectantibus, gestatoria sella e-  
burnea, aut è pretiosa alia materie facta, ho-  
lofericoq; aut Damasceno, aut auro braçtea-  
to obducta, cuiusmodi singulis in urbib. op-  
pidisq; ad subitos huiusmodi casus, mādatio  
regis habetur, suscipitur. In omnib. etiā vr-  
bib. oppidisq; regni grandiorib. sumptuosam  
pamplamq; domum Rex habet, in quā prin-  
cipū gētiumq; exterarū legati, proreges itē,  
praesidesq; prouinciarū & magistratus recēs  
creati, cum ex aula ad munia sua obeūda in  
prouincias abeunt, hospitio recipiuntur. Hæ  
adeis varia supellectili, stratis, lectulis, ali-  
isq; utensilib. necessarijs, cunctis deniq; reb.  
instructissimæ ornatissimæq; sunt, & ingen-  
tis diuertentiū multitudinis, nemine alteri  
quidq; impedimēti aut molestiæ adferēte ca-  
paceis. In has aduentās Orator, eo, quē dixi-  
mus, comitatu, deducitur, siue equo vectus,  
siue lectica, quod vsitatus est, latus. Illic  
relinquitur, magna cum morum cæri-

R 2 moni-



moniarumq; pompa; certi adiunguntur homines, qui ipsi ministrent, mille itē, aut duo milliamilitū, cum tribuno, custodia causā: eodem modo, domum rediens, ad fines vsq; Regni honorificè reducitur. Sequenti, post caerimoniosam exceptionem, die, magistratus, aut Rector ciuitatis, legatum inuisit: & ubi, quæ assolent, ex eo quæsierit, rogat, unde veniat, à quo Rege aut Principe, quæue ob negotia missus sit? Quidquid ad interrogata responsi acceperit, quidquid percunctationibus his expiscatus fuerit, eius continuò Proregem aut Insuantonem (qui in metropoli cuiusq; prouincia perpetuò degunt) illius oræ seu tractus; Prorex aut Insuanto, euestigiò Regem & supremum senatum certiores reddunt. Rex statim aut opperiri legatum iubet, aut commeatu dato, potestatem illi sese adeundi facit: & eisdem magistratibus præscribit, quibus modis eum excipere, quibus honoribus excolere debeant, aut pro dignitate Principis, à quo missus est, aut pro ipsiusmet legati conditione: præfinit item numerum militum, qui cum comitentur; prætereà modum præstituit omnium  
sum-



sumptuum in eum faciendorum, usq; adeò examussatim, ut quanam epulae, quot ferula, cum ipsimet legato, tum eius comitibus & ministris, in singulos dies praebeanda, quibus in locis, quibus hospitiiis, quotidie diuertendum sit, definiatur. Exemplum diplomatis fidei publicae, obductae gypso tabula (ut saepe dixi) grandibus characteribus inscriptum est: nihil tamen aliud continet, quam nomē Regis, aut Principis, à quo missus est orator, cui, quocunque ierit, tabula illa praefertur. Sed codicillorum, quibus à senatu regio in aulam veniendi ei potestas datur, alia forma est. Hi enim chartae pergameneae coloratae inscribuntur, ad pensq; Regis sigillo confirmantur, pro more, dumtaxat hac in re, & in Proregum creatione, sollemni. Sumptus itineris legato totiq; eius comitatu, à Regis quaestoribus, & vectigalium praefectis ex fisco praebeatur: maximis ille honoribus, omnibus locis adficitur, splendide tractatur, lautissimis convivijs excipitur, magnifice donatur. Quo die urbem Taibinum legatus ingreditur, omnis Aula nobilitas, & cuncti summi consilij Regij senatores,



tores, cum suo Praeside (qui, ut China narrat, non minori maiestate, comitumque turba, quam ipsemet Rex, in publicum prodire solet) extra urbem ei obuiam procedunt: qui si à potenti aliquo regemissus sit, dextrum praesidis latus, sin minus, sinistrum claudit. Praeses inter eundem cum eo colloquitur, aut ipsemet aut per interpretes, perhumaniter rogans, qui valeat? quam commodum iter euenerit? aliaque huiusmodi: his colloquijs tempus effluit, donec ad Palatium suscipiendo Oratori destinatum, vetum sit: ibi verò, relicto illi, praeses quosdam adiungit, qui amice & hilariter cum homine confabulentur: ipse cum cetero comitatu domum redit; potestatem quoque Oratori facit, aliquot Loitios creandi, certum numerum captiuorum, ad mortem damnatorum, noxae eximendi, aliaque huiusmodi speciatim priuilegia tribuendi. Iis, qui legatorum titulo in Chinam veniunt, nihil quidquam molestiarum inferri aiunt, quantumuis vel enorme scelus admiserint. Id à vero non abhorrere, hoc, de quo nunc agam, experimentum docet. Lusitanus Indiae Prorex, quendam suorum ciuium, cui Bartolomeo



lomeo Porezio nomē erat, cum aliquot alijs, negotij cuiusdam ergò, Emanuelis Regis nomine, conficiendi, in Chinas miserat. Tum verò tēporis, legati quoq; Malacenses Cantone erant, in aulam Regis Chinarū, ad quē à suo rege mittebantur, profecturi. Hi Lusitanos apud Proregē Cantonēsem calumniabantur, & nequaquam reuera legatos eos, sed regionem eiusq; aditus & munimenta, speculatū missos esse dictitabant, uti postea reuersi, eam subigerent, quemadmodum hoc modo magnam Indie partē ditioni suæ subiecissent. Atq; calumnia hac minimè exsaturati, eò, impio & atroci animo, rem deducere cōtendebant, ut in vincula Lusitani conijcerentur, tormentisq; in eos quereretur. Ac sanè Prorex, cum Loitios urbis in cōsiliū prius adhibuisset, oratores Lusitanos comprehendendi, & dirum in carcerem contrudi iussit, cūque, quæstione asperè & diligenter habita, ea quæ facti erant, inter se non consentire animaduertisset (quandoquidem etiam eorum quidā, plus, quàm interrogatū, atq; omninò verū erat, fatebātur) sententiā capitis in eos pro-

R 4

nun-



nunciauit, de qua ad supremum Regium senatum retulit, ab eo confirmatam, ( quemadmodum unice auebat ) continuo exsequuturus. Senatus autem, cum intellexisset & considerasset, Lusitanos, legatorum specie tituloq; in regnum venisse: sententiam à Prorege Cantonensi latam, non solum minime ratam habuit, sed & confestim ei edixit; Lusitanos è carcere dimissos, sine mora incolumes in Indiam redire pateretur, omniaq; ipsis ad reditum necessaria, liberaliter suppeditaret, tametsi Malacenses oratores iam in aulam venerant, & omni studio in eorum necem cunctos exstimulare conati erant. Addebatur edicto: ut omnia vera sint, quæ Malacenses de ipsis detulerint, atque ipsimet adeò Lusitani sint confessi; eos tamen, quòd sub legationis nomine in Regnum venerint, neutiquam vlla esse molestia adficiendos. Ut ad propositum reuertar, aio, legatum recens aduentantem, ubi ab itinere sese recollegerit, sæpiusq; perhumaniter compellatus, atque à purpuratis & primoribus ad saliareis epulas aliquoties inuitatus fuerit, certo, sibiq; ad eam rem proficito



nito die, ad Regem admitti, honestissimo equestris ordinis nobilium, ipsiusq; summae Curiae Praesidis in Regiam deductum comitatu, tum eo, quo primum regem adit die, tum cunctis sequentibus, quam diu negotium illi cum Principe fuerit. Rex audit hominem in uno trium magnificentissimarum basilicarum, quarum supra mentionem feci. Legatus, rebus quarum causam venerat, expeditis, ad suum Principem remittitur, ingentis precij muneribus onustus: & in abitu per cunctas regni ditiones aequè honorificè liberaliterq; atque in aduentu, habitus. Oratores verò urbium & prouinciarum ipsius Chinarum Regni longè aliter tractantur. Eos enim nemo comitari solet, extra magistratum aut Rectorem regionis aut urbis, à qua ad regem legantur. Ei iniunctum est, ut legatos in regijs, eam ad rem destinatis, diuersorij hospitio suscipiendos, omniaq; eis necessaria abundè subministranda curet: causamque aduentus sciscitetur, quam cognitam, ille ad supremi consilij regij Praesidem, Praeses ad regem defert; simul diem designat, legationi audienda: accedit le-

R 5

gatus



gatus pedes, aut equo vectus, cuius ori frenum sine ore insertum est, in signum humilitatis debitaq; observantia. Quo die, ut mandata exponant, in Regiam oratores accersuntur, è diversorio cum eo è magistratibus, qui ordine modoq; prius deliberato, & constituto, ad eos antea ventitârat, egrediuntur. Vbi in amplam quandam, ante palatium Regium aream deuenerint, subsistunt; dùm quidam (quem magistrum cerimoniarum dicere possis) eò veniens, innuat illis, ut procedant, locumq; commonstret, in quo primùm in genua submittere sese coguntur, manibus, penè in supplicantium formam complicatis, quàm diu pomposa hæc cerimonia durârit, oculisq; in eum locū, in quo Rex est, directis. Hunc ad modum isti progrediuntur, quinque adhuc moribus hisce repetitis, donec in primâ palatij cœnatione peruenierint. Ea conclauis proxima est, in quo summum Curia præsidem, magna cum maiestate confidentē legati reperiunt. Is ad eorum postulata nihil respondet, verum, ubi Regi negotiū exposuerit, tū demum, quod æquum est, eis renunciat, per eundem è numero



*mero primorum seu magistratum, cui, in diuersoria Regia ipsos deducēdi, omnibusq; necessarijs rebus opportunè instruendi, Regio mandatu cura incumbit.*

De legatis, quos Hispaniarū  
Rex ad Chinarum Regem mittere  
constituerat; quæ causa legati-  
onis mittendæ, quæ postea  
differendæ fuerit?

## CAP. XXIV.

**H**istoria hac exigua, ea breuiter sum  
complexus, quæ in hunc vsq; diem de  
amplissimo Chinarum Regno cognosci po-  
tuere, multis tamen præteritis atque omis-  
sis ( quorum quidem narrationem in aliud  
tempus mihi reseruo ) non solum, quòd le-  
uia, sed & quòd summum multis stuporem  
atque admirationem paritura viderentur,  
cùm antehac inaudita planè fuerint, donec  
tandem tempus ipsum atque experientia  
credibilia isthac fecerit. Ac de breui-  
tate sanè ( quod nonnulli certè faciunt )  
quàm de superflua plixitate accusari malo,  
quan-



quantumvis non sine opera quodam meæ detrimento, ea taceam, quæ nō ineptè exponere potuisssem. Sed, ut historica huic descriptioni coronidem addam, extremo hoc capite mentionem faciam literarum, munerum & legatorum, quibus cū dominus noster Rex Philippus (cui, à Deo immortalī, ut fœlix incolumisq; diu sit, optamus) me ara Christiana M. D. XXC. è regno Mexicano, in Chinam, cum quibusdam eiusdē mecum sacri instituti religione initiatis viris, mittere constituerat. Ea igitur hac de re sigillatim indicabo, quæ, illesa, quam Principi meo debeo, fide, commemorari posse iudicauero; licet huc vsque dilata sit legatio, quam tamen, summi numinis benignitate, & maximi Regis studio ac diligentia, cum literis eo nomine scriptis, muneribusq; ad Chinarum Regem destinatis, felicem exitum sortituram esse speramus. Cū Hispani Philippinarum Insularum, quæ aliàs Occidentales adpellantur, incolæ, è Chinarum regione multa auri sericiq; pretiosa, aliq; diuersi generis mercimonia in portus suos aduehi, eaq; à mercatorib. Chinis, perquàm vili



vili pretio diuendi cernerent, simul ex ipsis  
intelligerent, eas terras compluribus alijs  
præstantissimis bonorum generibus à natu-  
ra effusè donatas esse, quorum partem in  
hac historia recensuimus, eam sententiam  
tenuerunt, ut existimarent, si res hoc modo  
procederent: continuusq; ea cum gente com-  
merciorum sibi usus esset, non solum ingen-  
tia ad sese emolumenta inde esse reditura,  
sed etiam Chinarum Regnum ad suscipien-  
da (quod unice Philippinenseis cupiebant)  
dogmatis Christiani placita eò leuiori nego-  
cio adduci posse. Insularum igitur Præses,  
& urbis Miniglie primores, unà cum se-  
natu Insulano, & quibusdam Augustinia-  
ne familie sodalib. (qui quidē primi Chri-  
stiana scita insularum earum indigenis de-  
nunciarunt, & ultra ducenta hominum  
millia sacris aquis ablucrunt, aliosq; tanta  
in re labores & molestias sanè graueis susti-  
nuerunt, quæ rectè commemorari possent, si  
& ad propositum meum pertinerent, & ni  
ego quoque ipsemet quotamcunque earum  
partem exhausissem.) Hi itaque omnes, re  
deliberata, quosdam autoritate fideq; præ-  
stan-



*stantes viros, ad Catholicam Regem nostrum  
mittere decreuerunt; qui maiestati eius in  
memoriam reuocarēt ea, quæ de Chinarum  
regno auditione accepisset, atque cognōisset,  
eamq; certiolem redderent, quanti Philip-  
pinarum Insularum ( quæ iure omneis Hi-  
spanici Imperij esse censerentur ) interesset,  
negotiationem & commercia nostrorum ad  
eos usq; populos extendi, quæ ratio ad com-  
munem rerum statum fortunasq; omnium,  
non solum conseruandas, sed etiam insigni-  
bus commodis atque ornamentis adaugen-  
das & stabiliendas maximum momentum  
allatura videretur. Orarent ergo, vt Rex  
eorum precibus clementer adnuens, legatos  
ad Chinarum Regem, ineunda confirman-  
daq; amicitie causâ, cum certis muneribus,  
quæ in Hispanico Regno inuenirentur, ma-  
gni q; apud Chinas æstimarentur, mittere  
vellet; adycerent: eo modo Christianæ pie-  
tatis doctrinæ aditum in eas regiones pate-  
fieri, simulq; negotiationem inter Hispanos  
& Chinas cæptam, ad insigne omnium Im-  
perio Hispanico subiectarum gentium emo-  
lumentum atque commodum, ob multipli-*  
*cem*



cem pretiosissimarum, atque præstantissimarum mercium, quæ illinc adueherentur, copiam, eò fælicius esse processuram. Cùm, re ita deliberata, quisnã ad grauissimæ huius legationis atq; longinqui itinervis onus subeundum idoneus videretur, collatis capitibus, inter se consultarent, vno consensu omneis censuere, eum, quem sæpius nominaui, Martinum Herradam, Augustinianæ sacre familiæ cænobiorum Coryphæum (ut hominem multiplici doctrina, & sancta morum innocentia præditum, Philippinensiumq; rerum, quod è primis earum Insularum cultoribus vnus esset, egregiè gnarum) rogandum esse; ut is in honorem supremi numinis, gratiamq; regis, atque quod tantæ hominũ multitudini, ad sempiternã eorum salutem consuli posset, huiusmodi laborem humeris suis imponi pateretur; persuasissimum etenim cunctis esse, totum hoc negotium à nemine fælicius aptiusq;, quàm ab ipso, viro, probata vita, multipliciq; rerũ expientia cõspicuo, confectũ iri; neq; quenq; aliũ facilius à rege, quæ vellet, impetraturũ; neq; deniq;, q̃ de ordinãda Philippinarũ Rep. (id



(id quoq<sup>3</sup> in mandatis dederant) cum Principe agenda forent, commodius & accuratius pertractaturū esse. Huic decreto, omnium sententijs adprobato; Herrada ad sensus, statim sese itineri dedit, conscensa naui, quæ in Hispaniam nouam velificabat, anno à nato Seruatore M. D. LXXIII. Discessurus, à Præside ciuibusq<sup>3</sup> cunctis, ob vitæ sanctimoniam, morumq<sup>3</sup> pietatem, virum amantibus, honorificè ad littus usque ductus est, multisq<sup>3</sup> cum lachrymis rogatus, uti, quàm primum posset, ad eos rediret, qui & summo perè eum colerent, & præsentiam eius, ut maximè necessariam vehementer desiderarent. Id facturum ille se promisit, inuicem ab eis stipulatus, ut hanc pro laboribus suis, quos ipsorum omnium communi nomine susciperet, gratiam sibi referrent. Deum sanctis precib. deprecarentur: is iter ipsius ut fortunaret; quod cum se facturos ciueis recepissent, quemadmodum pio erga ipsum animi affectu postea fecere; Herrada mense Nouembri oram soluit, cumq<sup>3</sup> per Mexicum iter faceret, me comitem itineris sibi esse voluit. Naui itaque in Occident-



dentali Oceano conscendimus, & Idib. Sextilibus Anno M. D. LXXIV. ad portum S. Lucae de Barrameda (ut vocatur) in Hispania, adpulimus, sequenti die Hispalim, inde, properè, Mantuam Carpetanorum, ubi tùm Rex erat, contendimus, quò cum XVII. Calend. Septembris, ea septimana, qua Guletanam arcem amissam esse, in Aulam nuntiatum erat, peruenissemus; Regis manus reuerenter exosculati, literas Præsidis, & Insulanorum Philippinensium maiestati eius dedimus: Rex, cum & literas, & nos, solita clementia suscepisset, & mandata exponentes, benignè & libenter audiisset; pium sibi atque utile videri desiderium nostrum respondit; seq̃, consiliarijs mandatorum, uti singulari diligentia de toto negotio deliberarent, idq̃, qua deceret, breuitate pertractarent, gratiasq̃, nobis egit, quòd ipsius caus̃s̃a atque nomine, tam lōginquum iter suscepissemus, ut & eorum, quæ de Chinarum regno comperissemus, & eorum, quæ ad Philippinensium Rempublicam pertinerent, certiozem eum redderemus. Sumptus postea omnes, dùm in aula eramus, libera-

S

bera-



beraliter præberi nobis iussit, mandauitq;  
ut rem totam Præsidi senatus Inditi expo-  
neremus. Is tunc erat D. Ioannes Obandus:  
huic iniunxit Rex, ut re cum consiliarijs  
diligenter prius excussa, quidnam statuen-  
dum videretur, ad sese referret: cui manda-  
to Præsides summa cum diligētia paruit: pau-  
cis siquidem post diebus, quidquid Philippi-  
nensium colonorum nomine petebatur, ex-  
peditum omne, & impetratum est; excepto  
capite legationis, quæ ad Chinarum Regem  
decernenda erat; ea, quod maximi momēti  
esset, & opportuno tempore, maturaq;  
& graui præmissa deliberatione suscipienda  
iudicaretur, in aliud tempus dilata & re-  
iecta est. Hoc cum responso, multisq; Regijs,  
de ordinanda recens inuentarum Regio-  
num republica, constitutionibus, adscitis  
insuper, qui unà nobiscum proficiscerentur,  
quadraginta religiosæ professionis viris sa-  
cratis, mense Ianuario, Anni M. D. LXXV.  
ex Aula discessimus, Hispalimq; reuersi su-  
mus; ibi, cum regio mandatu grauib; de  
causis ego remanere cogerer, Herrada, cete-  
riq; mystenauim denuò ingressi, Iunio men-  
se,



se, vela ventis dedere, & fœlici cursu in novam usq; Hispaniam delati sunt: ceterum, cum prospera navigatione iam ipsas etiam Philippinas Insulas in conspectu haberent, repente mutato vento, in Insulam quandã à nefandis inanum Deorum cultoribus inhabitatam reiecti sunt, à quibus, Herrada, ceteriq; omnes, trucidati, unico excepto, quem ex Insulis nobiscum in Hispaniam abduxeramus, Indo: is Manigliam reuersus, ceteros omnes interfectos, literas, quas secum habuissent, à Barbaris dilaceratas atque amissas esse retulit. Præsès, & coloni Philippinenses, hisce magno cum dolore atque luctu auditis, cum viderent, Herradæ & sociorum interitu, in pristinis sese miserijs relictos, ad Regem denuò literas dedere, supplicèsque eadem ab eo, quæ iam antè per Herradam legauit petita, impetrarant, sed impetrassè sese nesciebant, petière: rogarunt insuper, ut Rex, de legatis in Chinam mittendis quamprimùm statueret, quod antea eodẽ Herrada internuncio demissè flagitarent; alias præterea addiderunt rationes, quibus permotus Rex,

S 2

deter-



petentibus benignè adsentiretur, ut in re, ad optabilem Insularum statum potissimum faciente. Literis in Aulam delatis, Rex, ubi postulata Philippinensium cum prioribus omninò eadem esse animaduertit: Praesidem earum Insularum constituit D. Consaluum Mercadum Ronchilliam, ordinis equestris, virum grauem, magnanimum, & multiplicibus erga Regem obsequijs, quæ in Peruanis Mexicanisq; Regnis ei fideliter præstiterat, præclarè de republica meritum. Is itaque, cum iam Praeses creatus esset, & summum mittende in Chinam legationis, Philippinensium desiderium intelligeret, simulq; consideraret, quanti eam impetrare publici boni interesset, suppliciter, sed accuratè illud negotium apud regem & senatum Indicum urgere cepit: Responsum tulit; cōtinuò cum militari manu in prouinciam suam iret, omniq; ope salutis & incolumitati Insulanorum consuleret, quod ad legationem Chinesem attineat, cum ea tanti momenti nō sit: in aliud commodius tempus differendam videri, eò scilicet, usque, dum senatus rem grauius atque tempestiuè deliberatam atq; exa-



examinatam, ad Regem retulisset, isq<sup>3</sup>, ut  
omnium caput, ea decreuisset atque statuisset,  
quæ in Dei Opt. Max. maiestatisq<sup>3</sup> suæ  
honorem cessura indicaret. Ita Mercadus  
tūc discessit. Insulani verò, antequam no-  
uus Præses eò venisset, Sextili mense, anni  
sequentis, vehementius orare regem atque  
obtestari perrexerunt, ut tandem toties ro-  
gantium postulatis, clementer obsequere-  
tur, miseruntq<sup>3</sup> unà Acta, seu expositionem  
itineris, quòd aliquoties nominatus cæno-  
biorum Augustiniani instituti Coryphæus  
Herrada, cum alijs aliquot antehac in Chi-  
narum regnum fecerat, qua quidnam ibi  
tūc vidissent cognōssentq<sup>3</sup> nostri, explica-  
batur, quemadmodum è secunda historie  
meæ parte (cui tota ea narratio fideliter in-  
serta est) intelligetur. Decreuit tūc Rex,  
flagitatam toties legationem ad Chinarum  
Regem mittere, idq<sup>3</sup> eodem tempore, quo ob  
Lusitanicas occupationes, grauißimis curis  
distinebatur. Luce clarius hoc argumentum  
erat, prouidentiam numinis (in cuius pote-  
state, ut sapiens ait, pectus regis positum est)  
euncta hæc moderatam esse. Legatos autem



deligere iussus est Antonius Padillia Menesius, Indici senatus Praeses, cum quo ego diu antea saepe multumque cum de China-  
rum imperio egeram, tum de regno Mexi-  
cano (quod mihi, ab anno aetatis XVII. in  
hunc penè usq; diem ibi vitam agentis, pro-  
bè erat percognitum) occasione quorundam  
negociorum, quibus conficiendis ego, dum  
sacras in templo San Philippæo Mantuano,  
seu (ut nunc vocant) Madritiano ad po-  
pulum haberem conciones, saepius fui prae-  
positus; qua usus, cum frequenter ille multa ex  
me percunctaretur, atque inquireret, non  
rarò hominem conueni. Quamobrem Pa-  
dillia, cum ex multis etiam mecum habitis  
colloquijs, optimè in me esset animatus, &  
praeterea me salutis earum gentium cupidis-  
simum, Regisq; mei obseruantissimum esse  
reperiret; sibi persuadebat, me legationem  
eam è sententia Regis (qui hac in re tatum-  
modo alicuius religiose pfectioni dicati ho-  
minis opera uti cogitaret) omnium cōmo-  
disimè confecturum, & ad optatum finem  
esse perducturum: Existimabat et, non pa-  
rū huc momenti adlaturā diuturnā meam  
earum



earum regionum cognitionem, nauigationum peritiam, incolarum notitiam. His igitur de causis id mihi legationis obcundæ munus obtulit; & cum Lusitanici negocij ergò, iter ipsi suscipiendum esset, ceteris senatoribus Regijs dimittendi mei curam commisit. Hi me Hispalim adcersuere, edito mandato, uti dona, quæ ego mecum accepta, ad Chinarum regem ferre debebam, pararentur: ibi ego permansi, & profectiorem aliquot vrsi diebus, sed cum propter occupationum multitudinem, parari, antequam classis in Indiam ire solita, solueret, nequirent, Licentiat Gasca SalaZar, Indicæ contractationis Præses, & Indici senatus Adseffor, Regem literis eius rei certiores fecit ( qui tum Lusitani belli causam Vadasiosa erat ) ut is, quod est suæ maiestatis dignitate foret, statueret. Renunciari Rex iussit; classis vela ventis committeret; mihi, dum munera expedirentur, & donec naus pararetur, expectandum, qua quamprimum velis in Hispaniam nouam factis, eas illic naueis conscenderem, quæ quotannis inde in Philippinas Insulas abeunt, quod circa ferias Natalium Seruatoris fieri



consuevit. Hac ratione, dilata est profectio nostra usq, ad sollemneis dies esurialeis, anni sequētis, tam eò, quòd munera, quæ multa erant, citius expediri nequirent, quàm quòd vitiosis destillationum humoribus, molestisq, catharris, tota penè Hispania, eo anno laboraretur. Rebus tandem omnibus paratis, Regis ad Chinarum Regem literæ, unà cum muneribus, mihi traditæ sunt, de quibus hoc loco nihil dicam, quòd ingens eorum numerus, si foret pcensendus, narratio nostra æquo prolixior futura esset; existimo præterea, prudentem lectorem, per sese, considerata Hispaniarū Regis, à quo dona mittebantur, magnanimitate, eiusq, cui offerenda erant, maiestate atq, opulentia (quā, hac historia, satis, opinor, fusè descripsi) facile, qualia ea quantaq, fuerint, æstimaturum esse. Exactè etiam omnia indicare, epistolæq, regis mei, ad Monarcham hunc datæ exemplum huic adscribere cupiissem, quò opere ipso autor commendaretur. Sed cum rei huic summa manus non sit imposita, neque ego etiam, veniam ab eo, penes quē eius mihi danda ius est, ista diuulgandi impetrārim,



rim, quam, pro conditione locorum, in quibus nunc vitam dego, ne petere quidem possum, haud cōuenire id mihi censeo, ne fidem, quam Principi meo debeo, violem. Scire sufficiat & literas, & munera, & oblatam officiosè à Rege nostro Monarchæ illi amicitiam, eò duntaxat spectasse, ut Rex iste, clientesq̃, & vniuersi imperio eius subiecti populi, ad veritatem agnoscendam, & sacrosanctam religionem nostram Catholicam suscipiendam inducerentur atque concitarentur, & pudendi ipsorum errores detegerentur, quibus utiq̃, miseri laborant, dum nullam immortalis Dei (qui cælum, terram, omniaq̃ in orbe vniuerso, tam aspectabilia, quam aciem nostram fugiētia creauit, effertq̃, & beatos efficit eos, qui omnē suam in ipso spem reponunt, & legi ab eo promulgatæ, sanctissimisq̃, verbis, & veracibus signis confirmatæ, obedientes sese præbent) notionem habent. Hoc modo dimissus, ego in Mexicum redij, ubi tum turbatius quadam gerebantur, quæ ut accuratè obseruarem, discedenti mihi Rex preceperat. De his, cū, antequam cæptum iter

S S

exse-



exsequerer, Rex necessario certior faciendus  
esse videretur, Conignius Comes, Prorex  
Mexicanus, optimum factu iudicabat, Oly-  
sypponem, ubi Rex tunc erat, me reuerti, ei-  
que difficultates, quæ deliberationi, iussu  
ipsius, inter earum regionum Primores, le-  
gationis huius causâ institutæ, incidissent,  
explicare. Hac occasione in Hispanias reuer-  
sus sum, muneribus apud Proregem, dū aliud  
statueretur, relictis, Regemq; Olysyppone re-  
peri. Qui, cum literas, quas attuleram, le-  
gisset, meq; de consultationibus negotij hu-  
ius causâ habitis, differentem audiuiſſet:  
idoneam sibi commoditatem peruestigan-  
dam decreuit, qua Christianum hoc suum  
pie mentis propositum exsequeretur, quod  
iam quoque ab eo factum, neque ullas rei  
conficiendæ rationes prætermiſſas existimo,  
nosq; breui, euerſa & sublata impia vanissi-  
morum Deorum veneratione, Christiana  
placita, per uniuersum Chinarum Regnum  
disseminata atque propagata conspecturos  
esse, spero.

Quod



*Quod ut fiat, faxit ( qui unum id facere  
potest ) Deus Opt. Max. ut sanctissimus  
ipsius cultus ( quemadmodum omnino  
debet ) prouehatur , hominesq; hi  
precioso Christi sanguine reci-  
perati, beatæ immorta-  
litate compotes  
fiant.*

## ERRATA.

Pag. 3. vers. 13. lege adpellatas.

9. 18. San Laurentiani.

24. 5. sollennitate.

30. 8. ei thure.

37. 9. Bæthicis: & ib. lin. 14. aliaq;

41. 8. vilitas.

44. 6. diadematis ergò.

45. 1. Manigliam. Porrò pro Chinen-  
sibus & Chinenfium lege semper Chi-  
nis, Chinarum: aliaq; errata his simi-  
lia partim exemplaris vitiositate, par-  
tim festinatione commissa, tu ipse, Le-  
ctor benigne, corrige.



THE FIRST PART

Of the Nature and Properties  
of the Human Body  
As it is affected by the  
Four Elements  
And the Influence of the  
Stars  
By  
J. B. B. B.

THE SECOND PART

Of the Diseases of the  
Human Body  
As they arise from the  
Four Elements  
And the Influence of the  
Stars  
By  
J. B. B. B.



